


89057

с. 200

И В А Н И З Ъ Ю Р О В

Ж В А М Ы Л Ы Н



P2  
И



БИБЛИОТЕКА  
ГПТУ 8

29657 ае

Иван Изъюров,


# ЭЖВА ИЫЛЫН

П О В Е С Т Ь

КОМИ КНИЖНОЙ ИЗДАТЕЛЬСТВО

Сыктывкар 1959





Сё вояс чөж шувгис вөр...

Таг йёрса чальяс кодь веськыд пожомьяс, ошалан ройсөн дзормөм козьяс, еджыд гача кызьяс панласиены ота-мөдныскөд кымөрлань качөдчөмын, нуисны ас костаныс тыдавтөм тыш. Ёнъяс пыр ёнмисны, а омөляс косьмалісны, мед сетны места вылясла. Тадзи арын, төлын, гожөмын, тулысын.

Но вот воисны йөз. Вөрлысь шувгөмсө, пөтка-зверлысь сэні шыалөмсө найө венісны асланыс шыясөн: черьяслөн камгөмөн, пилаяслөн нязгөмөн. Пармаса лудіктурун көр вежсис бензин дукөн, вой төв шутьялөм пыдди кутіс шыавны тракторлөн таргөм. Гырысь пожомьяс, юрнысө тракнитөмөн, кутісны водавны небыд нитш вылө, пөрччыны нэмөвөйся сардмөм кырсьнысө, гольгыны-лэччыны юяс берег дорьясө, медым сэсса визув вакөд кывтны водзө.

Мича тшап пуясөй! Кымын мортлөн ки инмылө тіян бердө, кымын син пыр да сьөлөм пыр ті вуджөртад, гажа ягсянь стрөпилөясө да шылыд тысьясө вотөдз!

Кыздсюрö лясмунöм баракъяс костын брунвидзис-сулаліс пашкыр тугана öтка пожöм. Тайö пöрысь пуыс вöлі мусяньыс эжсьöма корöга сьöд кырсьöн, и сöмын йывтйыс, паськыд туган бердтйыс нин дзик, гөрдöдіс мырд гөрдöдз öжигайтöм кирпич рöмөн.

Вөр лэдзсыяслөн посёлок паськöдчöма ыджыд нöрыс бокин, көні коркö, тыдалö, сулавлöма паськыд яг. Та йылысь висьталіс и тайö öтка пожöмыс. Нöрысыс öні видзис посёлоксö войвывсянь öвтысь ёсь төвъясысь. Но талун арся тöлыс чушйöдліс асыввывсянь, керös пöлөн пöльтіс шляка сора кöдзыд зэр. И пöрысь пожöм, коді быттö аслас туганнас пыкис лювйөн-лявйөн кыссысь летöм вурун кодь улис кымөръяссö, лөвтис мисьтöм шы тölөн.

Дуня Шомысова ылысянь на адзис тайö öтка пожöмсö, коді вöлі ытя ва шöрын гөвкъялысь пыж кодь. Но тані эз вöv ытва. Тані прöстö уна татшöм гырысь пожöмъяс бöрынтьчöмаöсь керös горулö, сетöмаöсь места паськыд öшиньяса кузь баракъяслы. И ещö öтитор казяліс Дуня Шомысова: нöрыс гривка вывсянь кыліс неыджыд движоклөн öтырышья бруткöм-сьöласьöм.

«Тайö и эм базаыс?»—думсыс шензъыштіс Шомысова.

Дуня виччысис, мый паськыда нималан тракторнöй база паныдалас сійös югыд электрическöй биясөн, гөгөр зымган ыджыд зыкөн, тракторъяслөн муралöмөн... Нинöм татшöмыс эз вöv. Некөн весиг эз тыдав ни öти трактор, ни öти морт, эз кыв некутшöм шы, керös вывсянь бруткöм-сьöласьöм кындзи. Бабыс Шомысовалөн уна мойдлывліс дзор дед йылысь, коді пукалö пач вом дорын да пушкö ассыс ыджыд каллянсö, труба тырнас ывлаö лэдзалö сьöд тшын. Шомысовалөн нюмыс петіс тайö лöсвятöм öткодялöм вылас. И тайö тракторнöй база, коді таво должен лэдзны квайтымын тысяча кубометр вөр!

Дуня веськöдчис баракъяс помын сулалысь неыджыд стрöйбалань. Тайö стрöйбаыс сылы син улас веськалі сійөн, мый вевт сигөр дінас чурвидзысь көрт трубаысь вывлань качис сьöд тшын.

Дуня ылысянь на адзис сылы веськыда восьса öдзös. Сэті тыдалісны гырысь ящикъяс тыра джаджъяс. Ящикъяс дінас муткырасис-бергаліс морт.

Шомысова матыстчис да юаліс:

— Контораыс тiян кöни?

Ачыс думыштiс: «Магазин, тыдалö».

Морт петiс кильчö вылö, пыркнитiс вывсьыс буссö. Шомысова водзö сувтiс зэв тöдса чужöм, но кысь да кор адзылис тайö мортсö, дум вылас эз вермы уськöдны.

И сэки налөн синъясныс вочаасисны. Паныд сулалысьяслөн найö югнитисны шыр биөн. Морт тыдавмөнъя дрöгмунi, бöрынътчыштiс неуна, вештiс Шомысова вылысь видзöдлассö. Нывлөн став чужöмыс ыпнитiс, гөрдöдiс. О, Дуня бура тöдö тайö чужöмсö!

— Со кöни паныдасим!— пыдысянь артмис Шомысовалөн.— Кöни он виччысь.

— Паныдасим тай...— вомъяссö векуштöмөн нюммунис öдзöсын сулалысь. Мед не петкöдлыны ассьыс падмöмсö, сийö тэрыба кыкис зепсьыс папирос, суйис вомас. Истöгыс быттьö нарошнö дыр эз сюр зепсьыс, чуньясыс эз тöрны истöг көрöбас. Шомысова гөгөрвоис: тайö мортыслы, тыдалö, виччысьтöм жö лои тайö адзысьöмыс.

— Дыр кежлö, Дунь...— заводитлис мортыд, но быттьö мыйкö друг дум вылас уси да ланьтiс. Недыр чöв олыштöм бöрын нин тэрыба кутiс висътавлыны:— Контораас тэныд нинöмла... Мужикыд орчча баракас олö. Со эстөн,— индiс кинас матын сулалысь барак вылö, кöни меддор öшиньыс вöли пытшкöссияныс занавесалöма газетөн.

Шомысова эз шу кыв ни джын, бергöдчис, веськöдчис индöм бараклань. Эз весиг видзöдлы, кызди би öгыръясөн öзйысь синъяс колльöдисны сийöс. Дуня эз гөгөрво: кызди тайö мортыс, кодкöд олöмыс сылөн коркö сэтшöма гартыштчылис лёк гөрөдөн, вермис веськавны татчö да, тыдалö, весиг уджалö танi. Но шензьынысö вöли нинöм: Шомысова бура тöдiс Джыдж Максимлысь рөдсö!

«Мужикыд!»— уси дум вылас Дунялы тайö мортыслөн нюммуномыс, быттьö тайөн көсийс петкöдлыны мыйкö омöльтор. Нинöм, сылөн тырмас на вын и танi вочавидзны сылы кызди колö. Öнi Дуня абу ниң сийö вежөртöм нывкаыд, кодөн вöвлi важөн. И сэки кө сийö вермис сувтны паныд Джыдж-ставлы, то öнi тöдöмысь нин оз сет увтыртны асьсö!

И сöмын Ермолин оланinö öдзөссö восьтигөн Шомысова думыштiс: тайö мортыс тöдö сылысь мужиксö, и гашкö, Ермолин тöдö нин ставсö, мый Дунялөн коркö вöвлi сыкöд.

Ичөтик комнатаын вөлі пемьд. Няйт, чусмөм джоджсө код тодас нин корсянь абу чышкыштлөмаось. Тыдалө, бура важон нин абу веськавлөма корось йыв, ва ветьок. Джодж шөрын бок вылас куйлис куим кока ичөтик скамья.

Дуня шыбитис киняувсьыс ичөтик ёкмыльсө. Вольпась выльсь адзис сылы тодса гөрд эшкын, чусмөм да серсө воштөм эжода юрлөс.

Дуня унаысь нин адзывлис өтка зонъяслысь оланінсө, и өні эз шензьы, мый гөгөр татшөм дурк. Сийө көс-йис серөктыны, но серамыс эз жө пет. Вывті нин нем виччысьтөм артмис тайө паныдасьөмыс, кодөс сийө көть коркө и виччысис думнас, но пыр на нюжөдіс. Өні тайө сылөн вежөрсьыс некыдз эз пет.

Шомысова надзөник пөрччысис. Пелькөдыштіс да чышкис пызан выв. Сэсся коридорысь корсис рос, заводитис чышкысьны. Та вөсна эз кывлы, кызди комнатаас пырисны кыкөн да шензьөмөн мөдісны видзөдны: крөвать улысь тыдалисны кокьяс, сесь пуркйис-петис бус. Өтиыс пырысьяс пиысь вөлі ыджыд тушаа, гөрдоват чужөма, а мөдыс — латшкөс тушаа, лөз синьяса том морт. Водзаыслөн пырөмөн тшөтш кыис кынмис юр вывсьыс шапкасө пөрччигөн, а мөдыс нюмъялөмөн видзөдіс то крөвать улө, то аслас ёртыс вылө. Сылөн тайө гажаа видзөдөмыс быттө висьталіс: «Аддзан, гөсть тэнад воөма, пелькөдчө нин».

— Збыльсь, көзьяйкаыд пыр и төдчас,— сылы воча серөктис кузь тушаа мортыд, сэсся кызөктис.

Дуня петис крөвать улысь, кыпөдөм бус пырыс бура дыр эз адззы пырысьясөс, тілис синьяссө.

— Приездом, Дуня!— кыліс сийө төдса гөлөс.

Шомысова вөлисти гөгөрвоис: сы водзын сулалө Ермолин, аслас верөсыс.

— Эн виччысь?

— Виччыси... Но эг талун...

— Тэрмаси,— нюммунис Шомысова. Бандзиб вылас сылөн петавліс ичөтик гуран, коді мичмөдіс чужөмсө.— Со тай тіянлы көзьяйкаыс кутшөма колө.

Ермолин видзөдліс пелькөдтөм да идравтөм комната вылө.

— Ми тані омөля и овлам. Лун и вой удж вылынөсь,— сэсся косталыштіс.— Да, ме вунөді. Төдмась: мпян тракторист — Домень... Дементий Ульныров.

Зон топыда кутліс Дунялысь кисо.

— А кызди тодмалін менсьым воомсо?— юалис Шомысова.

— Лавошник воліс да висьталіс.

— Пырöй?— артмис Дунялөн.

— Коді?— эз гөгөрво Ермолин.

— Лавошникныд тиян. Оти сиктысьось ми ськөд. Гор-тас Пырöйөн шулісны.

— Пырöйөн?— серөктіс тшөтш Ермолин.— Зэв мича ним вөлөма. А ми Тшакөн шуам. Тшаков Порфирий.

Дуня коркө висьтавліс нин верөсыслы Пырöй йылысь, но, тыдалө, вунөдома. Öнi эз кут выль пөв висьтавлыны ставсө, бергөдіс сёрнисө мөдтор вылө.

Дуня эз виччысь, мый верөсыс сійөс встретитас сэтшөм көдзыда: эз весиг юав, кызди воис, кызди помаліс велөдчөмсө. Көть найө өтлаын олісны зэв на регыд, но век жө вөліны том гозъяөн, и карын янсөдчигөн сетісны кыв, мый торійөн дыр оз овны: курсьяс помалөм бөрын Дуня локтас верөсыс дінө. «А гашкө Пырöйыс ставсө нин сукляліс!»— думыштіс Шомысова. Но асьсө пыр жө лөньөдіс: Степанлы сійө ставсө висьтавліс.

— Тэнад өд, көнкө, туй вывсяныд и кынөмыд сюмалө,— гөгөрвоис дырөн Ермолин.— А гөститөдны миян нинөмөн. Ветлам столөвөйө.

— Столөвөйө кө и — столөвөйө. Менам нинөм жө абу,— сөгласитчис Дуня, гажая видзөдліс верөсыс вылө да юалис:— Мый нө көть он юав, кызди вои?

— Мый сэн юасьнысө? Гөгөрвоа. Төда нин: көмсоргавны кутан. Райкомолсянь звөнитлісны.

— Ме видзөда да, тэ мыйкө абу зэв рад!— серөктіс Шомысова.— Мый нө, уджавнысө, чайтан, ог вермы?

Степан сюся видзөдліс гөтырыс вылө, сэсся Домень вылө. Шуис:

— Но, мунім столөвөйө. Удж йылысь бөрынджык. Кынөм миян ур-вар сюмалө. Төрытсынь сөйлытөмөсь. Вот бергалыштан миянын лун-мөд да ачыд казялан: сөйнытө вунөдан.

Тайө сёрни костыс Домень, Степанлөн другыс, пыр сулаліс чөв. «Абу, тыдалө, варов»,— думыштіс сы йылысь Шомысова, коді эз радейтлыв йөз дырйи чөв овны. Но мыйөнкө вөис сьөлөм вылас тайө том мортыс, коді көть и чөв сулаліс, но чужөм вывсьыс позис лыддыны унатор.

— Но, мунім,— ещө өтчыд шуис Ермолин.

— Мунім кӧ и мунім,— шуис тшӧтш Дуня.— Нуӧдӧй менӧ асланыд столӧвӧйӧ.

2

Тракторнӧй базасӧ, кытчӧ комсоргӧн уджавны воис Дуня Шомысова, стрӧитлисны во-мӧд сайын. Сыӧдз, кор Эжва йывса тайӧ районас вӧлі шуӧма стрӧитны тракторнӧй база, дыр сёрнитисны, кытчӧ сійӧс восьтыны. Арталисны, мый дас тракторӧн, кодӧс кӧсйисны сетны базалы, кутасны тыртны районлысь вӧр лэдзӧм кузя джын плансӧ. Но первой воис жӧ петкӧдліс: база оз вермы тыртны и ассыс неыджыд плансӧ.

Районын кодсюрӧ мӧдісны серавны выль база вылын:

— Важъя клячаыд вӧлӧм бурджык на. Тайӧ тракторъясыд тай, наперво, районнымӧс карасинтӧг колисны-а.

— Клячаыд кӧть оз ылӧд, сӧмын верд бурджыка,— содтывлісны мукӧдьяс.

Шомысова вӧлі тайӧ районысь жӧ, кывліс татшӧм сёрнияссӧ база йылысь. Но сійӧ некор эз думышты, мый коркӧ аслыс ковмас сәні уджавны. Райкомол сійӧс кольӧм тулыс мӧдӧдіс комсомольскӧй организаторъяслӧн квайт тӧлысья курс вылӧ Сыктывкарӧ. Сәні Дуня и тӧдмасис Ермолинкӧд, кодӧ армияысь локтӧм бӧрын велӧдчис механикъяслӧн курсьяс вылын. Служитӧма сійӧ танкӧвӧй частьюн, вӧлӧма водителӧн, та вӧсна веськалӧма тайӧ курс вылас. Налӧн ӧтлаасьӧмыс да гӧтрасьӧмыс кызкӧ артмис ньӧти виччысьтӧг, весиг эз удитны гижсьыны: Ермолинӧс срокысь водз ыстісны уджавны механикӧн Эжва йывса тайӧ базаас, кӧть ачыс и вӧлі мӧд районысь.

— Воан ме дінӧ да гижсям,— шуис Степан, кор мӧдӧдчис уджалан местаӧ.

— Гашкӧ, менӧ тә дінӧ оз и мӧдӧдны,— шога нюммуніс Дуня.— Миянӧс колхознӧй комсомольскӧй организациясын уджавны велӧдӧны. Мый ме вӧрас вӧчны кужа?

— Велӧдчан!— эскӧдіс Ермолин.— Ме отсала.

Курсьяссӧ Дуня помалис медся бурьяс лыдын. Кор сійӧ воис бӧр аслас районӧ да пырис райкомолӧ, сәні юалисны, кӧні кӧсйӧ уджавны.

— Кытчӧ мӧдӧдад, сәні и кута уджавны,— вочавидзис Шомысова.— Дерт, медся бур вӧлі, асланым колхозӧ кӧ мӧдӧдад.

Райкомолса секретарь, Дунялөн важся тѳдса, серѳктіс:  
— Тэ жѳ верѳс сайѳ мунѳмьд карад! Мужикьд базаын уджалѳ. Сы дінѳ и мунан. Сэтчѳ ми сетам комсоргѳс. А то Степаныд тэнад норасьѳ: сьѳкьд пѳ механикавын дай комсоргавны... Нинѳм он вѳч, ковмас мунны.

— Артмас кѳ мыйкѳ менам,— повзискодь Шомысова.— Вѳрса техниканад ме абу тѳдса.

— А тэ тѳдан миянлысь лозунгсѳ: техника решайтѳ ставсѳ? Та йылысь курсьяс вылад эз висьтавлыны?

— Висьтавлісны... но...

— Некутшѳм «но», Шомысова ѳрт!— чорыда шуис райкомолса секретарь.— Ми ѳні некод на абу тѳдсаѳсь техниканас. А овладейтны сійѳн ковмас быдѳнлы. Тайѳ ѳні миян главнѳй мог. Тэ тѳдан, мыйта миян странаын ѳні тракторьяссѳ да быд сикас машинаяссѳ вѳчѳны? Коді на вылын уджавны мѳдас?.. Главнѳйыс — эн пов. Том йѳз базаын уна, унджыкыс муртса на помалісны курсьяс, сѳмын заводитѳны уджавны. Комсомольскѳй организациаын сэні матѳ нелямын морт. Гѳгѳрвоан, уджыс мыйта? Но, сѳрнитчим?

Дунялы ковмис сѳгласитчыны. Дерт, эз кѳ вѳв Ермолин базаын, сійѳ, гашкѳ, и пыксис на, нѳ ѳні вочавидзны мѳдарѳ вѳлі нинѳм. Сьѳлѳмыс кыскис сэтчѳ, кѳть уджсьяс поліс.

«Мыйсянь заводитны?»— думайтис сійѳ туй чѳжыс, дай ѳні, базаѳ воѳм мысти. Тайѳ юалѳмсѳ жѳ Шомысова сетис верѳсыслы, кьдзи медся матысса мортлы, кор найѳ, столѳвѳйын ѳбедайтѳм бѳрын, бѳр воисны гортас.

— Первой примит вай менсьым став делѳсѳ да мезды менѳ тайѳ уджсьяс — веськодя вочавидзис Степан.— Дѳзми ме ноксьыны тайѳ комсомольскѳй делѳяснас. Тѳ ѳтитор вѳч, то мѳдтор. Быд здукин райкомолсянь телефон дінѳ корѳны. Некутшѳм пѳльза ни тѳлк тайѳ уджсьяс ме ог аддзы.

— Тэ мый, йѳймин?— падмис Дуня.— Тайѳс тэ збыльысь?

— А мый?— Ермолин быттьѳ нарошнѳ скѳрмѳдіс Дуняѳс.— Миянлы оз собраниеяс да ѳтчѳтъяс ковны, а тракторьяслѳн удж. Найѳ кѳ кутасны кыскыны унджык вѳр, тѳ миянлы сэсся нинѳм оз ков. И сѳки миянлысь некод нинѳм унджык оз юав.

Шомысова ѳні эз гѳгѳрво Ермолинѳс. Быттьѳкѳ, Ськывкарын велѳдчигас, сійѳ нѳѳти эз вѳв татшѳм. Степан,

тыдало, казяліс жё, мый сылён кывъясыс эз воны сьёлём  
вылас гётырыслы.

— Извинит, Дуня,— шуис сійо небыдджыка нин да  
пуксис гётырыскөд орччөн, малыштис юрёдыс.— Мудзи ме  
зэв ёна. Лун и вой удж вылын. Төлк вылас некыдз ог  
пуксьой, ноксям, ноксям, а пыр өти местаын чеччалам,  
юртём петукъяс моз. Талун тэ со воин, радлыны меным  
колё, а менам юрын мөдтор: кызди сэни менам тракторъ-  
яс. Час, ме бёра-водза петала мастерскөйөдз. А то пола:  
аски тракторъяс бара сулавны кутасны... Тэ вод да шойч-  
чышт, ме — регыд...

Ермолин тэрмасьомён пасьтасис да мунис. Шомысова  
колис өтнас. «Да, тыдало, тані меным оз кокни ло,—  
шога думыштис сійо.— Но, нинөм он вөч: көть кутшөм  
сьөкыд эз вөв, колё заводитны уджавны».

Орчча сиктсёнь талун сійо локтис подөн, эз вай весиг  
ассыс көлуйсө: колис сиктө. Кутшөм эськө бур вөлі өні  
лөсьөдны вольпасьсө аслас көлуйөн, гажөдыштны мыйсю-  
рөөн комнатасө, но ки улас нинөм эз вөв.

Крөвать улысь кыкис верөсыслысь чемодансө, восьтис  
да видзөдліс көлуйсө. Ставыс сьөд, чусмөм. Корсис сөс-  
төмджык прөстыня, вежис вольпась вывсьыс важсө. Чу-  
көртис да торйөдис став көлуйсө, кодөс коліс аски жө  
мыськавны.

«Мыйсянь заводитны?»— выльысь юалис ассыс, и во-  
чакывйыс эз сюр. Первой, дерт, коліс төдмасьны йөзкөд,  
кодъяскөд сылы ковмас уджавны, нуөдны собрание, вын-  
сьөдны асьсө комсөргөн. Райкомолын висьталісны: база-  
са партийной организацияса секретарён тані Дмитрий  
Ильич Вурдов, кодөс неважөн на ыстис партиялөн райком.  
Сідзкө, аски первой колё сійөс аддзөдлыны да сёрнитны.

Шомысова пөрчысис, пырис кодзыд эшкын улө. Сійо  
куйліс вольпась вылын, верөссө виччысигмоз памятяс  
казытывліс карын өтлаын велөдчысь пөдругаяссө, велөд-  
чысьяссө, карса уличаяс. Казытыштис сійо сідз жө, кызди  
найө гождөмнас участвуйтисны комсомольскөй субботникъ-  
яс вылын: важся базарной площадь вылө садитисны пуяс,  
лөсьөдісны культура да шойччан парк. Интереснө, кутшөм  
лоө паркыс, волыны кө сэтчө дас во мысти либө сёрджык?

Дуня думсьыс өні жалитис нин, мый карын велөдчигөн  
өмөля төдмасис тракторъясөн. Карса улича выльысь сійо  
өткымынысь аддзывліс тракторъяссө. Но налөн ыджыд  
шыён таргөм кындзи вежөрас некутшөм серпас эз коль.

Бруткитгырийи туй кузя тупыльтчө кӱрт ёкмыль, быттӱо кутшӱмкӱ ыджыд сьӱд гаг, и тайӱ ставыс, мый колис сьлӱн паметын. Этша, зев этша сы вылӱ, медым сёрнитны тракторъяс йылысь йӱзкӱд, кодъяс асьныс веськӱдлӱны машинаяснас. Отчыд найӱ ветлисны экскурсияӱн Сыктывкарса вӱр пилитан заводӱ. Но и сӱсь вежӱрас казтылӱм вылӱ колисны сӱмын швыркыйсь-бергальсь кучик тасмаяс, тӱдтӱм машинаяс, на гӱгӱр котралысь йӱз, кодъяс вылӱ завидьыд петис. Ок, волас-ӱ сӱтшӱм кад, кор быд комсомолец кутас кужны веськӱдлыны машинаӱн, уджавны на дӱны!

Уна выль думъяс личкисны Дуняӱс. Сийӱ ойбыртис, весиг эз кывлы, кор воис Степан. Шомысова аддзис сийӱс сӱмын нин сӱк, кор Ермолин локтис вольпась дӱнас да инмӱдчис чунь помнас Дунялы нырас.

— Узян?— юалис сийӱ.

Шомысова восьтис синъяссӱ, нюмъевтис.

— Ӗдва мыни,— мыжа морт моз дорйысис Ермолин.— Нинӱм оз вермыны метӱг вӱчны. Век налы кодкӱ велӱдысь колӱ...

### 3

Шомысовалы эз вӱв окоата базаса том йӱзкӱд первойысьӱн тӱдмасьны собрание вылын. Кӱть неуна да, колӱ вӱли аддзывны ас синмӱн, кутшӱм интересъясӱн найӱ олӱны, мый вӱчӱны удж выланыс, кыдзи коллялӱны рытьяссӱ.

Аски асывводзнас Шомысова, верӱссӱ удж вылӱ колльӱдӱм бӱрын, выльысь думыштчис та йылысь. Степанлы сийӱ кӱсийысис луннас воыны мастерскӱйӱ.

— Верман воыны,— веськодя вочавидзис Ермолин.— Но мый миянлысь верман аддзывны? Няйтсӱ сӱмын.

Степан висьталис: ӱни медся главнӱй уджыс техника ремонтируйтӱм. Но запаснӱй частъяс эз тырмыны, и ремонтнӱй уджъяс муӱны лӱка. Ремонт кузя план орӱдӱма. Вермас лоны, мый туй сувтӱгкежлӱ став тракторъяс оз лоны дасьӱсь кыскасьны.

— Мый жӱ думайтад вӱчны?— юалис Дуня.

— Мыйкӱ думайтам жӱ,— кинас ӱвтыштис Степан.— Район да леспрӱмхоз миянлы сӱмын выговоръясӱн отсалӱны, сӱсся нинӱм.

Мыйкө дыра пукалом бөрүн Шомысова петіс гортсыыс, кайис мастерскөйө.

Ляпкыд да кузь мастерскөйын вөлі пемыд. Паськыд өдзөсьясөд өвтіс карасин дукөн. Ру пыр моз тыдаліс, кызди пемыдас муткырасисны югъялысь ватникъяса йөз. На пиысь некод эз и видзөдлы выль пырысь вылө, быттьө некутшөм делө тайө мортөдзыс эз вөв.

Дуня сувтовкерис, видзөдліс гөгөр. Думсыыс сійө көс-йис адзыны Степанөс, но сійө некөн эз тыдав. Мастерскөйын быттьө уна кузнеч дорсисны-клёнгисны мөлөтъясөн. Бокинджык, уна би чиръяс койөмөн, дзижгис ичөтик төчила. Сы дінө копыртчөмөн сулаліс томиник нывка.

Сэки Шомысовалы син улас уси өти морт, коді друг петіс мөд жырийө пыран өдзөсөд. Дуня төдіс: тайө вөлі Вурдов, кодөс сійө коркө адзывліс нин районысь. Ошйөм синкымъяса, сьөд тошка, кодөн Дмитрий Ильич сайөдліс гражданскөй война вояся ранасө чужөмбансыыс, видзөдлас вылас сійө вөлі стрөг. Но Шомысова төдіс: Вурдов вөлі бур сьөлөма морт.

Вурдов казяліс жө Шомысоваөс, локтіс сы дінө, нюжөдіс кисө.

— Шомысова ёрт, буракө?— юаліс сійө. И вочавидзөм виччысьтөг водзө нуөдіс:— Кывлі, кывлі. Звөнитлісны райкомсянь. Сідзкө, өтвылысь мөдам уджавны? Бур. Төдмась йөзыскөд. Кытчө овмөдчин?

Шомысова падмис, эз куж вочавидзны.

— Узинсө көть керкаын?— збыльысь нин юаліс Дмитрий Ильич.— А то татчөсса руководительястө ме төда: улича вылын узытөдасны.

— Верөс менам тані,— гөрдөдіс Шомысова.

— Верөс? Ещө бур! Коді нө тэнад верөсыс тані?

— Степан Ермолин...

— Ермолин?— быттьө тайө некыз эз вермы лоны, нюжөдіс Вурдов.— Мися жө сійө талун сэгшөм долыд!.. А делөясыс сылөн абу бурөсь. Ковмас тэныд, Шомысова ёрт, отсавны сылы. А то бергалө юртөм петук моз, кызди ачыс радейтө казытывны. Но, нинөм. Öні кыкөннад, гашкө, ставыс бурджыка мөдөдчас.

— Ог төд, Дмитрий Ильич,— признайтчис Шомысова.— Сьөкыд меным тані лоө...

— А тэ эн пов. Том йөз тані бурөсь. Быдөн сьөлөмсяньныс уджавны көсйөны. Сөмын төлкыс этша. Главнөйыс öні миян — дасьтыны тракторъяс кыскасигкежлө. Ог төд, мый

тані онодз вочомаоць, но нинём на абу дась: ни машинаяс, ни туйяс. Том йозос ковмас кыподны, а то комсомол базаын оз тыдав. Ми тэкод, Шомысова ёрт, первой вот мый вочам: чукортам комсомольскёй собрание лун-мод мысти, корам Ермолинос вочны отчёт ремонтной уджъяс йылысь. Мед том йоз критикуйтыштасны кодсюрёос, индасны тырмытөмторъяс выло. А тэ төдмась йозыскод, уджыскод. Эм тані мыйкө и клуб пыдди, но сылөн сөмын нимыс. Колө и клуб йылысь думыштлыны...

Көть кызди эз зиль лөсьодчыны Шомысова, но комсомольскёй собрание, кодос чукортисны куим лун бөрын сийө воом мысти, мунис гажтөминика. Том йоз чукөртчисны дыша. Ермолин, мыйөн сөмын Дуня висьталіс собрание йылысь да ремонтной уджъяс кузя отчёт йылысь, серөктіс.

— Интереснө! Аслам гөтыр контроль улө веськалі. Нинём он воч, лоө кывзысьны: начальство...

— Бөрийны на колө менө начальствоас,— нюммуніс Шомысова.— Гашкө, том йозыд оз и бөрийны...

— Бөръясны!.. Вурдов ставсө тані ас ногыс бергөдас, кызди көсьяс.

Эз, эз во Шомысовалы унатор сёлөм вылас Ермолинлөн. Но пырны ськөд зыкө Дунялы эз жө вөв окота. Собрание петкөдлас, мый ковмас водзө вочны.

Собрание вылын Вурдов первой төдмөдіс том йозос Шомысөвакөд.

— Райкомол рекомундуйтө Шомысөваос тиянлы комсомольскёй организацияса секретарөн. Тыдалө, Шомысова ёртос тиянлы ковмас бөрийны бюроө. Тиян өні бюроса өти член буретш оз тырмы. Сідзкө, позяс веськыда кооптируйтны.

Том йоз гөлөсуйтисны дружна, и тайө неуна бурмөдіс сёлөмсө Шомысовалысь.

— Мый нө...— заводитіс ассыс отчётсө Ермолин да видзөдліс Дуня выло, коді пукаліс Вурдовкөд орччөн президиум пызан сайын.— Тані, тыдалө, омөльдзыка интересуйтчөны комсомол уджөн. Дай сы йылысь ёнасө нинём и висьтавны. Шуа сөмын: омөля уджалам. Собраниеяс вочавны өні некор, колө уджавны, а больгөмсьыд төлкыс этша...

Но и удж йывсыс Ермолинлы ёнасө сідз жө нинём лои висьтавны. Ремонт мунө омөля. Окмыс трактор пысь некодөн на удж выло петны оз позь. Комсомолецъяс

удж вылын мукöдысь нинöмön оз торъявны. Клубын нинöм интереснойыс оз жö овлы. Ордыйсьöм абу паскöдöма. Кыпöдöмаöсь эськö сёрни ударникъяс йылысь, но öдийö бөр вунöдöмаöсь.

Пукалысьяс веськодя кывзисны Ермолинлысь висьталöмсö. Тыдалö, найö нинöм бурсö эз виччысьны тайö собраниесьыс, ни механиклөн отчётысь. «Унаысь нин сооруйтлывлім,— висьталісны пукалысьяслөн синъясыс.— А мый сыысь бурыс лои? Бурмис кыткö?»

Бокынджык, öти чукöрын, пукалісны ныв чукөр. Юрнуöдысьыс сэні вöлі Зоя, кодкöд Шомысова тöдмасис нин мастерскойын. Доклад чöж Зоя вашкöдчис пöдругаыскöд, öтвылысь накöд гораа сераліс.

Дуня öтчыд нарoшнö сувтöдіс Ермолинöс висьталöмсьыс, öлöдіс нывъясöс.

— Ті мыйла онö кывзöй?— веськыда юаліс сійö нывъяслысь.

— Пыр öтиторсö мый кывзан? Пельыд сьöдмас,— збоя вочавидзис Зоя став пыддныс. «Сэтшöм кокни вежöра Зояыс, али мый?»— думыштіс Дуня.

Нывъяс здук кежлö ланьтлісны, но регыд мысти выльысь заводитісны пыльсьявны.

Собрание неуна ловзьяліс сёрнияс пансьöм бöрын, но уна выступайтысь эз жö ло. Чорыджыка заводитліс сёрнитны Домень, сэки весиг нывъяс ланьтлісны, но друг видзöдліс Ермолин вылö да сёрнисö вуджöдіс техкружок вылö, коді пö оз уджав.

Собрание сідзи и эз аддзы асьыс туй. Та йылысь Шомысова собрание бöрын нöрасис Вурдовлы.

— Да, тэ прав,— сöгласитчис Дмитрий Ильич.— Том йöзкöд тані ёна на ковмас уджавны, мед кыпöдны найöс гырысьторъяс вылö. И ми тайöс вöчам, Дуня. Долженöсь вöчны. Сы вылö ми и коммунистьяс. Сідзи öд?

— Сідз, Дмитрий Ильич,— сöгласитчис Дуня, коді пыр на думайтис тайö удайтчытöм собрание йывсьыс. «А эсійö Доменьсö да Зоясö колö ас дінö кыскыны,— друг решитис сійö аслыс.— Унаön том йöз пиысь на вылö видзöдöны. Кыдзи найö, сідзи и мукöд».

Вурдов да Шомысова öні мунісны кыкөн. Ермолин собрание бöрын кётöртис мастерскойö, тшöктис Дунялы öтнаслы гортас мунны да виччысьны: регыд пö локта.

Туйыс вöлі тöдтöм. Кок улын то öтилаын, то мöдлаын веськавлісны ва гураньяс, кутшöмкö мылькъяс, кодьяс

бытьёкөнось луннас эз и вöвны. Вöлись öнi Дунялы ставыс танi кутiс кажитчыны мыйкö база кодьöн: кузь баракъясысь паськыд öшиньясöд улица-вылö петан электрической би югөрьясыс, карасин дука ывлаыс и йöзыс, кодьяслөн чужём вывсьыныс. оз бырлы сьöд — ставыс тайö мыйöнкö вöли интереснöй, выль. Паськыд тугана пожём йылö кыпöдём электрической лампочка гөрдöдис пу эжсö да пожöмыс йылöдзис бытьё вöли öжигайтчöма. Весиг көнкö баракъяс сайын лун и вой бруткысь шыыс, мастерскöйысь кылан клёнгомьс кызкö ловзьöдисны тайö пемыд пельöссö. Не кö найö, то эськö дзик нин вöли гажтём.

— Мича?— друг юалис Вурдов, гөгөр видзöдлём бöрын, бытьё гөгөрвоис Шомысовалысь думъяссö.— Няйт на гөгөр, но мича. А тэ эн думыштлывлы, Шомысова ёрт, кутшöмось лооны миян вөр посёлокъясыд, шуам, дас-дас вит во мысти? Збылысь юала: эн думыштлыв?

— Эг,— признайтчис Дуня.

— Тайö и лёк. Вот кор ми том йöзлы кутам унджык висътавлыны миян аския мича олём йылысь, кодöс ми асланым киясөн стрöитам талун, сэки и талунья кодь собраниеясыд оз лоны. А аския луныс миян лоö мича-сьыс-мича. Дерт, ми, гашкö, ог нин аддзылöй, а тi аддзылад на. Каръяс ми стрöитам вөрьясад, гырысь каръяс. Школаясөн, кинотеатръясөн, гажа клубъясөн. И оз лоны вөрса каръясас татшöм кузь баракъясыс.

— Но, кор на ещö тайö ставыс лоö!— эскытöмакодь нюжöдис Шомысова.

— Ас саяным, Дуня, ас саяным. А кутам кö ми и водзö уджавны тадзи, дерт, дыр на оз ло. Но ми зёлдчылам, выныштчылам, и матыстам мича аскияыслысь срокъяссö. Первойя вит вося плантö ми пöртiм олёмö нель воөн. Мыйта нин выльыс миян лои. А пöртам олёмö ещö кыккуим вит вося план, сэки ставыс вежяс. Миян партия öнi гырысь планъяс пöртö олёмö. Быдлаö колö уна вөр, а ми сийöс сетам зэв на этша.

— Ок, сьöкыд лоö, Дмитрий Ильич!— ышловзис Дуня.

— Да, оз ло кокни. Но ми сийöс вöчам. Вот коркö вöчам том йöзлы лекция миян планъяс йылысь. Висъталам налы, мый вöсна ми тышкасям талун. И ме эска: налөн вынъяс содасны... Но, вот, Дуня! Ме и вон гортöдз. Аддзан ассьыд туйтö? Қолльöдны оз ков?

— Аддза. Оз ков.— Дуня вочис нин гоз-мод воськов, но друг бергодчис, сьолөмяныы шуис:— Пасибө, Дмитрий Ильич!

— Мыйысь?— эз гөгөрво Вурдов.

— Тайө сёрнисыы... Некод на мекөд тадзи эз сёрнитыв. Весиг курсъяс вылын.

— Но, вот... Ми ещө том йөзкөд та йылысь сёрнитам...

Шомысова колис өтнасөн, мөдөдчис водзө. Горт дінас воигөн нин сылы паныдөн сьөд вуджөрөн сувтис морт.

«Сійө!»— повзис Шомысова. Көсйис котөрөн пырны посводзас, но мортыд сувтис паныд өдзөсас. Пемыдас каньлөн моз югьялісны Пырөйлөн синъясыс.

— Мый тэ кыйөдчан ме бөрысь?— сувтис Дуня да веськыда видзөдліс Пырөйлы шырлөн кодь ёсь синъясас.— Вешйы туй вывсьыс!

Пырөй эз лөсьөдчы вешйыны.

— Меным колө висьтавыны, Дунь...— заводитис сійө, но Шомысова өрөдіс:

— Эн лысьт менө некор тадз шуны!

— Дзик өтитор... важ кузяыс...

— Меным тэкөд нинөм йылысь сёрнитны. Сёрнитны кутам мөдысь,— чорыда шуис Шомысова да көсйис йөткыштны Пырөйөс туй вывсьыс, но сійө сулаліс мыр моз.

— Кывзы, Дуня... Ме со мый висьтала...— тэрмасьомөн вашкөдіс Пырөй.— Мый вөлі сэк, ме ставсө дивита. Батьөс, ачимөс, ставсө. Лёка ми тэкөд сэки вөчим. Но ме өні — мод. И став сьолөмөн көсья уджавны.— Пырөй сувтыштліс, став тушанас матыстчис Дунялань, кутис сылысь кисө.— Ме тані мый дыра нин приказчикын, а батьө өңі колхозын жө...

— Колхозын?— кисө Пырөй ордысь нетшыштис Дуня.

— Завхозө неважөн пунктөмаось. Мый вөлі овмөсным — ставыс колхозын.

— Ланьт, тырмас! Ме и кывзынысө тэнө өг көсйы,— выльысь нетшыштчис Дуня.— Мөдлаын кутам сёрнитны!

— А ме тані көсья! Син на син. Морөс на морөс. Он лысьт? Нинөмөн лоө пыксьынытө?— вашкөдісны Пырөйлөн паръясыс Дуня пель водзын дзик.

— Ме чунь джын мында тэысь өг пов,— скөрмис Шомысова.— Важыс тырмас. Правдайтчыны тэ водзын өг көсйы. Сійөс нин ковмас тэныд вөчны. И кымын регыд, сымын бур. Кутшөма көсьян да кутшөма уджалан, эг на

удит тѳдмавны. Сѳмын тай шулывлѳны — понлы пѳ выль гѳн оз пет. Меным войдѳр вѳлі гѳгѳрвотѳм, мыйла, мися, йѳзыс вермѳны сідз вѳчны. А ѳні аддза: мѳд ногыс тѳ энѳ и вермѳй. Тѳ зверьяс, и кѳиньяслѳн кодъ тѳян став олѳмныд и уджныд. Мый эм тѳнад ѳні выльыс — сѳйѳ кучыкыд. А сѳѳлѳмыд важыс, кутшѳм и сѳк вѳлі.

— Тѳ тай нѳ мѳд нога! Совпартшколаыд велѳдіс?

— Да, Тшаков Порфирий! Велѳдіс. Менам ѳні синьясѳй вѳссисны и вежѳрѳй югдіс.

— И тѳ кѳсян менѳ кыйны?

— Тѳнѳ кыйны оз ков. Тѳ шедѳмыд нин, кѳть сѳсся век чеччав.

— Тѳ кыян?

— Да, ме...

— И он пов?

— Мыйысь? ѳні тѳнад кыд дженъыд.

— Кѳть нин важсясьыс, — лѳкысь серѳктис Пырѳй да бара ляскысис Дуня чужѳм бердѳ. — Эн вунѳд: ми мужыкыдкѳд... другьяс!

Бытѳѳ орсѳн кучкисны Дунялы. Сѳйѳ первой неуна бѳрынтчыштис, сѳсся ѳддзѳдчѳмѳн ки пыдѳснас швачкис Пырѳйлы чужѳмбанас и кыв шутѳг котѳртис баракѳ. Пырѳй коли сулавны пос пом вылѳ. Недыр шай-паймунѳмѳн сулалыштѳм бѳрын сѳйѳ лѳптыліс кулакѳ бараклань, чеччыштис пос тшупѳд вывсьыс, кѳсйис, тыдалѳ, мыйкѳ шуны чорыда, но кутис асьѳ да уськѳдчис туй вывлань.

Дуня комнатаѳ пырѳм бѳрын сѳмын гѳгѳрвоис: тайѳ на костын абу на медбѳрья сѳрни. Сѳйѳ бура тѳдіс Пырѳйѳс, и сысь позис виччысьны быдторсѳ.

Рытгоровьясѳ, мыйѳн сѳмын сѳѳд кымѳрѳн паськѳдчас да ставѳ вѳвтѳяс арся вой, кузь баракьяс местаѳ кольѳны муртса тѳдчысь вуджѳрьяс. Сѳки жѳ сѳѳдлѳз ной енѳжын заводитѳны дзирдавны первой гырысьджык кодзувьяс, сѳсся и поснияс, и юр весьт тырѳ тѳралысь бисерьясѳн. И кор шор горулысь кутасны кывны удж выльысь воысь йѳзлѳн шыалысь гѳлѳсьяс да пемыд рытѳшызьѳдысь-поткѳдысь серам, барак ѳшиньяс друг югдѳны яр биясѳн. Станция базаын ичѳт на, и электричѳскѳй бисѳ йѳз оланіньясѳ сетѳны сѳмын сѳк, кор уджа-

лысьяс гортынёсь, и то сёмын пёрчысиг-мыссигкежлө да тэрмасьомёнмоз нуръясьыштан кад вылө.

Но мыйён өзьясны тайё югыд биясыс, паськыд өшиньясөд би югыдыс разьсьом сю кольтаясөн сьвмунө сап пемыд ывлаө, уськөдчө ройён тырём матигөрса козьяс вылө. Сэки кажитчө, мый ывлаыс нөшта пемдө, вöрыс сувтө чим сьөд стынөн, а джуджыд козьяслөн паськыд лыс лапъясыс гөрдөдоны өшиньяссянь швачкан югөръясысь.

Тайё кадас йөзкөд өттишөтш мастерскöйысь гортланьыс лэччө и Домень.

Гөгөр дзирдалө карывса уличаяс вылын моз. Вөр ланьтөма рытгоровса унзильөн, төбсьөма арпомся пемыдөн. Домень кок улын больскакылө няйт, тракторлөн паськыд лапаясөн гөрём муө крукасьлөны кокъяс. Сийö и виччысь: кытчөкө коньясян да тювгысян ныр вылад.

Но Домень таті оз нин первойысь вуджөрт. Кольём вося арсянь, кор сийö воис трактористъяс курс вылысь, Домень таті быд лун туйсө өтарө-мөдарө таялө. Кузянад сийö сэтшөма нин велалис, мый öнi синсө көрталөмөн көть мунас да асланыс барак өдзөс вугийö ылавтөг веськыда кутчыяс. Но не сёмын тайö туйыс, но төдса и кызы кык километр кузьята трассаыс, кытi регыд ковмас грыва-клёнакывны төвбыд чөж. Сидзкө, колө төдны и сьс став чукукьяссө, мылькьяссө, медым весиг фараяс öзтытөг адзыны туйсө, төдны, кытi кутшөм скорость вылын муны.

Крөвать пасьята кияссө шевгөдөмөн узьö Макара, кодкөд Домень өлө öти комнатаын. Сылөн вомыс восьса, быттьö мыйкө заводитлөма кодлыкө висьтавыны, но сидзи и кыв джын вылас унмовсьөма. Ичөтик нырыс чангыльтчөма вывлань ёна ёнджыка олигөныс серти. Оз весь сы вылын нывъяс пыр шмонитлыны.

Доменьлы дум вылас гортас пырём бöрын уси: сылы талун рытгоровнас, дзик пыр жö удж вылысь воём бöрын, тшөктис пыравны Зоя. «Мыйла?»— кымынөдысь нин асьсө юалис Домень. «Гашкө...» Тайö «гашкөыс» лунтыр нин эз сет спокой Доменьлы.

...Кодкө лунö көш дорысь моз киссис зэр. Домень лунтыр эз петав улича вылө — куйлөмөн лыддис книга. Вöли шойччан лун. Буретш сэки Домень ордө пырис Зоя. Сийö пуксис крөвать помö да, мыйкө дыра чөв олөм бöрын, кутис друг малавны Доменьлысь юрсө.

Домень эз вөрзъыв. Код тѳдас, мый воис вежѳрас Зоялы. Сыысь быдтор позис виччысьны.

— Дом!—кызкѳ аслыс ногѳн небыда шуис Зоя да нетшыштѳс Домень кыысь книгасѳ.—Кѳсъян, ме тѳнѳ окышта?

Домень первойсѳ падмыліскодь, сѳтшѳм виччысь-тѳмѳсь да лѳсявтѳмѳсь вѳліны тайѳ кывъясыс. Но век жѳ босьтѳс асьсѳ киѳ да веськодя моз чѳвтѳс:

— Тѳ нин Тшаковтѳ асьыд окав. Сійѳ тай мыйкѳ тѳ вылѳ нѳк кашник вылѳ кань моз видзѳдлывлѳ.

Домень казяліс, кызди друг вазисны нывлѳн синъясыс.

— Тѳ век сералан!—скѳрмис, тыдалѳ, ныв, а гашкѳ и дѳзмис, чеччис крѳвать помысь.—Мелѳджык кыв нывъяслы шуны он куж... Тшаков вылад меным и видзѳдлынысѳ дыш. Ок, эськѳ уджавны кѳ бурджыка!..

— Код тѳдас тѳянѳс! Кор асьныд кыв он шуѳй, а кор и окавны дасьѳсь!—серѳктѳс зон, а сѳсся нывлѳс ышѳдѳм могысь тракнитѳс юнас да шуис:—Вот он лысьт!

Сѳки Зоя копыртчис Домень дѳнѳ, топѳдѳс ки пѳдѳсьяс костас сылысь юрсѳ, окыштѳс паръяс. Зон кывліс топыд, пѳсь паръяслысь муртса инмѳдчылѳм. Найѳ вѳліны би ѳгыръяс кодѳсь. Домень кѳсйис видзѳдлыны нывлы синмас, но Зоя вештѳс синъяссѳ бѳкѳ.

— Со тѳ кутшѳм вѳлѳмыд... збой!—нюжѳдѳс зон да кѳсйис на мыйкѳ ещѳ шуны, но сѳки кодкѳ мѳдѳс игѳдчыны посводзын...

Сійѳ рытнас Домень эз вермы видзѳдны ѳртъясыслы синмас, бытѳѳ вѳчис на водзын кутшѳмкѳ мыж. А кор аскинас, удж вылѳ воигѳн, сійѳс сѳѳдѳс Зоя да веськодя мѳдѳс сѳрнитны дзик мукѳдторъяс йылысь, Домень кутѳс шензыны ещѳ ѳна: кызди Зоя вермѳ сѳдзисѳ, кызди абу яндзим?

«А талун гортас мыйла корис?»—некыз эз вермы гѳгѳрвоны Домень.

Тѳрмасѳмѳн мыссис, мыйлакѳ тувкис Макарлы бѳкас, садъмѳдѳс сійѳс, а сѳсся котѳрѳн петѳс орчча баракѳ, кѳнѳ олѳсны нывъяс.

Зоя вѳлі ѳтнасѳн. Сійѳ мыйкѳ вурис гѳрд кумачысь, и Домень пырѳм бѳрын зѳв тѳрмасѳмѳн дзѳбис уджсѳ. Доменьлѳн дасьтѳма нин вѳліны кывъяс, кодъясѳс сійѳ кѳсйис шуны пырѳмѳн тшѳтш, но став кывъясыс бытѳѳ друг вошины.

Доменьлы воліс сьёлём вылас Зоялөн унатор: Сы дінө зонъяс эз лысьтлыны мукөд дорө моз матыстчывны кутшөмсюрө кывъясөн. Нывлөн вөліны векныдик синъяс, косөдіник мыгөр, небыдик еджоват юрсияс. Быттьökөнөсь, нинөм абу төдчанаыс. Но нывъяс кывзысисны Зоялысь. Мукөд нывъяс көть и вөліны ягшөрсә пожөмъяс кодь топыдөн, а Зоя на дінын кажитчис йөнөдыввса кос кыдзён, коді быттьө россьөма паськөдчыны удиттөдз, но Домень адзис: татшөм нывъяслөн помтөм винөвлунныс. Көть мыйта найөс он куснөдлы, найө пыр өткодьөсь. Көть и пөрласны, но пыр важ кодьысөсь, кок выланыс бринквидзө-чеччыштөны.

Кодкө лунья комсомольскөй собрание бөрад, кор Зоя сэтшөм пөся да сьёлөмсяныс сёрнитіс, сійө кыдзкө лои матыссаджык Доменьлы. Нывлөн синъясыс, гажа серамыс, кор вөсныдик паръяс косттыс дзирдыштлісны пөсныдик еджыд пиньяс, эз мөдны петавны Доменьлөн вежөрысь. Торья нин тайө виччысьтөм окыштөм бөрад, мый йылысь зон эз лысьт и казытыштны.

Домень пуксис пызан дінын сулалысь джек вылө, кыв шутөг гөгөр видзөдліс. Син улө медся вөйдөр уси — нывъяслөн оланіныс ёна сөстөмджык налөн серти. Эз эскыссы весиг, мый тани олоны сьөд няйт пытшкын, маслөяс да карасинъяс пытшкын гудрасьысь йөз. Кыдзкө асьныс Доменьлөн синъясыс лэччылісны волялысь гач пидзөсьяс вылас, кок вылас. Комнатаын джодж вөлі еджыд. Стенъяс эжөмаөсь газетъясөн, крөватъяс вылын өдеялөяс улын тыдалісны еджыд прөстыняяс. А юрлөс эжөдъяс сэтшөм еджыдөсь, мый, кажитчө, ёрисны синъястө.

— Мый ланьтін?— шпыньмунөмөн юалис Зоя зонлысь падмөмсө казялөмөн.— Али кывтө гортад колин?

— Мукөдъясыс көнөсь?— нем виччысьтөг артмис Доменьлөн, и ачыс кыліс, кызди чужөмыс гөрдөдіс. Мыйлакө ещө думыштіс аслыс: эз эськөн вөв лёк, кутіс кө Зояыс уджавны ськөд өти машина вылын.

— Мый миянлы мукөдсьыс!— бара на серөктіс Зоя. Оз позь вөлі гөгөрвөны: збылысь шуис сійө тайө кывъяссө, али сералө, мый вылө ныв вөвлі зэв мастер.— Ме тай мукөдъясөс тшөтш эг кор!

Домень адзис — Зоя шмонитө. Но ныв друг збыльмөдіс чужөмсө, пуксис зонлы воча, гусьөн моз шөпнитіс, көть эськө коді вермис кывзыны налысь сёрнисө:

— Ме тэнö öтитор вöсна корн. Колö тэкöд сёрнитны... гусьöн...

— Гусьöн весиг?— збоймис Домень.— Висьтав вай, мый гусяторыйс миян вермас лоны?

— Да, да, гусятор,— тöдчöдис ныв.— Менö талун корлисны Дмитрий Ильич да виль комсöргыд... Дуня Шомысова... Пöлинö, мыйла сийö Шомысова, Ермолин-лөн кö гöтыр?..

— Ог тöд...— падмис Домень.— Мыйöн ме тöда?.. Гижсьытöмöсь, көнкö...

— А ме кö эськö сідзтö некор эг!— чорыда шуис ныв.

— Кызди?— эз гөгөрво зон.

— Гижсьытöгыд. Гөтрасьны кö, ставсö нин мед вöчны закон серти. А сідзтö мый? Не то гöтыр, не то мусук!.. А Ермолиныд тиян меным сьөлөм вылө оз во. Кутшöмкө гудыр сийö! Збыльысь.

— Та йылысь тэнсьыд оз юавны!— серöктис Домень.

— А вот и юаласны!— эз сетчы Зоя.

— Ладнö, ладнö!— корис нин Домень.— Висьтав вай бурджык, мыйла тэнö Вурдовыс да Шомысоваыс кор-лисны. Бурджык лöө.

Зоя еджоват юрсияссö лöсьöдыштiгмоз лэдзліс синьяссö увлань, видзöдліс Домень кокьяс вылө, сэсся видзöдліс зонлы синмас, быттьö кöсийс тöдны — позьö-ö ставсö висьтавны сылы.

— Дмитрий Ильич шуö, колö пö комсомольскöй тракторнöй колонна котыртны.

— Кызди сийö?

— Сетам пö том йöзлы куим-нель машина, прикрепитам бурджык комсомолецьяслы, и уджавны öтвылысь.

— Тайö и эм тэнад гусяторыйд?— шпыньмунис Домень, кодлы медся ёна парскис сийöтор, мый Вурдов да Шомысова татшöмтор йивсьыс первой сёрнитöмаöсь Зоякөд.— Ме чайтi, мися, бурджыктор висьталан!

— Нинöм тэ эн чайт!— Зояс быттьö орсөн кучкисны, и сийö дöзмöмөн тойыштчис Домень дiнысь.— Прöстö эз во сьөлөм вылад, мый первой мекöд сёрнитисны. Ме ог тöд, кызди водзö лöө, а виль комсöргыд меным зэв воö сьөлөм вылө. Быдлаö нырсö суйö.

— Но, а водзö?— торкис нылöс зон.

— Мый водзö?

— Котыртам, шуам, комсомольскöй колонна. А водзö мый лöө?

— Сёрнитны пö колö... Медся водз тэкöд тшöктисны сёрнитны. Збыльысь öд, Домень! Газетъясад со мыйсö комсомолецьяс йывсыд оз гижны: выль каръяс стрöйтöны, заводъяс, лётчикъясö муноны. А ми мыйöн омöльджыкось? Дмитрий Ильич правильнöя шуö: ставыс ас саяным.

Зоя быдсөн гөрдöдiс, сэтшöм сёлöмсяныыс сийö сёрнитiс. Домень эз на аддзыв Зояс татшöмөн. Сийö и ачыс унаысь нин думайтлывлiс: найö танi вöчöны зэв на этша, мед кöть мыйöнкö да торъявны мукöд том йöзсыс. Домень гоз-мöдысь нин панлiс сёрни та йылысь Ермолинкöд, но сийö пыр шеныштлiс кинас. Мед пö, колöкö, мукöдъяс ноксьöны, а сылы уджыс и сiдзи тырмö юр вывтырыс.

Онi Домень эз тöд, мый вочавидзны Зоялы. Дерт, Вурдов кö, шуам, сёрнитiс ськöд, то делöыс мöд вöли: Домень эськö сэки аддзис, мый висьтавны Дмитрий Ильичлы. Но öнi сёрнисö нуöдiс Зоя, и кызкö прöстö эз вöв лöсьыд ськöд панны сёрни татшöмторъяс йывсыыс. Сэсса, Домень ещö виччысис, мый Зоя мöдас сёрнитны дзик мукöдтор йылысь, а гашкö и виччысис, мый выльысь лöк кодкөлуньяыс, кор найö пукалiсны кыкөн сы ордын. Та вöсна Дöмень веськодя шуис:

— Татшöмторъяс йывсыд колö сёрнитны собрание вылын. Мый ми танi тэкöд кыкөннад вермам шуны?

— Он кö кöсйы; ме и мукöдкöд верма сёрнитны... А ме чайтi... Мися, öти машина вылö тэкöд пуксям, быдöнлы пример мöдам петкöдлыны...

— Збыль?— радлiс нин Домень.— Вай збыльысь тадзи вöчам! Вот эськö ми петкöдлам сэки тэкöд! Збыль?

Зоя нюммунис, гөгөрвоана видзöдлiс Дöмень вылö.

— Важөн эськö мед тадзи!

— А ме мыйöн тöда?— дзикöдз нин вежсис Домень.— Мед эськö первойсяныыс тадзи и висьталiн. Вай китö, Зоя! Öтвылысь мöдам.

Вунöдчöмөн ли нарoшнö, Домень матыстчис ныв бердö. Но Зоя вешйис, сувтiс. Зөн гөрдöдiс, сылы кызкö друг эз ло лöсьыд ныв водзын, кодöс думсыыс муртса на ридiс. Но Зоя тайöс бытгö эз казав. Сийö выльысь локтiс Домень дiнö, сюйис чуньяссö сылы юрси пöвстас, топöдчыштлiс шоньд морöснас юр дiнас, мелiа шуис:

— Ок тэ! Йöюк менам!..

Доменьлөн сёлöм вылас ещö шоналiс..

Недыр мысти Домень муніс нин посёлок кузя. Нинём вылө видзөдтөг, ас думъясас вөйтчөмөн, кияссө паськыда шевкйөдлг, сійө гырыся восьлаліс төдса туй кузя.

Домень думайтис Зоякөд сёрни йылысь, коді сылы лои сэтшөм виччысытөмторйөн. Ульныров гөгөрвоис: базаын делөясыс и збыльысь эз вөвны зэв бурөсь. Быттьөкө ставөн уджалісны сьөлөмсяныыс, и Ермолин мыйкө зілис, кызди кажитчывліс трактористлы, и век жө уджнас йөзлөн сьөлөмныс эз бурмыв. Мыйкө коліс вөчны, но мый — тайөс сійө эз гөгөрво.

Оні вот базаө воис Вурдов. Домень сійөс төдіс, кызди важ партизанөс да краснознаменецөс. И тракторист виччысис, мый Дмитрий Ильич воөм бөрын лоасны кутшөмкө вежсьөмъяс. Дерт, оз другысьөн, но сьөлөмыс Доменьлы висьталіс: водзө тадзи кольччыны оз позь.

Сэсса со воис и Шомысова. Домень сыкөд пөшти быд лун некымынысь паныдасьліс. Дуня лун-лун бергаліс мастерскөйын, столөвөйын, баракъясын. Унаөн нин кутісны казавны Шомысовалысь киподсө, көть и оліс сійө базаын зэв на регыд.

Медся ёна Доменьлы сьөлөм вылас воис сійө, мый выль комсорг кымынкө лунөн дзикөдз вежис базалысь неыджыд клубсө, позьө кө вөлі шуны клубөн неыджыд комнатасө, кытчө муртса төрисны ветымын морт. Но и тані Шомысова удитіс вөчны мыйсюрө. Чукөртөма нывъясөс да өти рытөн ставсө мыськөмаөсь-мичмөдөмаөсь. Весиг клубса пач ломтысь Габө Павел эз вермы гөгөрвоны, мый лоис тані. Пыр туплясысь скамьяс сувтісны кок вылө, джоджысь быри чунь кызта няйт. Вөлөмкө, сэні вөлөмаөсь зэв шыльыд да паськыд плакаюсысь джодж, и стеньяс пондісны гөгөр серавны. Стенын лоисны плакатъяс. Оні со Шомысова сёрнитөма нывъяскөд комсомольскөй колонна көтыртөм йылысь. Но мыйла медся водз колө вөлі сёрнитны нывъяскөд? «Миянтөг нинөм на оз артмы,— думайтис мунігмозыс Домень.— Куш нывъяскөдыд этша мый вөчад!» Домень сэтшөма вөйтчис думъясас, мый эз кывлы весиг, кызди өти барак дінсянь чукөстісны сійөс.

— Тэ нө мый, тшапмин?— кыліс сэсса Домень дзикмыш сайсыс горөдөм. Зон весиг дрөгмуни. Но төдіс Тшаковлысь гөлөссө, лөнис.

— Эг кывлы,— дорйысис Домень.— Отитор йылысь думайті, ылалі дзикөдз.

— Зэв нин мыйкө ставныд, ме видзөда да, думайтны мөдід!— серам сорөн моз вочавидзис Тшаков.— Другъясто весиг мөдін вунөдны. Кежалам ме ордө. Сёрни менам өти эм.

Доменьлы эз вөв окота өні пырны Тшаков ордө, кодос сійө эз зэв радейт. Лавошник кежис магазинлань, кыскыштіс зонмөс соскөдыс.

— Удж вылө меным регыд петны, ог эшты,— заводитліс пыксыны Домень.

Но лавошник кыскис Ульныровос мырдысьөн моз.

— Пыралам, пыралам. Здук кежлө сөмын.

Тшаков гуль-гольс восьтіс лавкасө, өзтіс би.

— Пыр, пыр. Мый полан?

— Ог пов. Мыйысь повнысө? Папиросла колө жө вөлі пыравны. Эм?

— Другьяслы век эм,— серөктіс лавошник.— Кодлы-кодлы, а тэныд век эм!

— Мыйла меным?— эз гөгөрво Домень.

— Гөгөрвоны колө, Ульныров ёрт!

Тшаков кыскис кыскө прилавок улысь папирос пачкаяс, мыччис Доменьлы.

— Гашкө и сакартор колыштө? Верма веситны кило-мөд.

— Сакар?— думыштчис зон.— Оз. Оз жө вөлі шуны сакарсө лавкасыныд?

Домень унаысь нин казьявлывліс: сёрнитігас Тшаковлөн лөзоват наян синъясыс быттьө бокиті кытшлалісны, эз видзөдны морт вылө. Сійө быттьө быд морт йылысь висътавлывліс водзвыв лөсьөдөм ёсь кывъяс. «Мый сылы мясянь колө?— думыштис өні друг Домень.— Папирос сетіс, көть эськө лун-мөд нин вузасис куш махоркаөн. Сакар вөзйө...»

— Воөма съөд бөжа катша, а ті пельяснытө чошкөдөмныд,— шөпкөдіс нин Тшаков.

Зон первойсө эз гөгөрво, код йылысь сійө тадзисө.

— Локтіс, ставсө пуз-паз вөчис катша моз, а сэсса лэбзяс... Кут сэки сійөс!

— Тайө тэ код йылысь?— збыльысь нин юаліс Домень.

— Быттьө он гөгөрво!— синъяснас югнитіс Тшаков.— Медбөръя ныв сійө мяян сиктын вөлі. Быд зонкөд

кыскасьліс, и мамыс сэтшөм жö вöвлі. Гащкö, витысь верöс сайö муңліс. Нылыс сы кодь жö. Сиктысь лэи пышыны. Öнi сө ветлöма курс вылö, начальствоö пуксьö. Нырсö лэпталö, ме пö и эм!..

Доменьлы кажитчис, мый сійö пемыдсьыс аддзö весиг югъялан синъяссö Тшаковлысь, векрышвидзан паръяссö.

— Тайö тэ Шомысова йылысь?— повзис Домень. Сійö ачыс кыліс, кызди йирмөг сибöдчис сьöлөм дінас.

— Мемтö мый... Меным дзык веськодь...— водзö вашкöдіс Тшаков, быттьö эз и кывлы Доменьлысь юалөмсö.— Кызди сöмын Ермолиныс сійöс вайöма? Ылөдліс, кöнкö, ас йывсьыс нинөм эз висътав. Тэ он верит? Позьö тöдмавны. Юав ассьыс, мый сійö висъталас Питирак Вась йылысь. Сэки аддзан. Мемтö öд, мися, мый... веськодь дзык... Сöмын тай вот Ермолинтö тiянлысь ылөдлö...

Кодкö, кылö, кутіс кывны ларөк діның, кинас шарөдчөмөн корсьны öдзöс вуг. Тшаков ланьтіс, вешйис Домень дінысь, юалис öдзöс пырыс:

— Коді сәні? Пöдса нин...

— Восьтыв здук кежлö. Нянь меным колö,— кыліс öдзöс сайсянь.

— Аски, аски... Кад колö тöдны...

«Мый дыра весь оліс, а öнi öти морттö оз кöсйи лэдзыны»,— думыштіс Домень лавошникöс думсьыс видөмөн. Но эз нин шысась: сылы кызкö Тшаков висъталөмысь друг лөи сэтшөм нелөсьыд, быттьö и збыльысь сылы мыйкö висъталісны зэв омөльтор. Збыль кö тайö... Но кызди тöдмалан ставсö? И ёна-ö позьö эскыны тайö Тшаковыслы, код дінö сьлөн сьöлөмыс пыр эз кыскыв, а мөдарö — мыйлакö мустөмтіс сійöс. Тшаков вöлі сэтшөм йöз пөвстысь, кодъясöс первой видзөдлөм бöрын жö он мөд радейтны, кöть и ачүд он вермы висътавны — мыйла.

Домень кутіс лөсьöдчыны муңны.

— Тэ пыравлыв ме ордö частöджык,— колльöдіг-мозыс висътавліс сылы лавошник.— Тэныд вылö ме век на мыйсюрö верма судзöдны. Складын менам бур тöдсаяс эмöсь; то öтитор, то мөдтор лишнөй сетасны. Позяс и тэнад пай вылö судзөдыштны.

— Оз ков... Мыйла меным...— падмис Домень не то тайö вöзйөмысла, не то Тшаковкөд став сёрнисьыс.— Оз ков...

— А ті тайö Шомысова йывсьыс век жö тöдмалөй,

меным кӧ он веритӧй. Дерт, ме и Ермолиныдкӧд верма сӧрнитыштны, но кызкӧ абу лӧсьыд. Менымтӧ ӧд, мися, мый... веськодъ!..

«Съыв тэ меным, съыв!— думыштіс Домень.— Вывті нин выйӧн мавтан, ме видзӧда да... Он кӧ лӧсьӧдлы, мыйла вӧлі колӧ тадзисӧ?»

И век жӧ сӧлӧм вылас сълӧн эз вӧв лӧсьыд. Гашкӧ, тайӧ вӧлі и сы вӧсна, мый веськодъя кывзис Тшаковӧс, эз куж сетны сылы некутшӧм воча кыв. Дерт, Дуня йылысь сійӧ этша мый тӧдіс. Но Ермолин мыйсюрӧ сылы висьтавліс аслас гӧтыр йылысь, и Доменьлӧн вӧлі нин сы йылысь аслас дум, коді правдайтчис и Шомысова воӧм бӧрын: абу нин сэтшӧм кулитана да шыбитана, кутшӧмӧн висьтавліс Тшаков. Но, мӧдарӧ кӧ, мыйыс и эз вермы лоны олӧмад!..

## 6

Пуксисны шляка сора кӧдзыд зӧръясӧн тыр арся луньяс. Пӧшти оръявлытӧг пыр ӧтмоза лӧччис муӧ ва, но му эз кӧсйы польдыны. Важӧн гӧрдӧдісны да вижӧдісны, а сӧсся дзикӧдз росмисны кызьяс, пӧрысь и том пи-пуйас. Гырысь пувьяс пыр ӧтарӧ кисьмисны, кытчӧдз эз смольӧдз сӧдӧдны да первойя кынмылӧмьяс бӧрын чу-кыртчыны.

Ар пом лои кузь, гажтӧм. Гажтӧм умтӧдз ӧткодь руд серпаснас синмыдлы и сӧлӧмыдлы. Важӧн лунвывлань лӧбисны гоҗся лӧбачьяс. Лӧзӧдісны урьяс. Мыш гӧрб вывсыньыс кутісны едждӧдны кӧчьяс. Но лым эз вӧв. Сӧмын шляка сора кӧдзыд зӧр, да асья кын вылӧ сямун-лӧ катшашыдӧс, быттьӧ кодкӧ сійӧс вылісянь ыджыд ки тырӧн гоз-мӧдысь сьук-сьук койыштас.

Базаын ремонтируйтісны бӧръя тракторьяс, эштӧдісны трасса, дасьтісны тракторнӧй додьяс. Кузнечайн мӧлӧтъяслӧн клӧнгӧм шы эз оръявлы лун и вой.

Ӑти татшӧм лунӧ Ермолинӧс корисны базаса директор ордӧ. Тайӧ луннас механиклы буретш висьталісны ӧти-тор йылысь. Гоҗӧмнас на сійӧ босьтіс тракторлысь мотор да пуктіс ыджыд пыж вылӧ. Та йылысь гижлісны весиг областнӧй газетьясын. И вот, тайӧ «Тракторохо-

дыс» груз вайигон базасянь квайтымын километр сайо косьмома да сибдома. Степан Ермолин арталіс тайо двигатель вылас. «Трактороходсо» лунысь-лун вичысисны, мед босьтны сэсь двигательсо. Дай «Трактороход» вылын воисны кутшомсуро запасной частьяс. Ермолин видіс асьсо, мый «Трактороход» вылын мододіс омөлик трактористос. Сы выло ыджыд надеяыс эз вөв весиг и ремонтной уджъяс вылын. Механик чайтис: базаса директор Павел Егорьевич Демин оні коро сийос буретш та кузя.

Директорлон кабинетыс вөлі выльон на строитом паськыд ошиньяса баракын. Ачыс Павел Егорьевич, кузь тушаа косодіник морт, пукаліс прөстой пызан дорын гырдызаяс вылас лэдзчысьомон да сөрнитіс кодкодко телефон пыр. Сийо весиг эз казаяв механикысь пыромсо.

— Да, ме...— кыло шуалис телефон трубкао директор.— Уджалам тай со... Кысь ена бурьыс... А мый ме верма вочны? Лымсо трасса выло ваявны ми ог вермо. Колхозьяс вылад вай зелодышт. А то подводаяс оз сетны весиг горючой ваявны... Абу тэнад дело? Кыдзи абу тэнад?.. Кодлон но, сидзко?..

Ермолин первойсы на казяліс: Деминлон кутшомко аслыссикас виж синьяс, ичотик гогросіник вом, ёсь ныр. Векныдик синьяссө сийо тэрыба читкырало, быттьо пемыдінысь муртса на петома югыд ывла выло.

Демин вөлі арлыда морт нин. Революцияодз велодчылөма Петербургской лесной академияын. Сидзсо, инженер Демин быттьокко вөлі сюсь морт, но полис гораджыка сетны голос, требуйтны чорыджыка. Торья нин сийос повзьодлісны тракторьяс. Сийо пыр на уджаліс канцеляриясын, новліс лесной ведомствосянь важиник форменной картуз. «Менө вөр видзны велодлісны, а эз керавны сийос»,— шуывліс сийо корсуро. Тайо базаас Деминос ыстисны мырдысьон моз, та вөсна Павел Егорьевич сийос и видзодіс, кыдзи эсько бөр пышйыны...

Демин, сөрнисо ородлытог, веськыд кинас пыраліс пызан вылын куйлысь гөрд портфельо, корсис сэсь кималаснас мыйко, но, тыдало, нинөм эз аддзы да сомын шеныштіс кинас. Трубкасо вынысь пунктөм бөрын Демин казяліс механикос.

— Вот, аддзан, механик ерт?— пөсьсо плеш вывсьыс ки мышнас чышкыштиг юалис директор.

— Мый сийо?— эз гөгөрво механик.

— Кыскасны тшөктөны...

— Кыскасыны? Төвся туйөдз ми ог вермө заводитны.

— Туй мянлысь оз юавны. Районлысь пö плансö колö тыртны.

— Но кызди ми вермам туйтöгыс кыскасыны?

— Вöвъясөн. Район сетö сё ветымын вöв. Көть пö кызди, а төлысса план колö тыртны. А то пö юрнытö ордөм.

— Вöвъясөн кө и вöвъясөн!— веськодя, весиг долыд-пырысь, сөгласитчис Степан.— Миянлы тöждысьöмыс этшаджык, Павел Егорьевич.

Директор дивитана видзөдліс аслас механик вылө, көсийс, тыдалө, мыйкө вочавидзны, но буретш сэки кабинетö пырис Дмитрий Ильич.

— Мый йылысь сідзи варовитад, начальникьяс?— серөктөм моз юалис Вурдов. Сэсса, воча кыв виччысь-төг, локтіс пызан дінө, пуксис Дөминлы воча.— Но, мый миян вылысь, Егорьевич?

Ермолин вешйыштіс бөрвыв. Сійö лөсьөдчыліс нин петны, но Вурдов юрнас докнитөмөн тшөктіс сувтны: лоас пö сёрни. Механик топөдліс пельпомьяссö, видзөдліс директор вылө, пуксис улөс вылө пызан помас.

— Мый вермас лоны вылысь, Дмитрий Ильич!— кызкө зэв шога шуис Дөмин.— Видöны леспромхозсянь. Горючöй абу вайöма, трасса дасьтытөм, машинаяс абу.

Ставсö ремонтируйтöма. Öнi со ещö эсийö «Трактороходнад». Мый морла вöлі сöмын сійöс ас сылі вылө вöчны? Транспортной проблема решайтiм! Быттö ми кутшөмкө судостроительной предприятие. Ме тай шуа вöлі!

Дөмин гожөмнас и збылысь вöлі паныд «Трактороходлы» сетны двигатель. Но воліс кутшөмкө инженер леспромхозысь да ставсö шызьөдіс. Көнкө пö, Архангельской областын, вөчөмаөсь да ёна ошкөны. Збыль, «Трактороход» вöчис некымын рейс, отсаліс арся ванас вайны базаө мыйсюрö Кулөмдінсянь. Но сійö кө кынмас туй шөрö, то сёрныс, төдөмысь, лоө уна.

— Быд лун пель сьөдмөдöны: гвоздсьö он аддзö!— водзö норасис Павел Егорьевич, Ермолин вылө корсюрö видзөдлывліг, быттö сысянь виччысис отсөг.— А көнi сійö гвоздыс, кодөс леспромхозсяяс сэтшөма төдöны?

— Тыдалө, ми збылысь сійöс ог аддзö,— нюммунис Вурдов.— Мыйла эськө миян ставыс лёка мунö? «Трактороходсö» нинөмла вöлі мөдөдны. Öнi сійö ачыс оз во. Ковмас вөлөн ветлыны да двигательсö көть вайны.

Ермолин пукаліс чөв, кывзысис сёрниас. Сійö асьсö лыддис мыжаөн жö сыысь, мый сетіс двигательсö уджалан тракторлысь. Но öні сылы быть ковмис шыасны:

— Ваям, Дмитрий Ильич. Ковмас кö, ачым ветла...

— Вот-вот!— сылань бергöдчис Вурдов.— Öні ставён кутам тайö двигательнас ноксыны... А ремонтön ми пуксим. Леспромхозад веськыда шуöны — «гвоздсьö» ог адзö. Мыйön ті, шуам, отсалід том йöзлы молодёжной колонна лöсьöдны?..

Дёмин лöсьöдчыліс мыйкö шуны воча, но сэки öшинь увті кутіс мунны трактор.

— Со тай, мый вöчöны том йöзид!— видзöдліс сы вылö да серöктіс Дёмин.— Гусеницанысö топöдны оз кужны, а тэ шуан... Бур тракторист ещö...

— Вот мый, Павел Егорьевич,— Дёмин дорö шыасис Вурдов, кор трактор муніс öшинь улысь да сылөн шыыс ылысмис.— Вай сёрнитыштам, мый колö вöчны матысса лунъясö. А то мян и збыльысь некутшöм тöлк оз ло.

— Мый нö... Позьö и сёрнитыштны, эм кö тэнад кутшöмкö конкретной предложенияс,— дышеника сöгласитчис директор.

— Сы йылысь думыштлыны колö...

7

Радейтö Габö Павел том йöзкöд сёрнитыштны: кывзыштны налысь сёрнияснысö, видзöдыштны на вылö бокисянь, кор сійöс оз адзыны да бытьö сылы нарошнö восьтöны асьыныс медгусятюръяснысö. Локтас Павел дядь клуб пöдласигкежлö, пукяс бокö да мөвпалö, думсыс донъялö öнія том йöзöс ас кадсякöд, кор сійö вөвлі сэтшöм жö том, кöть и олöмыс налөн вөлі мöд.

«Воласны, ыджыд бушколөн шыаласны да бөр муналасны,— думайтö Павел ас кежсыс том йöзлөн гөлөсьясö кывзысиг.— Ставсö гудраласны да пöрлөдласны. А меным бара удж: идрав, чышкав, шонты аски кежлö. Но и том йöз öні! Ми важөн мыйön вөлім? Қазьтыштнысö весиг оз позь: пемыд няйтың гудрасим. Тыш, мать, пакöститчöм. Öні мам йөвныс на вом доръяссыныс абу косьмöма, а трактор вылын нин пукалöны. И мунöны öд машинаясыс, кывзысьöны!»

Дмитрий Ильич воём бöрын ещö гажмис Павел. Көть

Од кызди да, вель на неважён война вылысь отлаын локтисны. Дерт, Павел дядь кыкысь контузитчыліс, пöрысьмис, öнi лoö стöрöжөн уджавны. Но Дмитрий Ильич оз ышнясь сы водзын ас чиннас, ас уджнас. Ок, и збой морт вöвлi Дмитрий Ильич том дырйиыс. Эз прöстö сийö бөрвылас лo командирөн. Но и ачыс Павел дядь оз радейт лишнöй казътывны Дмитрий Ильичлы важся воуйтöм йывсьыс.

Код тöдас, кызди том йöз тöдмалöмаöсь, но öтчид найö топöдисны Габö Павелöс клубын: висътав да висътав!

— Мед ачыс висъталö,— дорйысис Павел.— Гашкö, менам кыткö и лишнöй содтыяс.

Том йöз эз лэччысьны, и Павеллы быть лoи висътавны, мый кольöма сылөн пöрысь паметяс.

## ГАБÖ ПАВЕЛЛÖН ВИСЪТАЛÖМ

Мöд лун нин пыр öтмоза шöтiс-луйлис трехдуймовка. Быд снаряд лэбзигөн лэптывлам юрнымöс, кывзысям. Велалöмаöсь нин шы сертиыс тöдны, кытчö усяс снарядыс. Вылын кö, кылö, мунö — жбунгас водзö, ыджыд вөр дi сайö.

...Тайö вöли Двина ю пöлöнын, дас öкмысöд воын. Ми куйлим ичöтик сикт бокын, рынышъяс да идзас стегаяс костын. Дмитрий Ильич — миян командир. То öтилы приказ сетö, то мöдлы.

— Михайлов! Ветлы комбат динö. Тöдмав, кор ваясны патронъяс.

— Кывза, командир ёрт!— вочавидзасны сылы да котортасны штабö, сикт мöдар помö.

Миянсянь веськыдвылын рытнас на вöли вөр дi. Регыд тай сийöс увйисны. Пасьтöмöсь лoисны пуясыс, быттьö миянысь яндысьöны. Пожöмъяс вылын эз лoны пашкыр туганъяс, паськыд лапта увъяс. Сотöм тылаö ставыс пöри. Сöмын кузь сьöд мыръяс чурвидзисны гырысь сьöд дöмасьяса лым вылын, ыджыд пöжар бöрын моз.

Водзын, тыдалан выяын, мöд сикт. Сэни — еджыдъяс. Ми тöдiм: сэни сулалiс волчöй сотня — куш офицеръяс. Быд дас морт вылö пулемёт. На сайын — англичана. Ылысянь орудиеясысь лыйлöны, оз лысьтны матыстчывны миян динö.

Кодзыд. Лым пытшкад лун-модтö олом бöрын ещö нин кодзыд. Йирмөгид пырö питшöгад, чуңьясыд дубалöны. И ог төдöй: дыр-ö ещö кавмас куйлыны.

Вояс югидöсь. Рыгоровьясын вөр йывтi гоглясьö төлысь. Ворсöдчыштас югөрнас лым вылын, югдöдыштас став ывла вывсö. Видзöдан гөгөр да некыз он вермы чайтны, мый мунö война. Сидзи эськö и мунин сиктö, кайин паччөр вылö, бурпöт шонтысьыштiн. Но — оз позы! Миян водзын — еджыд бандитьяс. А ещö водзын — английскöй салдатьяс. Найö уськөдчöмаöсь том Сöветскöй республика вылö, медым миянлысь став озырлуньясö кианыс шымыртны.

Еджыд бандитьяс лыйлöны оръявлытöг, а миян патроньяс абуöсь. Но ми ог бöрынтьчö. Бöрынтьчыны эз позы.

Дмитрий Ильич дiнö бөр воис Михайлов, висьталiс: патроньяс оз на вайны, колö лыйсьыны видзчысьöмöнджык, патроньяс прöстö не видзны.

— Ёртьяс! — миян дiнö шыöдчö командирным. — Кывлiд? Штыкөн дорйысям, но ог бöрынтьчö. Правильнö?

Вот кутшöм вöли миян командирным...

Ми сэки төдiм нин Латкинөн Сыктывкар босьтöм йылысь. Та вöсна ещö чорыджыка кутчысим. Тась кö, мися, вермам еджыд бандитьястö путкыльтны, сэнiтö öдйö нин усйысясны найö. Гөрöдыс öд танi вöли, Двина вылын, а Сыктывкарад сöмын вожьясыс. Гөрöдсö кö разян, и вожьясыс оръясясны...

Эг бöрынтьчöй ми весиг воськов. А кор воис содтöд вын, асьным петiм наступайтны. И сэтшöма зырöдiм, мый еджыд бандитьясыд весиг Архангельскын эз вермыны сувтны. Сидзи мөреас и найöс шыбитiм...

...Том йöз, вомнысö паськөдöмөн, сюся кывзöны Павел дядьöс. Гут кö лэбзяс, и то шыыс эськö кылас.

— Водзö? — юалö кодкö.

— Мый водзöсö? Вот сидзи и воуйтiм, — висьталö Габö Павел. — Ме, дерт, сэки арлыда нин вöли. Мөд война вылын тышкаси. Но уна вöлины и том йöз. Таладорланьысь жö ставыс, Эжва йылысь. Ижмо-Печорскöй полк миянладорын сулавлiс. Вот и мунiсны том йöзыд добровольнöя тышкасьны еджыдьяслы паныд. Збоя тышкасисны. Вот ме и думайтi: тi öнi танi сидзи жö тышкасяд.

— Ми? — озкодь эски кодкö. — Кутшöм миян танi тыш? Вөр кыскалам, и то омöлика.

— Тi öнi тани ыджыд тыш нуанныд,— сьёлөмсяныыс  
висьталө Павел дядь.— Газетъясад со мый гижöны: уна  
вөр пö пятилеткаястө тыртны колö. Вот ми и тышкасям  
вөр вöсна. Кымын уна вөр сетам, сымын унджык заводъ-  
яс лоасны. Тайöс гөгөрвоны колö...

Сёрөн, сьылігтырйи разöдчöны том йöз клубысь. Габö  
Павел сулалö öшинь дорын да кывзö, кызди войся пемыд  
лөнсьö поткөдöны ёсь гөлөсьяс:

«Мы на горе всем буржуям  
Мировой пожар раздуем,—  
Во, и боле ничего!»

«Во, и боле ничего!»— на бöрся шуö тшöтш Габö Па-  
вел.— Со öд öнiя том йöзыд! Найö быдторсö вöчасны!»

А Домень, клубысь гортас мунигөн, висьталö Макарлы:

— Аски комсомольскöй колонна сувтö удж вылö.  
Весьшөрö тэ, Макар, эн лок миян динö. Повнысö нинöмла,  
ötвылысь эськөн... Ванюша Попов зев эськö көсийö миян-  
көд, но öд сийö слесарь...— Домень гөлөсын кылö төва-  
рышсö дивитөм, и öттшöтш вьльторсьыс полыштөм.

Аски асыв нель зон да куим ныв кутасны сылысь юав-  
ны: мый вöчны, кызди вöчны. Бур лоö, Ермолин кө кутас  
отсавны. Но Домень адзис: Степанлы эз во сьёлөм вы-  
лас тайö комсомольскöй колоннасö котыртöмыс, и надеяяс  
Ермолин вылö сьлөн эз вöv. Но сэки жö думыштіс, мый  
ачыс босьтчис бригадиравны. Сидзкө, колö петкөдлыны  
көть нин Зоялы: сийö, Домень Ульныров, абу нин сэтшөм  
шыбитана зон...

Войыс лөнь, пемыд. Унджык баракъясыс битөмөсь.  
И сöмын клубысь разöдчысь том йöзлөн кок шыясыс котш-  
какылöны кын му вылын.

Баракъясса кузь коридоръясын, кылö, вössылісны  
ödзөсьяс, көнсюрö здук кежлö югдылісны бияс. И бара  
ставыс лөнь, сап пемыд.

Сöмын öти морт эз узь сийö войнас. Тыдалö, унмыс эз  
лок, а гашкö и узьсьöма нин,— сийö пукаліс ичөтик дзуз-  
ган дорын юрсö öшөдөмөн аслас неыджыд комнатаын,  
магазинкөд öти вевт улын, весиг öти öдзөс сайын. Пась-

кыд мышкыс сълөн унаыс сыркмунлывлі, быттьо мырдысълөн бърдігөн. Юрсө лэптылас да сьод синъясыс мыйкө горша кърсысыълони комната пасьтаын.

Тайо вөлі Тшаков Порфирий — Пырöй.

Сійо лунсянь, кор Тшаков некымын во мысти вылысь паньдасис Дунякөд, сылы некутшөм покой эз кут лоны.

Онi лавошник мурчкөдiс пиньяснас, лөкысь читкыралiс ньөтчид вазьывтөм кос синъяссө, видiс-өрис асьсө сысысь, мый нинөм оз вермы вöчны, некод вылын песны став чукурмөм скöрсө.

«Быть лоо овны тани, сьод вөр шөрын, карасинөн кок пьдөсөдзныс дуксьөм йөз пөвстын. Лоо повны кутшөмкө Öдөтьысь, кодөс сійо коркө... Да мый и сёрнитнысö!.. Та вылө өмөй сійо лөсьөдчылис, кор асланыс овмөсын батыныскөд... Да, ставыс тайо онi воши. И өдвакө бергөдан бөр. Но, нинөм, ставыс на водзын. Найо абу на сэтшөм вынтөм йөз, медым не бергөдны. Оз мөд пыр тадзи лоны. Волас и шайо улича вылын праздник!»— думайтiс Тшаков.

Ошинь ставень сайын кылис кок шы. Кодкө, кылө, локтiс өшинь дорө, тутш-тотшкерис өшинь рамаө. Тшаков очмис, дрөгмунi, лэптiс юрсө. Сэсся ывлавывса морт, кылө, локтiс өдзөс дорө, кызөктiс.

Коса дзуртыштiс өдзөс. Муртса чусалан би югөр писькөдчис өдзөс костөд ывлаө.

— Кодi сәни?— юалис Тшаков, көть эськө гөгөрвоис нин, кодi вермас татшөм кадас да татшөм ногөн локны сы ордө.

Тшаков водзө калькөдыштiс өдзөссө. Сы вылө гөна шапка улысь видзөдiсны төдса синъяс.

— Пыр өдйөджык!— шөпнитiс Тшаков.— Некод эз аддзыв?

Морт пырис керкаө шытөг, дзоркнитлис гөгөр, юрнас довкнитiс электрической лампочкалань.

— Оз югдөд?— кызкө пинь пырыс сөдзөдөмөн юалис сійө.

— Синмөс, проклятойид, лун и вой ёрö! Дөзми нин найо биысь. Дзузган öзтi. Кыдзи тi сәни?

Морт пөрччысис. Сълөн вөлөма тшөтшыл гөрд тош, потласьөм кыз парьяс. Сы серти, кызди Порфирийлөн батыс (а тайо вөлі сійө) пельяссө чошкөдөмөн кывзысис гөгөр, зилис сёрнитны гусьоник, кытчөкө тэрмасьөмөн, Тшаков зилис гөгөрвоны, мый ещө накөд вермис лоны. Татшөмөн Тшаков некор на эз аддзыв батысө. Джыдж

Максимысь, кыдзи шулісны сылысь батысь сиктын, маті-гөгөрүн быдөн повлісны. Ок, сійё кужліс йөзтө гыж улас топодны, а өні со лоө йөзысь дзебсясьөмөн пиыскөд ад-дзысьлыны.

— Мыйла сэтшөм сёр?— юалис пиыс.

— Важөн шөйта. Но том йөз чукөр клубсыныд петіс, виччысьыштны лон.

Тшаков казяліс, мый батысь мыйкө оз висьтав.

— Но?— выльысь юалис пиыс.— Кыдзи оладсө?

— Омөлика,— синъяссө увлань лэдзис Максим.— Кол-хозысь вөтлісны...

— Вөтлісны? А скөтыд?

— Нинөм эз сетны. Ставыс сэтчө коли. Эк!..— ышлов-зис Максим.— Пом, тыдалө, миян олөмлы збыльысь кутіс воны. Дзикөдз топодны кутісны...

— Йөй бөлбан тэ, сійөн и ставыс тадзи артмис. Сюс-джыкөн кө вөлін, ставыс киад коли. Бур ещө, мый зарни-тө ме тэныд тшөктылі дзебны. Но ми и өні на сетчыны огө көсйө. Пыралам лавкаө. Менам тані нинөм абу. Эг виччысь тэнө талун...

Тайө кадас Доменьлөн эз узьсы. Гортас пырөмөн тшөтш сійө пуксис өшинь дорө, кутіс думайтны аскиа удж йылысь, Зоя йылысь. Ныв йылысь дум бөрья лунья-ясас сылы частөджык да частөджык мөдіс воыны юрас. Трактор налөн, дырөн, петіс ремонтысь. Обкатка муніс бура. Дмитрий Ильич шуө, регыд пө татшөм гырысь ре-монтсө кутасны вөчны оз базаса мастерскөйын, а ремонт-нөй заводьясын. Но кор на тайө лоас?

Макар, сылөн другыс, водөмөн тшөтш унмовсис, кутіс шкоргыны ныргорөн. Майбыр, нинөм йылысь оз төждысь. А Домень сідзитө оз вермы. Сылы кажитчө, мый сійө, кыдзи комсомолец, зэв на этша да омөля уджалө. Прав Дмитрий Ильич: быд комсомолецлы колө петкөдлыны том йөзлы пример. Но кызд сійөс петкөдлан, кор базаын делөясыс лёка мунөны? Кодөс мыжавны сыысь? Ермөли-нөс? Али директорөс? Бытьөкө, Павел Егорьевич сьөлөм-сянныс старайтчө. А төлкыс мый?

Друг Доменьлы кажитчис, мый дзуркмуни өшиньлы па-ныда магазинлөн өдзөсыс, улича сайын муртса тыдышт-ліс би, и пемыдас воши кутшөмкө ыджыд тушаа морт. Сэсса сійө мортыс, гырыся восьлалөмөн, пась пөлаяссө кокъяснас быд воськовтігөн шевкйөдліг, кутіс шавксөдны увлань. Киняулас сійө нуис ыджыд ёкмыль. «Магазин

петкөдісны? Гашкө, Тшаковос виисны?»— повзьөмөн думыштіс Домень.

Домень көсйис тувкнитны Макарлы бокас, садьмөдны сійөс, но нинөм думышттөг, тэрмасьөмөн, уськөдчис өдзөслань, крукачис, пөрөдіс кокнас джек, петіс улича вылө. Шавксьөдысь мортыд, тыдалө, сылысь ывла вылас быйкпитөмсө эз и казав — муніс водзө. Домень кыкысь-куимысь чеччыштөмөн суөдіс морттө, кватитіс сой пөлөдыс.

— Сулав! Тэ кытчө?— горөдіс Домень, быттё лөсьөдчис кучкыны — шеныштчис кулакас.

Мортыд шай-паймуңлі, сәсся тракнитчис, бергөдчис Доменьлы паныд. Зон вылө видзөдісны былялөм еджыд бугыльяс, кыз парьясыс повзьөм мортлөн мыйкө тэрыба висьталісны, но Домень нинөм эз гөгөрво.

— Көн вөлін?— выльысь юаліс сійө лөкысь.— Мый нуан киняулад?

Домень видзөдліс гөгөр. Матігөгөрын некод эз вөв. Некод некөн эз вуджрась, некутшөм би матын эз тыдав. Зон эз төд, мый вөчны мэртыскөд. Дерт, колө кытчөкө пыртлыны, төдмавны бурджыка: кытчө муңө, коді сійө ачыс. Но сы ыджда тушааыд кокныдыка вермас лямөдны том мортөс, кутас кө нуөдны сійөс. Горөдан кө — мездөдчыны да пышйыны век жө вермас. Но мөвпавны уна вөлі некор, отсөг виччысьны некодсянь.

— Мунам мекөд!— чорыда шуис Домень да нетшыштіс сой пөлөдыс. Повзьөм мортыд, тыдалө, ачыс на шөйөвошөмсьыс эз пет. Сійө сідз жө гөгөр видзөдліс, кутіс вашкөдны Доменьлы пеляс:

— Ме... пиөй ордын вөлі... лавошникөн сійө тані. Тшаков. Гашкө, төдан?

— Сөр, сөр кодлыкө!— орөдіс сійөс Домень.— Ветламоньсы дінө...

Сэки Домень кыліс, мый кодкө воө отсөг вылө: мыш сайын чушмуңны кок шыяс. Зон збоймис, эз видзөдлы весиг локтысьяс вылө, коскөдыс кватитіс төдтөм морттө... И та бөрын сәсся сійө нинөм оз помнит. Быттё ыджыд из уси мышсяньыс баялөж вылас. Кодкө кодлыкө төдса гөлөсөн шуис:

— Көтөрт!.. Одьөджык!..

Кыськө друг локтісны уна йөз, кутісны gryмакывны кын му вылын сапөгьясөн. Қодкө копыртчыліс Домень чужөм бердө. Сылы син пырыс бара вуджөртіс былялөм синьяса скөр чужөм.

Қор Домень воис садяс, сійö вöлі куйлö кын му вылын, и сы гөгөр зіля бергаліс Тшаков.

— Садьмин?— юаліс сійö.— Ме чайті, мися, виисны нин.

— А батыд?— юаліс Домень, кор ас дінсыс эз аддзы тöдтöм мортсö.

— Кутшöм бать?— шензыны кутіс Тшаков, сэсса отсаліс сувтны сылы.

— Эсію мортыс... висьтасис тэнад батьöн... Тэ ордын пö вöлі...

— Некутшöм бать ме ордын эз вöv. Ме вöлі узя аслам комнатаын и друг кылі: лавка öшинь дорын кодкö кутіс шарöдчыны...— не сöмын Доменьлы, но и локтысь йöзлы нин тшöтш висьталіс Тшаков.— Ме уськөдчи улича вылö, а сійö котöртіс. Сэсса көнкö кылісны гөлөсьяс. Ме котöрті тэныд отсөг вылö. Вои, мортыдлөн сöмын вуджöрыс, а тэ куйлан му вылын.

— Киняулас сьлөн ыджыд ёкмыль ещö вöлі,— висьталіс Домень, коді дзикөдз нин воис ас садяс да заводитіс мыйсюрö гөгөрвоны.— Лавкатö эз петкөдны? Ме сыысь и повзи.

— Эз... эн пов,— мырдысьөн моз нюмуніс Тшаков.— Кыдзи вермасны лавка петкөдны, кор ме орччөн узя.

Тшаков колльöдіс Доменьöс гортөдзис. Көсію на вöлі пыртны весиг вольпась вылөдзис, но Ульныров эз лэдз.

— Нинöм, нинöм. Некутшöм рана менам абу. Мыйöн сöмын нöшыштісны баябөжө? Юрöй öні на бергөдчö.

Домень пырис гортас, пемыдас пөрччысис, водіс аслас көдзыд вольпась вылö. Ставыс, мый вöлі öні ськөд, век жö вöлі гөгөрвотöм. Қодлөн вöлі мөд гөлөсыс? Коді кучкис сылы? И кыдзи сы өдья сы дінын лои тайö Тшаковыс?

А Макар узис орчча вольпась вылын да нинöм эз төд. Сійö тьпкөдіс вомнас, вөрөдіс пельпомьяснас. «Ок, друг!— нюмыс петіс Доменьлөн.— Дінсьыд төварыштö гусяласны, да он и төдлы!»

Регыд унмыс личкис и асьсö.

База весьтті лэбзис аэроплан. Югыд бордьяснас сійö лөсталіс асья блед енэжын, дзирдалысь шонді югөрьяс улын, да топыд морөснас поткөдіс сынөдсö. Аэроплан

вошласис джуджыд пуяс сайо, и сомын гораа жургом сер-  
тиис позис тодны: сийо конко матын на.

Домень синнас дыр вотлысис аэроплан борся, кыт-  
чодз сийо дзикодз эз саяв пуяс сайо. Самолетъяс заводит-  
тисны нин унаысь петкодчывны база весьтын, и быд раз  
на борся улиянь видзодисны уна гоз син. Висьталоны  
воли весиг: самолётъяс они Сыктывкарсянь лэбалоны  
Печора йылөдз, но некод на сийос матисянь эз адзыв.  
Отчyd нимавли: самолёт висьысла пуксяс базао. Но  
асывводзнас кыподчис пурга, висьысьос районөдз ковмис  
нуны волон.

Домень ылалис самолётнад, весиг эз казав паныд лок-  
тысь мортос. Очмис сомын сэк, кор кодкодко чорыда зу-  
расис.

— Синтоммин?— кылис тодса голос.— Али слепокур  
босьтис?

Домень водзын жерьялис паськыд пиньяснас Макар.

— Адзылин?— радломон юалис сийо, быттьо ачыс  
лэбзис самолёт вылас.— Тракторнад эсько корко сидз кы-  
подчывны? Миян бабо тай кольом воо первойсы аэро-  
планто адззис да модис горзыны: «Макарушко! Трактору-  
рыд лэбзьо!» И сэтшом тэрыба модис чөвтавны пернапас,  
мый ме сераломойла муртса эг кув. Ме сылы висьтала:  
мися, тракторыд лэбавны оз вермы, а сылы веськодъ.  
Век асьыс дольо: дзик по откодъ, трактур коть ероплант,  
ставыс по чортлон машина, ставсо антикрис новлодло...

Кызди и пыр, Макар сёрнитис тэрыба, быттьо кодоско  
пайыны косийо. Руд синьясыс сылон сёрнитигас небыда  
югьялисны, а кыз горд парьясыс эз топавлыны.

— Збыльысь, Домень!— Макар голоссо быдсон чин-  
тис.— Миян уджыд няйт. Пыр лоо кыскасьны оти мес-  
тати, надзоник. Эськон, кыподчывны коть отчyd выло-  
выло, мед быдласянь тыдавлан да мед быдон вермасны  
шуны: со по, Макар лэбзьо. А миян мый? Вовьясос со-  
мын повзьодлам. Сикт кузя коть эн мун: чужомыд съод,  
тэысь карасинон овто. Нывьяс паныдасигьясон модаро  
бергөдчоны. Сомын челядь нимкодясьоны да вотлысьо-  
ны, адзывтом зверьяс борся моз.

Домень осьлалис кыв шүтөг. Сийо кывзис, кызди  
тов ныр ношта вайлис аэропланлысь муртса кылан шысо  
да сэсса, тыдало, дзикодз выло нин ланьтис.

Гөгөр нин тупкысьома ляпкыдик небыд лымйон. Сы-

лөн дзирдаломыс ёрис велаветом синьясто. Став ывлаис аслас шебраснас тайо асывводзнас кажитчис торья гажаон. Вот, дырон воис и кад, кор позяс петны первой рейсыасо.

Доменьлы эз кажитчы, мый Макар быттьо гусялис сылысь думьяссо. Эз во сёлөм вылас и сийо, мый тадзи сёрнито ас удж йывсыс, коть эськөн первойысь на лосьодчө пуксыны трактор выло. Кольом воо од сийо уджалис трактористлы отсасысьсон, ёнджыкасо сцепщикалис. Кокни шуны: вөвьясөс повзёдлам. Кыскыны оти тракторон төвбыдөн дас кум сюрс кубометр вөр — абу этша. Та выло од колө вочны сө рейс, быд лун лэччөдны сө кымын кубометр. А жугалас кө машинаыд, да сийос ковмас төлысь джын вочны?

«Збойлуннад миян этша босьтан,—ас кежсыс думайтис Домень, чорыда эскөмөн, мый тайос нинөм оз гөгөрво Макар.— Лётчыкыдлы лосьыд. Сылы оз ков көкьямыс-өкмыс комплекта бөж кыскыны. Пуксин, лосьодчин дай лэбзы. Налы пө механикьяс став машинасо лосьөдоны. А миян ставсө лоо вочны аслыд, аслад кион».

Том йоз воисны контора динөдз. Макар пыр на мыйкө тэрыба висьталис. Но Домень омөля и кывзис. Быд собрание вылын налы висьталоны: колө бура төдны машинатө. Кокни шуны: төдны машинатө. Сийо ачыс чайтис нин, мый бура төдө асыс «Сталинецсо», а төрыт ремонтируйтөм машинанас петис мастерскөй водзө да пыр и сувтис. Вөлөмкө, гусеницасө кыздсюрө тэпөдсьөма. А петигас өмөй эз нин бура ставсө гөгөр видлав? Ладнө ещө гараж динын ставыс тайо лои. А рейсын кө?

— Тэ век жө абу прав,— шуис Домень Макарлы, кор эз кут вермыны виччысьны сылөн бызгөмлысь помсө.— Удж вылад, дерт, сьодасян неуна. Но видзөдлы тэ нывьяс выло: найо абу нин сэтшөм няйтось.— Сылы аслыс дум вылас уси нывьяслөн оланіныс: сөстөм, югыд, гажа.— Ми асьным на уджавныс ог кужө, кызди колө. Лётчыкьясыдлы миянлы моз оз позь: миянлы и няйт машинанад туйо петны позьо. Сувтас кө машинаыд — му вылынось. Чеччыштін трактор вывсьыд дай ставыс. А лётчыкыд? Сынөдад он чеччышт. Сийон и машинаыс налөн сэтшөм сөстөм. Сэсся, эн на зэв дыр трактористав...

Макарлы эз кажитчы, кор сылы индивлісны та выло. Та йылысь Домень төдис, но век жө шуис тайо кывьяссө. Макар видзөдліс Домень выло, сэсся карасинысь вижө-

дөм кияс вылас, косьис мыйкө шуны, но аддзис налань матыстчысь Вурдовос да ланьтис.

— Мый йылысь сідзи варовитад?— шмонитөмөн моз юалис Дмитрий Ильич. Сійө, тыдалө, муртса на бритчөма да кызкө быттьө ёна томмөма. Весиг синъясыс талун ворсисны мод ногөн, чужөм вылас эз төдчыны сійө чукуръясыс, кодъяс мукөд дырйиыс вөчисны сійөс пөрысьджыкөн.

— Да вот, лётчикъяс йылысь, Дмитрий Ильич!— гораа вочавидзис Макар.

— Лэбавны окота?

— Мый нө! Совет Союза Героясыс миян ставөн лётчикъяс. А ми абу жө коньөръяс.

— Дерт, абу коньөръяс,— сөгласитчис Вурдов.— Но первой, ме ногөн, колө велөдчыны му вылөд ветлыны бурджыка. Вылісяньыд верман и усыны.

— Ог усь!— чорыда шуис Макар.

— А кодкөлун пө трактор вывсьыд усьөмыд да муртса гусеница улас абу веськалөмыд!— серөктис Вурдов.— Вөлі тайө?

Макар гөрдөдіс. Дмитрий Ильич босьтис сійөс сойбордйөдыс, йөткыштис кильчө послань.

— Он кө тэрмасьөй, пыралөй ме ордө. Ме висьтала тиянлы, кызди ми коркө лётчикъясөн муртса эг лоө.

Вурдов пыртис том йөзөс аслас кабинетө. Тайө вөлі неыджыд комната: ичөтик письменной пызан, книгаяс тыра полка, стен бокин — кузь скамья, некымын джек.

— Но, но, пуксьөй! Эн полөй!— Вурдов мышкөдныс йөтлалис том йөзөс кузь скамьялань.— Куритчөй, шонтысьөй. Мыйкө вот ті, том йөз, он пыравлөй ме динө. Быд рыт клубынөсь, а ме өтнамөн гажтөмча.

— Ті, Дмитрий Ильич, клубас частө жө овланныд, пөшти быд рыт,— шуис Домень, кодкөд Вурдов тадзисө первойысь на сёрнитис. Веськыда кө шуны, сійө велалөма нин аддзыны Вурдовос президиумысь собраниеяс вылын, трибуна вылысь, а мастерскойын кө — кодкөдкө видчиг. Вөлөмкө, Дмитрий Ильич зэв прөстөй морт, кужө шмонитны, серавны, сёрнитны прөстөйторъяс йылысь.— А татчө пырныд ми... полам...

— Полад? Меысь?— гораа серөктис парторг.— Меысь повны нинөмла. Коркө кө и видыштла — нинөм. Бур вылө сөмын. А сёрнитыштны пыравлөй. Меным сөмын любө лоө. Радейта ме том йөзтө.

Вурдов пөрччысис, пуксис пызан сайо, зепсыс кыс-  
кис папирос пачка, пуктис пызан выло.

— Куритчой!

Домень да Макар кыкнанныс босьтисны папиросъяс.

— Сидз ино, лётчикъясон косяд лоны? Весиг герой-  
ясон?— юалис выльысь Дмитрий Ильич.— Тайо бур. Коло  
лоны геройясон. Миян лётчикъясид и збыльысь геройяс.  
Со кызди найо товнас челюскинецъясто спаситисны. Но  
вот мый, будущей лётчикъяс: ми корко лэбавны жо  
косьим, но нином эз артмы. Сы йылысь ме и кося вись-  
тавны. Воли тайо польской фронт вылын, кызьод воын.  
Оти луно миян окопяс весьто куимысь волис аэроплан.  
Чортыс тодо, кутшом сийо воли: польской али француз-  
ской. Сэки од Пилсудскийид вэюйтис французской пуш-  
каясон да самолётъясон. Но, вот, волас сийо самолетыд,  
шыблалас бомбаяс да бор пышъяс. Ми сийос винтовка-  
ясысь, ми сийос пулемётъясысь — нином вочны ог вермо:  
вильшасьо миян вылын дай ставыс. Сэсся локтис нельо-  
дысь да бара ми весьтын модис гогравны. Дыроннад код-  
ко, тыдало, и чушкис сийос: самолетыд друг ланьтис,  
кутис улыстчыны. Коть кызди эз кыссы лётчыкыс асладор-  
ас, но эз вермы: лои пуксыны мыш выланым, миянла-  
доро. Противникыд казалис тайос, модис шотны орудие-  
ясысь. Миян йоз уськодчисны самолёт динад, босьтисны  
лётчыксо плено. Сийо волом моторто бор нин лосьодома  
да лосьодчо кыподчыны. И мый ми ськод ноксим, нином  
эг вермо вочны. Колесаяснас муо пырома, ворзьодны  
места вывсыс ог вермо. Кымынон лётчик местаад пук-  
сьылисны, некод нином оз куж. Бытьо тысьом краж  
места вылас кыммома. Сидзи и лои торпыригыс выло  
разны да тыло мододны, мед коть снаряжъясон оз жу-  
годны. Та бoryн самолетыд менам юро ёна пырис, лёт-  
чикъясос велодан школао шыодчом сети. Но, кыс нин  
сэни: и синмыд абу сюсь, и пельыд сись тшак кодь, и сьо-  
ломыд потшо вылын пукалгон тирало, и грамотаыд оз  
тырмы...

— А ме лётчикон век жо лоа!— сьолёмсянныс шуис  
Макар да весиг сувтыштлис места вылас.

— Лоад, лоад!— нюммунис Дмитрий Ильич.— Став-  
ныд ти геройясон лоад. Сомын первой трактор вылад ве-  
лодчо бура уджавны. Кутшом но тиянысь лётчикъяс арт-  
масны, медводдза лэбзигас ко машинато дай асьныто

жугодад? Убытка сомын государстволы. Петкөдлөй первой, мый кужад трактор вылын бура уджавны, сэки и лётчикө велөдчыны мөдөдам. Ставыс миян кыын. А ті мый? Лётчикад колө ёна велөдчыны, унатор төдны, мед машинаыд синмыдлысь кывзысис. А лётчикьяс миянлы уна ковмасны. И танкистьяс, и шофёрьяс. Тодад, мый өні Германияын вөчсө? Фашистьяс власть бердө воисны. Гитлерыс на лөн сідзи и кеслө пиньсө миян вылө. Сідзкө, миянлы лөсьөдчыны колө. Пыр дасьөн лоны. Та йылысь висьталіс партиялөн дас сизимөд съезд. Со ми первой пятилеткато нель воон тыртим. Öні мөд вит вося план тыртам. Миян асланым тракторьяс лоисны. Öнөдз өд миян пыр на быд сикас «Клетракьяс» да «Катерпиларьяс» вөліны. Америкаысь найөс вайлім. Вот и гөгөрвоны колө ставсө тайөс. Кызди ті думайтад, том йөз?

Макар да Домень чөв олісны. Найө некызд эз вичысьны, мый Дмитрий Ильичлөн сёрниыс лоө татшөм.

— Вот тадзи, другьяс!— том йөзөс гөгөрвоөмөн шуис Вурдов.— Ковмас на коркө миянлы ставнымлы морөс на морөс сувтлыны фашистьяслы паныд. Мед толькө сетасны миянлы позянлун ещө гоз-мөд пятилетка олөмө-пөртны, сэк некутшөм враг миянлы оз ло страшнө. Сы вөсна миянлы өні и колө тані бура уджавны: мед государстволысь вынсө кыпөдны. А веськыда висьтала: уджалам ми зев на омөля. Вот и думыштлөй став йывсьыс... Пөлино, Ульныров ёрт, мый тэнад вөлі кодкө войнас?

Домень висьталіс.

— Да, подозрительнө зев,— нюжөдіс Дмитрий Ильич.— Ксд төдас, гашкө, лавканымөс петкөдны көсийлісны. Тшаковыс мый шуө: нинөм абу нуөмаөсь?

— Абу. Томансө пө, буракө, вөрзөдлөмаөсь жө.

— Вот сійө и эм. Быдсяма йөзыс на уна йөз пөвстад эм. Дерт, кызвыныс бур йөз, сьөлөмсяныыс уджалөны государстволы пөльза вылө. Но эмөсь и сэтшөмьяс, кодьяс падмөдны зільөны. Вот та вөсна и сюсьөн колө лоны. Быдлаын, быд удж вылын. Кодсюрөлы өд ёна оз кажитчы миян вермөмьясным. Со, райком пленум вылын висьталісны. Вадэр сиктын кулакьяс сотөмаөсь колхозлысь сөрөмьяс.

— Милицияыс мый синтөмалө?— шыасис Макар.

— Милицияыд став бөрся оз вермы видзөдны. Асланым колө лоны сюсьджыкөн.. Но, ладнө, другьяс! Пасибө пыралөмсьыд. И водзө эн вунөдө татчө туйсө. А ме-

нам висьталомъяс йывсыйд думыштлой. Ульныров ёрт, кызди тиян колоннаын делоясы?

— Уджалам, Дмитрий Ильич. Аски-аскомысь, мыйон сомын трасса чорзяс, думайтам петны рейсо.

— Бур туй тиянлы!— Вурдов кыкнанныслысь топыда кутлис кисо, кольодис одзос дородз.

— Да-а!— нюждоис Макар, кор найо петисны улича выло.

— Мый да?— сылань бергодчис Домень.

— Сидзко, ми тані и фашистьяскод тышкасям?

— А тэ кызд чайтин? Сомын карасин сотам?..

## 10

Сийо войсянь, кор тодтом морт Доменьлы кучкис бялябожас, Пырйо часто модис пыравлыны сы ордө. Кызко сийо Доменькод лои торъя мелі, видзодис сылы синмас, быттьо мыйко виччысис сысянь. А кор сы выло Домень видзодлас сюсьджыка — синъяссө лэдзас увлань.

Домень думсыс виччысис сылысь мыйко висьталом, а Тшаков чөв оліс. Оні сийо весиг Шомысова йылысь некор эз сёрнит. Уна висьтавліс горт йывсыйс. Батьсяныс пө воис письмө. Короны пө гортас, но оз косий мунны. Батьыс пө колхозысь босьтома уна нянь трудоденьяс выло, весиг вузалөма государстволы лишнойсө.

Домень пыр на думайтис ськод лоомтор йылысь. Кодъяс сэки войнас вөліны лавка дінас? Гусясьысыя? Но мыйла Тшаков та йылысь пыр чөв оло? Мод лун асывнас сийо жө висьталіс Доменьлы: томан дінас пө, тыдалө, кутчысьломәось, но абу вермөмаось восьтынысө. А гашко пө и Доменьос казялөмаось да пышйөмаось. Но Ульныров бура помнитіс: улича вылас петіс нин сомын сэк, кор мортыс кутіс мунны лавка дінысь, а киняулас сылөн вөлі вель ыджыд ёкмыль. И некутшөм мод морт матігөгөрын эз вөв.

Сийо луннас жө, кор Доменьяс вөліны Вурдов ордын, рытладорыс пырис Тшаков. Макар эз на вөв гортас. Домень тодіс: лавкаө неважөн на вайисны выль төварьяс, и шензьыштискодь, мыйла лавошник абу лавкаас. Выль төварьяс воём бөрад сийо омөля и петавлө магазинсыс.

Тшаков пуксис пызан дорө, бура дыр пукаліс чөв, сесся друг юаліс:

— Домень! Выль костюм тэныд оз ков? Талун зэв мичаясөс вайисны. И донтөмось.

— Менам деньгаыс буретш абу.

— Уджон сета. Тöлысь-мөдөн мынтан. А то мукöдлы неокота сетнысö. Зэв нин, мися, мича. Ме аслым вылö вайли, но верма виччысьыштлыны.

— Ог төд... Гашкө, абу лөсьыд...

— Мыйкө абу лөсьыд! Ставыс ме кыин. А то выль-ясыс сэсса регыдөн öдвакө лоасны. Тöвнад öд карасин кутасны кыскавны, зөр, а костюмъясыд ва вoсьсöм виччыясны. Найö сөйны оз корны.

Домень некыз эз гөгөрво: мыйла тадзи Тшаковыс сылы друг вөзийö костюмсö? Ачыс öд төдö: сийö эз нин öтчид юавлывлыв костюм йылысь, и Тшаковыс висьталіс — матысса кадö пö оз виччысьны. Тыдалö, жалыс петöма дырöннад.

Ульныров видзöдліс Тшаков вылö. И пыр жö син водзас сувтіс төдтöм мортыдлөн былялөм, повзём синъясыс, и ачыс быттö выльысь кыліс төдса гөлөссö, кодос шуисны сийö войö мышкас: «Öдийджык!.. Менö тшöтш сиралан...»

Пырöй перйис зепсыс папирос пачка, мыччис Доменьлы.

— Кутшöм колонна нин ті лөсьöдад?— юалис сэсса веськодя моз.

Домень висьталіс, мый найö лөсьöдісны комсомольско-молодөжнöй колонна, чукöстісны ордйысьны мукöд трактористьясöс.

— Öтвылысь нывъяскөд,— ошйысьыштіс Домень.— И Зоя тшöтш.

— Нинöм оз артмы. Ачид сöмын яналан.— Тшаков видзöдліс трактористлы синмас.

— Мыйла?

Тшаков тэрыба видзöдліс öдзöслань, сэсса ывла вылö.

— Он гөгөрвоий ті нинöм, Домень,— кутіс висьтавлыны надзöник.— Тянöс ставнытö йöйтöдлöны, а ті пельяснытö чошкөдöмныд, вомъяснытö паськөдöмныд. Найö аслыныс слава корсьöны, тиян гөрб вылын көсийны иславны...

— Коді сийö «найöыс»?— эз гөгөрво Домень.

Но Тшаков быттö пель пырыс лэдзис тайö юалөмсö, водзö нуöдіс:

— Ме ог гөгөрво тэнö, Домень. Некыз ог вермы гөгөрвоны. Коді тэнö тани кутö? Вөр, лун-лун няйтын. Мый нö, тэныд бурджык уджыс оз сюр?

— Ме та вылө велөдчи,— гөгөрвотөма шуис Домень.— Сэсся, кытчө меным муннысө?

— Кыдзи кытчө? Шуам, карө. Мыйта öнi сөнi шофёръясыс колöны. Ме гөжөмнас вöли карад. Машинаяс тырыс. Кутшөмкө парк садитöны. Быд лун выль кино. Ме тай тэ маз абу тракторист либө шофёр.

— Сөнi и магазинъясид уна,— серөктiс Домень.

— Ме кодъид сөнi уна жö!— курыда нюммунис Тшаков.

Пырöй пукалiгмозыс пыр на надзöник лэдзалис тшын кольчаяс. Сiйö кызкө лөсьыда вöчалiс паръяссö, гөгрөстлiс найöс тшынсö вомсьыс лэдзигөн. Тшын кольчаяс паськалiсны вылын, дзик пötөлök бердын.

Öшинь увтi ветлiсны йöз. Домень аддзылiс, кызди Макар да Зоя лэччисны мастерскöйысь столövöйö. Тшаков да Ульныров колльöдiсны найöс синъяснаныс.

— Ог!— быттьö аслыс чорыда шуис Домень.

— Мый он?— гөгөрвотөг бергөдчис сылань Пырöй.

— Некытчö ог мун татысь.

Тшаков папирос помсö шыбитiс джоджас, лямöдiс кокнас.

— Ме öд сiдз... Шутитi... Мися, татшөм уджыд пемыд вöрад быдлаысь сюрö. И йöзыс танi тэтөг уна эм... Пырöй сувтiс.

— Но, меным колö лавкаöс восьтыны. Инöсь, босьтан костюмтö? Рытнас лоан гортад? Ме пырта.

Но Домень гөгөрвоис нин: оз ков сирöсьтыны асьсö тайö костюмнас. Сьölöмыс мыйкө кылiс сэтшөмөс, мыйысь весиг аслыс эз вöv лөсьыд.

— Оз, оз ков костюмыд...— веськыда висьталiс Тшаковлы.— Көркө мöдысь, деньга лоас да...

— Көркөөдзыд вермас зэв дыр нюжавны,— кызкө аслыс ногөн, вомсö векуштлөмөн, пинь пырыс сөдзөдiс Тшаков, а петiгас нин содтiс:— Мед он ылав, Ульныров ёрт. Ме öд сьölөмсянь висьтала: Шомысоваясыд да Вурдовъясыд медся этша тi вок коддьөм йылысь думайтöны, а ас вöснаныс тöждысьöны. Ме тайöс тöда нин... А костюмыд кө ковмас— шыödчыв. Ме сiйöс кутышта. Думыштлы.

И петiс. Домень öшиньöd аддзылiс на, кызди Тшаков тэрыба вöсьлалiс магазинлань.

«Чёртыс тэнö тöдас!»— кинас шеныштiс Домень. Тшаковкөд сёрнитөм бöрын сьölөм вылас колiс кутшөмкө

дільквидзантор.—«Век жö, мыйла сійö воліс?—кутіс думайтны.—Эз жö костюм вöзйöм ради? Öнöдз мыйкö костюмъяссö эз вöзйив. Гортöдзид пö вая. А ачыс шуö: мыйла тані уджалан? Ачыс нö мыйла тані? Татшöм сюс да наян мортыд быдлаö на нырсö сюяс. И колонна йив-сьыд сёрни панліс. Колö сёрнитлыны Шомысовакöд. Найö, буракö, коркö тöдлöмаöсь öта-мöдсö».

Пöжалуй, Домень эськö и муніс карö, но эз сы вöсна, мый öні сылы висьталіс тайö мустöм лавошникыс. Не пышйыны, не кокни удж ради, а велöдчыны. Мыйтаöн öні карын велöдчöны, и вокыс сэні, рабфакын. Дерт, муннытö абу сьöкыд, ёнджыка кö вöзйысьны — лэдзасны, гашкö, весиг ыстасны. Но мый шуас батыс?

Кольöм төв Домень лэччыліс гортас. Базасянь сэт-чöдз эз нин вöv сэтшöм ылын. Мамыс ёна корис, мед пиыс сэсся некытчö эз мун, оліс гортын, вердіс батымамсö. Батыс жö Доменьлөн, пöрысь батыс, веськыда шуис:

— Мун, пиук, мун, кытчö сьölöмыд кыскö. Тіянлы öні туй — тіянлы и мунны. Ми кызкö олам нин тані, гортын. А тэ ло сэні, көні олöмыс пуö. Пöрысьджык тай вот ме, а то тшöтш на эськөн мунім, öтвылысь...

— Эн йöйтöдлы питö, пöрысь выжив!—орöдіс сійöс гöтырыс.—Бур йöзыс челядьсö бур вылö велöдöны. А тэ...

— Код на ещö велöдö бур вылас!—скөрмис Доменьлөн батыс.

Тайö кывъясыс батыслөн ёна воисны сьölöм вылас Доменьлы. Бур вöлі сылөн батыс. Ачыс нин матö квайтымын арös, а зіля на уджалö колхозын, медбур конюк сэні. «Менам вövъясöй ёнösь, вердасаösь, а кызди тэнад көрт вövъясыд?»—юасьлывліс сійö письмöясын. И öні, кор Домень думыштіс базаысь мунöм йылысь, сылы медпервой юрас воис батыс. А кызди эськö сійö видзöдліс та вылö? Мыйла тайö Тшаковыс лысьтіс шуны сэтшöм кыв сылы, комсомолецлы?

Доменьлөн кыптіс ещö ыджыд лöглун лавошник вылö, коді сідзи сёрнитö нывъяс йылысь, Вурдов йылысь. Доменьлы бара усины дум вылас кодлөнкö тэрыба шуöм кывъясыс: «Öдйöджык... Менö тшöтш сиралан...» Öні нин Домень бура тöдіс: тайöс шуысьыс вöлі ачыс Пырöй, и сійö öні, костюм вöзйöмнас, гашкö, көсийс ньöбны сійöс, гудыртны вежöрсö.

Тайо жö лунъясас Дуня Шомысова пырис мөдөд но-  
мера баракö. Сылөн вöли лөсьодöма мода: быд лун кы-  
тшовтны кык барак, сёрнитыштны гортын олысь нывба-  
баяскöд, тöдмавны налысь нуждаяссö, кöни поэяна —  
сетны отсöг.

Базаö локтöмсянь коли куим вежон. Дуня оз жалит  
татчö локтöмысь, мед кöть и Степан дузъялö лун-лун,  
мыйкö быттö кöсийö шуны, но оз висьтав.

Мöдарсянь кö, Степанлөн дузъялöмыс вöли гөгөрво-  
ана: ремонт кузя план ори. Ар пэм нюжалöм помöдз  
трепайтис сылысь нервъяссö. «Ме жö тэ водзын абу  
мыжа,— унаысь думайтлывлис Дуня, кор рытъясын Сте-  
пан локтас гортас да кыв шутöг уськөдчас вольпась вы-  
лö.— Вай нин ми кызкö-мыйкö öтвылысь». Но шуны —  
нинöм жö эз шулы. Аслыс жö заводитны тайö сёрнисö  
кызкö эз вöv лөсьыд. Дай полис сийö верөссьыс.

Шомысовалы сёлöм вылас воисны базаса том йöз.  
Накөд позис уджавны. Дуня лон зэв рад и сыысь, мый  
партийной организацияөн тані веськөдлö сэтшöм бур  
морт, кызди Дмитрий Ильич. Сийö некор оз горзы, пыр  
тöлкөн сёрнитö, оз тэрмөдлы, а велөдö.

Тайö öд Дмитрий Ильич тшöктис котыртны комсо-  
мольско-молодёжной колоннасö. И не кö сийö, öдвакö  
удайтчис венны Дёминлысь да Ермолинлысь пыксём-  
сö. Öни колонна котыртöма. Найö Дмитрий Ильичкөд  
пуктасны став вын, мед колоннаыс уджалас бура. Комсо-  
мольскыс петкөдласны на пример и мукөдъяслы. Оз  
прөстö найö новлөдлыны комсомольской билетъяс!

Мөдөд номера баракын олісны семья трактористъя-  
яс, механической мастерскойын уджалысьяс.

Вöли сёркодь нин. Көдзыд кузь коридорын котраліс-  
ны кык детинка, тыдалö, мыйöнкö мырддысисны. Төд-  
төм морт пырöм бöрын найö ланьтисны, сувтисны стен  
бердö.

— Кöни тан Левоньыс олö?— юалис детинкаяслысь  
Дуня. Но кыкнан детинкаыс видзөдлісны öта-мөд выла-  
ныс, öтвылысь котöртисны водзö.

Дуня төдіс: тайö баракас оліс Леонтий Попвасев —  
слесарь-комсомолец. Сылөн гөтырыс, ыджыд кынöма,  
кыз кокъяса латшкөсіник нывбаба, талун асывводз во-  
ліс Шомысова ордö норасыны верөсыс вылö: сийö пö гу-

ляйтö нывъяскöд, уна вой оз узыльвлы гортас. А кор локтас, пыр видчö да увгö, а мукöд дырйиыс и нöйтлив-лö гöтырсö. Налөн вöли ичöt кага, виччысисны мöдöс, а гöтырыс оз уджав. Да и кыдзи позис уджавны, кор детинкаыс ичöt на, а базаын детсад ни детъясли эз вöв.

Шомысова мöдöдчис кузь коридор кузя, кодöс муртса югдöдис нейджыд лампочка. Öти комнатаын кылісны гö-лöсьяс. Дуня матыстчис öдзöс дінас, тотшнитіс.

— Пырöй! Абу гачтöмöсь!— кыліс öдзöс сайсянь кыз гöлöс.

Шомысова восьтіс öдзöссö, воськовтіс порог вомöи. Нывбабалы нырас кучкис уль дук, пöдöм сынöд. Ру пы-рыс комнатаысь нинöм оз позь вöлі аддзыны.

— О, комсорг!— пыдісянь кыліс кодлөнкö гöлöс.— Коді нин, мися, мянö сэтшöм интеллигентнöясö пырö. Лок, лок матöджык, сöмын эн крукась некытчö, эн усь...

Гöлöсыс мортлөн вöлі явö сералана.

Комнатаын пукалісны вит-квaйт морт. Коді тапчан вылын, кыкөн тöрöдчöмаöсь öти джек вылö, а ещö öти лажыньтчöма джоджас да кияснас шенасьöмөн мыйкö висьталіс. Тыдалö, зэв тешкодьтор: кывзысьясыс ёна се-ралісны. Пукалысьяс пиысь Дуня аддзис и Левоньöс. Сы-лөн гöтырыс комнатаын эз тыдав.

Левонь вöлі гöтырыс кодь жö кыз яя, еджговат юр-сияса, ыджыд тушаа том мужик. Мукöд пукалысьясöс Дуня аддзыліс нин жö, кöть и нимьяссö кодсюрöлысь эз тöд.

Шомысова пырöм бöрын ставөн ланьтісны, гөгөрвоа-на видзöдлісны öта-мöд вылас, сэсся Левонь вылö.

— Пуксьöй!— нюммуніс кöзяин, сувтіс да вештыштіс ас увсьыс джексö.— Эн дивитöй, мый мян татшöм... няйт...

Мукöдъяс сувталісны жö. Комната друг лои тыртöм.

— Мый сідзи пышійсны?— юаліс Шомысова.

— Повзисны, тыдалö...

— Мейсь?

Пырис Левоньлөн гöтырыс — Паша. Моздорас сійö пыртіс еджыд юрсияса зонкаöс. Ачыс вöлі вазьöм синьяса, гөрдöдöм чужöма. Тыдалö, неважөн на бöрдöма. Шомысова матыстчис пызан дорö, кыскыштіс асланьыс джексö, пуксис. Сійö эз тöд, кысянь да кыдзи панны сёрнисö.

Левонь, тыдалö, гөгөрвоис жö, мый могысь воис на

ордö комсорг да скöрысь видзöдліс гöтырыс вылö. Паша кызкö йöжгыльтчис тайö видзöдлöмсьыс.

— Дзескыда олад,— юрас воём первой кывсö шуис Шомысова, мед сöмын заводитны сёрнисö. Сійö тöдіс: мукöдъяс олöны дзескыджыка на, öти комнатаын кык семьяөн. Вöлисти öні Дуня казяліс: комната ылі пельöсын вöлі паськыд пу крöвать, шöрас — ыджыд пызан, крöвать помын — ыджыд ящик, тыртöм тапчан, некымын джек, со и став эмбурыс. Паша пунктис моздорсьыс кагасö крöвать вылö, идралыштис пызан вылысь, чышкис ёгсö кос ветöкөн да котөрөн петис коридорö.

Левонь пуксис Шомысовалы воча, виччысяна видзöдліс. «Но, висьтав, мыйла воин?»— висьталіс сьлөн тайö видзöдлöмыс.

— Гöтырыд тэ вылö норасьö, Попвасев ёрт!— бура дыр чöv олём бöрын шуис Шомысова.

— Гöтыръясыд сы вылö и эмöсь, мед норасьны!— скöрысь торкис сійöс Левонь.— Мыйла быд няйтсö йöзас петкöдны? Мыйыс оз овлы семья костад да...

— Семья вылад оз ков издевайтчыны. Тэ öд комсомолец, мукöдлы пример должен петкöдлыны. А тэ и собраниеяс вылö он волевлы, политшколаö он пыравлыв. Кытчö тайö шогмö?

— Семья пытшкö тиянлы нинöмла ныртö суйны,— эз сетчы Левонь.— Мый ме, омöля уджала? Ті со Степанкөд...— заводитліс мыйкö Левонь, но друг ланьтис.

Паша бөр пырис.

Сёрни налөн лои ыджыд. Детинка йөршитчис крöвать пельöсö, повзьём синъясөн видзöдіс шумитысь бать-мам вылö. Но эз бөрд: тыдалö, эз нин первойысь кыв татшөм зыксö.

— Эсійö лавошникыс пыр юкталö,— синва сорөн норасис верöсыс вылö Паша.— Деньгаыс кö абу — уджөн сетö.

— Деньгасö он тэ нажөвит, ачым,— горзіс Левонь.— Кытчö колö, сэтчö и видза.

Öдвакö лои ыджыд төлк Шомысовалөн татчö волöмысь: гозьяös сійö эз вермы миритöдны. «Ок, уна на тані ковмас уджавны!— думайтис Дуня Левонь ордысь гортланьыс мунігөн.— Да и кысь нö!.. Кысь нин йöзös велöдны. Сьлөн со и аслас семьяын делöыс абу зэв ошйысяна. Попвасевыд со сы вылö медся водз индіс».

Верёсыс йылысь думыштом бёрын вежорас воис дум:  
«Мый тайё? Ставыс, мый тані оз вёчсы, гартсьо  
Пырöй гөгөр. Ермолин сыкөд мыйкө вашкөдчө. Домень  
полыс чань моз зуйялө сы дырйи. Зоя сы йылысь сёрни-  
тигөн гөрдөдө, а öнi ещё тайё Левоньыс».

Да, посёлокса семьяс олöны зэв на няйта, дурка.  
Колө кутшөмкө мераяс примитны, культпоход ли мый  
ли нуöдны. Дуня казтыштіс: гождөмнас, карын велөд-  
чигөн, найö ветлісны Максаковкаса запаньö, аддзылісны,  
кыдзи комсомольскöй организация сэнi юрнуöдіс культпо-  
ходөн. Кутшөм вежсьөмъяс лоины сы бёрын посёлоканыс  
налөн!

## 12

Ок, дыр на, тыдалө, оз во сійö кадыс, кор вёрса по-  
сёлокъясын кутасны стрöитавны оз кузь коридоръяса  
баракъяс, а прамöй квартираяс, көнi быд семьялөн ком-  
ната кындзи лоө көть нейджд да кухня. Но Дуня тө-  
діс: воас и сійö кадыс.

Лөня сулалісны пашкыр туганъяса пождөмъяс. На-  
лөн кокъяс улын быдмысь посниджык пуяс йөжгыльт-  
чөмаөсь первой көдздыясысь. Кажитчө — найö виччы-  
сьöны мыйкө ыджыдтор.

Некыт оз вөрзъыв. И сөмын шочиника, кор чегө кын  
ув либө кыськө пу йывсянь усьö небыд лым тукта, по-  
ждөмъяс быттö тур-тармунлөны. Сэки жö вылісянь кос  
лыаөн пыркнитласны лым чиръяс.

Домень петіс ывла вылө, веськөдчис гаражлань. Вөлі  
пемыд на, муртса төдчыштіс асья лөз. Домень кизяліс  
пась пөласө, гырсьөдіс воськовсө. Вылын, керөс йылын,  
пыр өтмоза бруткөдчис электростанция. Сылөн шыыс та-  
лун, көдзыд сынөдас, вөлі ичөт.

Домень пыраліс мастерскöйö, босьтіс гараж ключ.

— Рейсö? — кылө, юаліс кодкө станок дінсянь, но  
Домень быттö эз кывлы.

Домень муніс, восьтіс гаражлысь паськыд өдзөссө.  
Сы вылө фара-синъяснас стрöга видзөдіс аслас машинаыс.

Чой паныд, котөрөн, пошкигтыр, кайис Зоя.

— Мөдім?

Ульныров видзөдліс сы вылө, нинөм эз шу. Нывка  
вайис ведраын шоньд ва, кисьтіс радиаторө.

— Бара некыт абу чышкыштöмаоьсь,— кылö шуис Зоя негораа. Оз позь вöли гөгөрвоны — ныв скöраліс водза сменаыс вылö али Домень вылö, коді эз шыась юалöм вылас.

Ружтігтыр, гаражса кын джоджлысь пöвъяссö вөрöдіг, машина надзöник петіс ывлаö. Домень крукыштіс тыртöм додьяс, бөр кайис машина вылö. Пырис кабинаö, веськөдіс машинасö шуйгавыв. Трактор недыр кежлö сувтыштліс, быттö мөвпыштіс — мунны-ö водзö, сэсса мөдіс гольскакывны паськыд гусеницаяснас, сьöласьны сьöд тшынөн.

Домень чинтіс газсö, ломзьөдіс фараяссö. Трактор водзö идзас кольтаөн нюжөдчис би югөр. Матысса пожом туганьяс йылысь сямуніны лым чирьяс. Кажитчис, мый муыс и вöрыс мөдіс сыркакывны.

Домень чорыда кутіс рычагсö, сюся дзоргис водзö. Туй абу на вöлі шылялöма кызди колö. Додьяс, кылö, катласисны öтарö-мөдарö. Машинасö киас кутны эз вөв кокни. Домень син бөжнас видзөдліс ныв вылö, коді пукаліс сыкөд орччөн да сюся видзөдіс водзö жö. Синьясыс Зоялөн вөліны унзільөсь. Коркө ныв удитöма нин сьöдасьöм сос пөвнас инмөдчывны нырас — ныр йылыс да бан бокыс вөліны сьöдөсь.

Найö коймөдысь нин кайöны вылыс катищеö. Первой рейсыс муніс бура: нель доддын лэччөдісны көкьямыс-дас кубометр.

— Заводитöмыс бур лои,— Зоялы шуис сэки Домень.— Мед и водзö тадзи лоö.

— Тайö ас саяным,— коса вочавидзис ныв.

Домень гөгөрвоис: Зоя ёна мудзис первой рейсас. Но век жö эз кажитчы сылөн татшөм сёрниыс. Позис көть и неуна радлыштны öтвылысь.

Мөд рейсын Доменьлөн дзикөдз быри Зоя вөсна полөм. Улыныров, веськыда кө шуны, поліс, мый Зоя оз сяммы лючки-бура видзөдны додьяс бөрся, öтнасөн торйөдны да крукавлыны найөс, пыр лоö мунны отсөг вылö. Нинөм татшөмыс эз ло. И век жö, мөд рейсын муртса эз ло ыджыд нелючикитор. Улыс катище дінö матыстчигөн нин Доменьлы ковмис недыр кежлö сувтыштлыны öти чой горув водзын. И вот, сылөн, тыдалö, вөрзьөдчөмыс лои крутджык, и öти додь киссис.

— Ок, чөрт!..— артмис трактористлөн. Сійö крепыда өртчыштіс, вунөдіс орччөн пукалысь Зояөс.

Ныв видзёдліс сы вылө повзёмөн, гөрдөдіс. И колө жө вөлі сэки Доменьлы содтыны:

— Мый видзөдан нем уджтөм моз!

— Мый тэ горзан?— вочавидзис ныв.— Ачыл мыжа, а ме вылө горзан...

Нывлөн кывъясын, сылөн став чужөмас петкөдчис сэтшөма обидитчөм, мый Домень пыр жө ланьтіс. Сійө гөгөрвоис: кватитіс лишнөйджык. Но шуөм кывъястө он бергөд.

Ланьтөмөн найө ноксисны киссьөм додь дінад некымын час. Ковмис кыскыны сійөс бокө, быгльөдлыны трасса туй вылө гылалөм керьяссө, восьтыны туй мукөдьяслы. Көнкө, Зоя и талун на дузьялө сійө кывьяссыс, кодьяс нем виччысьтөг петісны Доменьлөн. «Мед скөралыштас!— ас кежсьыс думайтіс тракторист, орчөн пукалысь ныв вылө корсюрө видзөдліг.— Гашкө, мусаджык лоа».

Домень кывзысис мотор шыө, мыш сайын сьөкыд додьяслысь чепьясөн гольскөдчөмө. Гөгөр сулалө тшем сук вөр. И мун көть лунтыр тайө вөрөдыс, помыс сылөн оз волю. Да мый өти луныд! Позьө мунны төлысь, и пыр лоө татшөм вөр.

Ичөт дырйныс Доменьлы кажитчыліс, мый көнкө гырысь керөсьяс сайын, муыс помасьө. Муан-муан, сэсся муыслы воас пом. Код төдас сэсся — мый водзын. Школаын велөдчигөн сэсся сійө төдмаліс: мулөн некутшөм пом абу. Сійө гөгрөс, и гөгөр, улын и вылын, олөны йөз. И улыссаясыс оз усьны. Налы сідз жө кажитчө, мый вылысаясыс ветлөны улын, увлань юрөн, да шензьөны — мыйла оз усьны. Вөлі сьөкыд вежөртны, кутшөмөсь мукөдлаас йөзыс, налөн оланінныс. Быдмыштөм бөрын Домень кинояс вылысь мөдіс аддзывны ылысса гырысь карьяс.

Первой туй гөртсьыс Доменьлөн вөлі Эжва кывтыд — Айкиноөдз, трактористьясөс велөдан курс вылө. Мунигмозыс сійө сувтліс Сыктивкарө. Тайө ньөти на эз мун сэтшөм карьяс вылө, кодьясөс аддзывліс кинояс вылысь. Керкаяс посныдикөсь, унджыкыс пу, туйяс няйтөсь.

Курсьяс помалөм бөрын Доменьясөс нулісны экскурсияөн Украинаө — «Коммунар» заводө. Буретш тайө заводөн вөчөм тракторьяс вылын өні найө уджалөны.

Уна выльтор аддзылісны Эжва вожса да Сыктыв вожса том йёз шоныд Украинао ветлігөн: гырысь каръяс, паськыд степьяс, гырысь трубаяса заводъяс. Бытьёкё öні на ставыс син водзын. Уна морт сәки вуджөртіс сылөн син водзті. Быдөн мыйкё вöчöны: уджалöны заводъясын, быдтöны нянь, велöдчöны, радейтöны...

Да, да, радейтöны, кызди, гашкё, Домень öні радейтö сыкөд орччөн пукалысь Зояös, кöть и оз лысьт та йылысь висьтавны нывлы. Тайös Домень важөн гөгөрвоис, гашкё, первой лунсянныс, кызди аддзис Зояös. Кыкис тайö нылыс мыйöнкö зонлысь сёлөмсö ас дїнас, кöть и оз вермы висьтавны — мыйөн. Гашкё сійөн медясö и заводитіс öти машина вылын нывкөд уджавны, мед аддзас сійös Зоя, казялас сылысь радейтöмсö?

Но некыз эз вермы гөгөрвоны зон: радейтö сійös Зоя, али оз. Бытьёкё мукөд дырїиыс сэтшөм мелїа видзöдлас, но мыйөн кутас ачыс матыстчыны Зоя дїнö, то друг вежяс, кутас видзöдны гөгөрвөтөм кöдзыд синъясөн, бытьё дзик бокөвöй да тöдтөм морт вылө.

Гургö-мунö трактор, бöрас пыр öтмоза чепьясөн гольскакылöны тыртөм додьяс. Вөр öтарö сукмö, пашкыр туганъяс пожөмъяслөн качöны вывлань, и югдөм пыдди, пемыд вöрад пырөм бöрын, пыр öтарö пемдїс. Синъяс кызкё асьныс зїлісны куньсьыны тракторлөн öтмоза мургөм шы улö, трасса бокрын быд понöль пуунзїль синъясыдлы кажитчис повзьöдчысь вуджөрьясөн. И эз кö кыв орччөн пукалысь нывлөн лов шыыс, сылөн гырдызаяс кö эз топöдчы зон бердö, Домень, гашкё, и унмовсис, эз вермы кутны асьсö. Но Домень мырдысьөн кутчысис. Думсьыс сійö корсис кывьяс, мед панны кутшөмкö сёрни Зоякөд, но нинөм тöдчанаджыктор дум вылас эз во. Весиг куритчыны эз лысьт заводитны.

...Домень думайтö нин сы йылысь, кызди найö Зоякөд лэччөдїсны улыс катищеö первой вит тысяча кубометр вөр. Найös встречайтöны гараж дорын. Кодьяс сöмын сәні абуös: Вурдов, Макара, Дуня Шомысова, Степан. Весиг Дёмин энөвтöма асьыс шоныд кабинетсö, лысьтöма петны ывлаö. Сöмын оркестр абу. Быдөн кутлöны Доменьлысь да Зоялысь кияссö, ошкöны бур уджысь. Со, кодкö ещö котөртö на дїнö. Но, кодї жö тайö? Домень некыз оз вермы тöдны. Да, тайö жö... Тшаков нюжөдö сылы кисö...

— Мый тэ? Унмовсин?— боксыс кыліс тѳдса гѳлѳс. Зон восьтіс синъяссѳ. Збыльыс, тыдалѳ, сылѳн вугыртсьѳма. А Зоя сераліс:

— Оз ков дыр гуляйтны смена водзад...

Зоялѳн посныдик, еджыдик пиньяс, вѳсныдик парьяс, ичѳтик ныр, кодлѳн йылыс съѳдасьѳма нин. Но тайѳ сѳмын мичмѳдіс нылѳс.

— Вай ме нуѳдышта машинасѳ...— корѳ ныв.

Зоя пуксьѳ Домень местаѳ. Зон выльыс ойбыртѳ.

«Мыйѳн тайѳ Тшаковыс бурджык сыыс, Доменьыс?— думайтѳ сійѳ.— Мыйла Зоя мукѳд дырйиыс сідзи небыда-небыда видзѳдлывлѳ лавошник вылѳ? Дерт, Тшаковыд востер кыв вылад, зѳптад нала оз пыр, колігѳн и ковтѳг кужѳ мавтыштны нывъясѳс небыд вый бордйѳн моз. Зѳптыс ѳд сылѳн век тыр юмов кампѳтъясѳн». Но сѳк жѳ Домень думыштіс: гашкѳ, Тшаковѳс сійѳн и оз радейт, мый Зоя корсьюрѳ сідзи видзѳдлывлѳ лавошник вылѳ? Оз, оз вермы лоны! Зоя абу сѳтшѳм.

Ылын-ылын, кѳнкѳ трасса чукультанінын, гырыс пожѳмьяс костын дзирдыштіс би да бѳр кусі.

— Макаp паныд воѳ,— нурбыльтіс Домень. Сылы ѳні сѳтшѳм лѳсьыд вѳлі пукавны нинѳм вѳчтѳг да синсѳ куньѳмѳн овны ас кежыс.

— Кѳні? Кутшѳм би?— бара сералѳ Зоя.— Буди, бара унмовсьылі!

Домень гѳгѳрвоис: сійѳ, тыдалѳ, пыр на вуграліс, и мырдысьѳн восьтіс синъяссѳ, видзѳдліс гѳгѳр. Вот-вот долженѳсь воны вылыс катищѳѳ.

— Вай бѳр пукся ас местаѳ,— корис сійѳ нывлыс.— А то тані и збыльыс вугыртан...

Тракторлѳн рычагьяс вѳліны шоныдѳсь нывлѳн киясыс.

Зоялѳн думьясыс туй чѳжыс бергалісны Домень гѳгѳр жѳ. Ныв пукаліс сыкѳд орччѳн, корсьюрѳ видзѳдлывліс тыртѳм додыас вылѳ, да пыр пыдѳджык йѳжгыльтчис аслас пасьпинжак пѳлаяс пытшкѳ. Вѳлі кѳдзыд, ѳвтіс карасин дука тшынѳн. Чужѳмсѳ сотіс кабина пытшкѳ пырыс лѳчыд вой тѳв, писькѳдчис питшѳгѳ. Жаль вѳлі қолны небыд вольпасьсѳ ассыс, онялан шоныд

оланінсö, орöдны асыя чöскыд ун. Абу на велалöма чеччыны вой шөр войын, чужöм вылад муртса ки пыдöснад сөника ва койыштöм бöрын котöртны гаражö, пальöдны асыя унзильтö шыалысь трактор вылын, кодi тiралö да тракйысьö, быттьö изъяс вывтi мунö.

Веськыда кö шуны, Зоялы окота и неокота вöли öт-лаын уджавны Доменькöд. Тайö зонмыслөн Зоялы сьö-лöм вылас волiс асысь пыр бура кутны сямьс, гөлөссö ыдждöдтöг быдөнкöд сёрнитöмыс, удж вылын зильлуныс. И сэк жö Домень кажитчылис вывтi рамөн. Кор мöд рейсас Домень, ньöти виччысьтöг да некутшöм поду-втöг, кутiс шыблавны Зоялы дöзмöм-скöрмöм кывъяссьö, сийö первойсö шöйöвошлiкодь, быттьö зонсö аддзис дзик выль ногөн, ньöтик эз сэтшöмөн, кутшöмөн öнöдз сийöс чайтлiс да тöдлiс.

— Кызди сийö лысьтö менö видны?— норасис бөрвы-лас Шомысовалы Зоя.— Кодi ме сылы?

— Ой, кутшöм пузысь!— серöктiс Дуня.— Пыр и скöрмыны!

Шомысова шуис сэтшöм ногөн, мый Зоялөн скöр-луныс быри, кöть эськö ачыс эз петкöдлы тайöс Дунялы.

— Ме ещö висьтала тэныд: радейтö сийö тэнö!— гусьöникөн вашнитiс Шомысова пеляс Зоялы.

— Ой, мый тэ сöран,— гөрдöдiс Зоя.

— Збыль, збыль. Ме аддза нин. Менсьым синъясöс он ылöд.

— Мун сэтысь!— Зоялы тайö висьталöмыс лон сэтшöм виччысьтöмөн, мый сылы и збыльысь аслыс эз ло-лөсьыд.

Öнi, Доменькöд орччөн пукалiгөн, Зоя полiгтыр ду-майтiс: кызди кутас водзö кутны ськöд, кутшöм кывъ-ясөн сёрнитны. Аслыс сылы кажитчис— Домень тöдö нин сылысь став думъяссö.

Дерт, базаын вöлины уна зонъяс. Быдөн найö ас но-гыс бурöсь да шаньöсь. Но сэки жö, быдөнлөн налөн асланыс тырмытöмторъяс, кодъяс эз воны сьöлöм вылас Зоялы. Домень мыйöнкö торъялис наысь. Эз мукöдъяс кодь вöv и Пырöй. Но бөръяyslөн мелiлунас вöли сэтшöмтор, кодi ещö нин эз кажитчыв Зоялы. Пырöйлөн синъясыс пыр кöдзыдöсь, ачыс кöть и сералö. Сийö не-кор мелiджыка оз видзöдлы морт вылад, а видзöдлас кö— быттьö ёсь пуртөн вундыштас сьöлöмтö.

Тöрыт на Пырöй пыралiс Зояяс ордö. Ныв вöли öт-

нас. Пырöй локтіс Зоя дінö, пуксис крöвать помас, кутіс пукавны, быттö мыйкö виччысьö, но оз лысьт корнысьö. Кутшöма тайö эз мун Тшаковлы! Зоя тöдіс: сійö пыр вöвлі наян, мудер, и шуліс кö кыв, то пыр қолö вöлі думыштны, мый кöсйис шуны.

— Но, висьтав мыйкö,— корис ачыс Зоя, кор Пырöйлөн чöv пукалöмлы помыс эз мөд воны.

— Мый ме верма висьтавны? Прилавок сайын лунлун.

— Кутшöм вьль тöваръяс магазинад воисны?— шмонитыштіс ныв.

Тшаков, тыдалö, гөгөрвоис нывлысь шмонитöмсö, югнитыштіс синъяснас.

— Зэв нин тшапöсь мөдід лоны!

— Кодъяс?— гөгөрвотөм улö лэччысис ныв.

— Ставныд! Қыськö Шомысова воис—и ставнытö сюркняліс бөж улас. Лолыштны весиг сытөг он лысьтö ыджыдджыка.

— Тэд эськö коліс, мед нывъяс тэ дінö асьныс сьылі вылад öшөдчисны? Эн виччысь тайöс. Нывъясыдлысь радейтöмсö заслужитны колö.

— Ой, кутшöм ичмоньяс вөлөмныд! Ставныд öткодьöсь. И Шомысованыд тіян...— эз помав Пырöй.

— Но, но, водзö висьтав... Мый сувтін?

— И висьтала. Ог повзыы... Оз сулав сійö став донныд. Ставсö кö висьтавны сы йылысь, мый тöда... Оз сулав! Он жö öд веритöй...

Пырöй сувтіс.

— Тайöс висьтавны и волін?— юалис Зоя.

— Унджыксö мөдысь...— шуис Пырöй да петіс.

Недыр мысти та бöрын Зоя ордö пырис Дуня Шомысова. Зоя висьталіс сылы лавошник пыралөм йылысь. Дуня зумыштчис, ланьтіс.

— Тэ виччысь сыысь, Зоя,— бура дыр чöv олөм бöрын шуис сэсся Шомысова.— Көиныд көть кутшöм ку пасьталас, век көинөн кольö. Нинөм эн верит сылы, дзик нинөм. Ме сылы коркö сюрлі нин гыж улас...

— Тэ?..— синъяссö паськөдіс ныв, но видзөдліс Дуня вылө да гөгөрвоис: уна юасьны öні абу лөсьыд.

Недыр пукалыштөм бöрын Шомысова муніс, но петігас сійö шуис:

— Мөдысь ставсö висьтала, Зоя. А öні шуа öтитор: виччысь сыысь...

Оні, трактор вылын пукалігөн, Зоя думайтіс: мый вермис лоны Дуня Шомысова да тайö Тшаков Пырöйыс костын? Зоя төдіс: Домень быттьөкө другасис лавошни-кыскөд, неважөн муртса абу кутөма мортөс, коді заводитлөма пырны сылы лавкаас. Та йылысь Домень ачыс сылы эз висьтав, но посёлокыд ыджыд, йөзыд сәні уна, а йөзсыд нинөм он дзеб. Мый öні думайтны та бөрын Домень йылысь? Дерт, найö кыкнанныс комсомолецяс, уджалөны өтлаын, но мортыдлы тай сьөлөмас он пыр. Вөлі мастерскöйын ещö өти зон, коді воліс сьөлөм вылас Зоялы: слесарь Ванюша Попов. Но сійö ачыс поліс нывьясысь, кыйяліс наысь бокиті. «Доменьысь на рам!»— думсыс серөктіс ныв.

#### 14

Вылыс катище вөлі мича пожөмъяса яг нөрыс пөкатын. Нөрыс йывсянныс керьясыс утъяс кузя быгыльтчөны элеватор вылө, а сэсянь нин найөс сөвтөны тракторной додьясө. Тадзикөн сөвтчан уджьяссө вөлі өна кокньөдөма, и öні додьясө сөвтисны кыкөн, кор войдөр ковмыліс сувтөдны квайт морта бригада, медым быд кер лэптыны тракторной додь вылө.

Татшөм местаыс өна корсьтөг эз сюр. Қольөм воясө сөвтчанінъясыс вөліны шылыд местаясын, сөвтчан уджьясыс базаын лыддысьлісны медся сьөкыдөн.

— Вот эськө, машинаяс кө сөвтчыныд!— шуис кодкө өтчыд сөвтчысыяс пиысь.

— Көркө, гашкө, лоасны и сөвтчан машинаяс,— вочавидзис сылы вылыс складса мастер Турбылев,— а öні колө аслад сой вынөн на керьястө бергөдлыны.

— Сой выннад керйыд додяд сьөкыда кайö!— сералісны сөвтчысыяс.— Қиястө ковмас зэлөдлыны, вынтө песны, пөсьтө петкөдыштны дөрөм соласьтөдзыд.

Та вылө Турбылев нинөм эз шу, а вылыс складсө выльлаө вуджөдігөн бөрыис сэтшөм места, кысянь керьясыс пөшти асьныс быгыльтчисны додья, сөмын веськөдлы.

— Вот тайö да!— ошкисны мастерөс.

Дөмин наросьнө воліс видзөдлыны Турбылевлысь складсө. Гөгөр кытшовтөм бөрын директор шуис мастерлы:

— Бура думайтöмьд, Пётр Макарович, бура. Инженернöй решение. Настоящöй рационализатор. Сетам премия.

И сетисны. Леспромхозса директор воліс да асласкиөн премиясö сетіс.

Та бöрын Пётр Макаровичлөн славаыс петіс район пасьта, а недыр мысти гижисны и областнöй газетын. Турбылев та бöрын кутіс ветлöдлыны юрсö вылын кутöмөн: со пö миян кутшöм, волöй видзöдлöй!

Тайö катище вылас öнi вöрсö дялянкаясысь петкöдісны комын саяс вöла — колхозьясысь воём бригадаяс. Кыскасысьясөн унджыкыс вöліны нывьяс, и уджалісны найö гажаа. Колхознöй зоньяс пöрöдчисны верст сайын кымын. Пöрöдчысьясөн веськöдліс Эжва йывса знатнöй тысячник Кöсьта Игнатов, кодлөн бригадыс төвся сезон чöжөн пöрöдліс быд морт вылö сюрс кубометрөн. Игнатовлөн бригада мöд во нин уджаліс лучкөвöй пилаясөн, ордйисис Сыктыв вожса Антон Қармановлөн бригадакөд. Висьтавлісны: ачыс Кöсьтаыс уджалö ош мөз, быд лун пöрөдө дас вит кубометр вөр. Сыктывкарысь воан быд газетын первой листбокьяс вылас гижисны: уджавны вöрын Антон Қарманов да Кöсьта Игнатов мөз.

Қор Домень воис вылыс складас, Турбылевлөн бурети вöлі лöма «немулича»: Макар зургöма тракторнас сөвтöм кодь, кисьтöма керьяссö, тыртöма сөвтчанінö муна туйсö.

— Видзöд, мый тiян трактористьясныд вöчöны, — локтіс норасыны выль воысь дінö мастер. — Ме шуа вöлі: эн тэрмась! А сійö зургис став вынсыс. Вай отсав другыдлы кыскыны киссьöм додьсö. Кымынысь ме шулі: видзöй тані запаснöй трактор маневрьяс вöчны, но оз сетны. Вот и артмöны татшöмторьясыд...

Домень муніс Макар дінö. Сійö состав шöрсыс кыскас киссьöм додьсö. Тыдалö, сылөн тракторыс асныраліс: эз босьт тыртöм додьсö.

— Тэ — герой! — ошкис Доменьöс Турбылев. — Видзöд: коймöдысь воин. Быдөн кө эськө тэ мөз...

Коймöд рейс Доменьлөн нюжаліс. Сылы ковмис первой отсавны Макары, а сэсса вöлисти нин сувтöдны вайöм додьяссö сөвтчанінö.

— Век гадзи артмө, — броткис-ветлөдліс Пётр Макарович. — Колö лөсьöдны запаснöй тракторнöй додьяс, сэки эськө и трактористьяслы виччысьны эз ков. А миян көсейö-

ны нелямын доддён төвбыд кыскасыны. Вот и артмө: виччысь, кор ваясны порожняк. А сөвтчысьяс да машина-яс сулалёны. Мыйта кад вошө. Гижны эськө газетö, да некодлы.

— Ачыл гиж,— сетис совет Домень.

— Пөрөдчысьясид да кыскасысьясид бура уджалёны?

— Ог норась. Ставныс звучникъяс! Вот кызди менам!..

Көть и радейтис Турбылев ошйысьыштны, но төлкыс сылөн артмывліс. Трактористъяс эз кулитчыны вылыс складса мастер вылө...

Трасса кузя муніс пода морт. Воис сійө кысянькө выв-сянь, ыджыд сьод дукөса, еджыд лазъя, көч ку шапкаа. Шапка көвьясыс шевьялісны көртавтөмөсь. Пода морт шавксөдіс юрсө копыртөмөн, кияссө лаз водзас суйөмөн, да, кажитчө,— некодос эз казав ни аддзы. Домень аддзис тайө мортсө да думыштіс, мый сійө воштөма мыйкө да өні туялө воштөмторсө. Морт локтіс трактор дінө, нэ эз сувт ни эз кеж бокө.

— Эй! Тракторсө таялан!— горөдіс Домень, кор морт муртса нин эз зурась радиаторө.

Пода морт вөлисти лэптіс юрсө, не аслас арлыд серти пелька чеччыштіс бокө.

— Пельтөм ли мый?— серөктіс Домень.— Трасса кузя ветлыны оз позь. Орччөн со туй мунө...

— Нинөм оз ло тэнад трасичаыд!— кызкө лёкысь, сибдөм гөлөсөн вочавидзис төдтөм мортыд. Доменьлы друг кажитчис: тайө гөлөссө сійө коркө кывліс нин.

И сэки налөн синъясныс паныдасисны. Сэтшөм жө еджыд, былялөм бугыль, зыр кодь тшөтшыд гөрд тош, коді төндзинад, войнад, кажитчис сьөдөн, а өні гыөралөмысла да йизьөмысла лоөма еджыд. Тыдалө, мортыдлы эз во сьөлөм вылас Доменьлөн сюся видзөдлөмыс, а гашкө и мыйкө думыштіс жө, но өдийө вештіс синъяссө бокө, бергөдчис да мөдіс водзө.

Домень колльөдіс синъяснас тайө мортсө, кытчөдз сійө эз саяв.

«Сійө, дзик сійө,— друг воис сылы юрас.— Синъясыс сылөн, чужөмыс. Весиг мунан ногыс сэтшөм төдса. Но кытчө бара мунө? Код дінө?»

— Мый сідз ылалін?— казяліс Ульныровлысь видзөд-лөмсө да юаліс Турбылев.— Первойысь аддзан тайө көч ку шапкаа мортсө? Быд лун кыскась.

«Пөліннө, тасянь пө эм веськыд туй сиктъясь», — ас-  
сыс пыр на думайтис тракторист.

Мастер локтис сы динө.

— Ульныров ёрт! — шыөдчис сийө тракторист динө. —  
Пөрөдчысыя короны кодөскө трактористъяс пиысь асла-  
ныс собрание вылө. Договор пө колө вөчны. Ордйысьны  
көсийны.

— Собрание вылө? — трактор диньсь юрсө кыпөдліс  
Домень. — Сёрнитла Шомысовакөд. Кодөскө ыстас.

— Қолоннасыд короны, — водзө нуөдіс мастер. — Бур  
делө найө думыштөмаөсь. Но миян Деминкөд өдвакө  
мыйкө артмас.

— Дмитрий Ильичкөд сёрнитлөй. Сийө отсалас.

— Пөжалуй. Вурдов талун көсийсис жө волены. Ме  
сыкөд и сёрнитла. Но, аски бара?

— Дерт жө... Миян өні өти удж...

— Гөтов! — кылө горөдіс состав помсянь Зоя. — Позьө  
вөрзөдчыны.

Ульныров кайис машина вылө.

## 15

Олөм!.. Мыйта гөгөрвотөмыс тайө өти кывъяс! Мый-  
та синва чуктөдліс сийө йөзлысь! Тайө олөм вөснаыс  
Доменьлөн батыс комын кык туй ветліс уралса заводъ-  
ясө пес керавны, водзысь-водз пөрысьмис. Коді лыдды-  
ліс, кымын пес чурка сийө сәні клөнөдліс, кымын километр  
кузьта туй кост вуджліс ыджыд нопйөн да кузь даддьөн  
из гөраяс вомөн подөн өтарө-мөдарө ветліг-мунігөн? Тайө  
олөм вөснаыс Дуня Шомысовалөн мамыс кызь кык арөс-  
сянь, кык во мысти верөс сайө петөм бөрас, коли дөваөн.  
Сылөн верөсыс лямалис ыджыд конда улө Дждыдж став-  
лысь пөдрадыяс тыртігөн.

Олөм!.. Мыйта шог сийө вайліс Дуня мамлы верөсыс  
кулөм бөрын, лун-лун көтөдліс сылысь партуксө. Коді чу-  
көртас сылысь синвасө, мынтыяс сыысь, мый комын арө-  
сөн нин вөлі пөрысь, и ытшикigyсөн лоө вөлі водлыны  
шойчыштны покөсыяс костө. Тайө олөм вөснаыс жө Дуня,  
сәки ичөтик өдөть на, квайт арөссиянь төв и гожөм видзліс  
йөзлы кага, а дас арөссиянь нин төдліс быд сьөкыд удж.  
И оз өмөй сийө туша-мыгөрын өні төдчы ставыс сийө?

Олөм!.. Мый вөлі сыысь гөгөрвотөмысджык нель во

сайын, кор арся зэра луно Дуня мунис гортсыы, аслас чужан сиктысь, нэмнас первойысь на воис Сыктывкарё. Сэни гажа уличаяс кузя ветлөдлісны йёз, быдён кытчөкө тэрмасисны. А сійö отнасөн, ичөтик, йёжгыльтчөм, сулаліс кык судта керка пельöсын, эз төд, кытчö мунны, код дінö шыасыны. Быдөнлөн вöлі кутшөмкө делö, сөмын отнас томиник нывка эз төд, кытчö воштысьны, эз төд, коді көні сійöс виччысьö.

Олөм!.. Кыдзи тайö кывйыс мөдіс вössыны том ныв вежöрын, кор веськаліс сэтшөм йёз киö, кодъясөс сійö, гашкө, корсис нин, да кодъяс йылысь мамыс сөмын мойдыясын казътывліс. Тайö йёзыс казялісны улича вылын сулалысь отка нылöс, веськөдісны да индісны удж вылö, а сөсся на отсөгөн жö ныв пырис комсомолö, бöрынджык веськаліс и совпартшколаö. Вöлисти лои гөгөрвоана унатор, кодъяс йылысь сійö эз лысьтлы дай эз кужлы мөвпыштны. Вөлөмкө, абу Джыдж Максимъяс му вылас көзяинъясыс, налөн ыджыдалан кадыс кольöма нин бөрö. Му вылын, вөлөм, ыджыдалö мөд правда.

Кутшөм абу прөстөй ставыс тайö, сьöкыда вежөртана, и... кутшөм мича да кыпид, кор заводитан гөгөрвоны, аддзыны мичлунсö, казявны кыпидлунсö.

Коркө веськаліс бур морт, эз тойышт, эз эновт отнасö керка пельöсö. Бур йёз отсөгөн нэриник нывлөн лои вын сувтны кок йылö, лоны мортөн. Но од öні сійö абу нин отнас. Сылөн öні эмöсь уна другъяс, ачыс сійö должен велөдны мукөдöс. И век жö Шомысовалөн эз вöv вын мунны Вурдов дінö да висьтавны ставсö веськыда. Кыдзкө эз вöv лөсьыд сэтшөм сёрнияс петкөдны йёз син водзö, көть эськө сылөн мыжыс став сійö лоөмторъясас медся ичöt. Эз вöv лөсьыд и Ермолин водзын, көть эськө некутшөм мыж ас саяс эз кыв!

Сьөлөмсö бурмөдіс сійö, мый базаын лои котыртöма неыджыд коллектив, коді, дерт, оз на унаторйөн нимав, но позьö нин шуны — кыскö ас бөрсяыс кодсюрöс. Трактористъяслөн комсомольскöй колонна йылысь гижисны нин газетъясын, висьталісны Сыктывкарсянь радио пыр. Шомысова кайліс пөрöдчанінын уджалысь сезонник-комсомолецъяс дінö, сёрнитчис вöчны отувъя комсомольскöй собрание. Мый лоны мед лоас: сійö оз вермы чöv овны, сёрнитас Степанкөд веськыда. Татшөмтор вылö решитчөм бöрын сьөлөм вылас лои кокныджык. Чукөртіс став вынсö да мөдөдчис гортас.

Ермолин бөръя лунъяссө омөля вольвліс гортас, а талун вөлі виччысьö нин. Шомысова казяліс: синъясыс сылөн гудырөсь дай неуна читкыраөсь. Тадзи овлө неуна юыштөм бөрын. Бурсө виччысьны вөлі нинөм. Но Дуня век жö пырис, пөрччысис.

— Обедайтін?— юалис сійö верөсыслысь, сылы воча пуксиг.

— Но, шуам, обедайтлі!—ныр пырыс нурбыльтіс Ермолин.

— Тэ, буди, талун гажа, Степан? Кутшөм празник кузя?— серөктыштис Дуня.

Ермолин кыпөдліс сы вылө гудыр синъяссө, векрыштліс вомсө, сөдзөдіс пинь пырыс:

— Мый нө сэсса, и юыштны оз позь?

— Пөрччысь, шойччы. Мый паськөмнад пукалан?

— Миян велалөма. Гөтыръяс тай оз ёна дөзьөритны.

— Мый тэ сөран? Ме удж вылын жö вөлі.

— Тиян уджыд!— шеныштис кинас Степан, но век жö сувтіс, пөрччис сьодасьөм пасьсө да өшөдіс тув йылө, а сэсса нюжөдчис вольпась вылө.

Мыйкө дыра кыкнанныс олісны чөв. Шомысова аддзис: Степан көсйө панны сёрни, видзөдлывліс сы вылө син бөжнас да виччысис.

— Сідз инөсь...— бура дыр мысти нин шуис Степан.— Вермин, сідзкө, ылөдны Ермолинөс?

— Мыйөн?— падмис Шомысова.— Мыйөн ме верми тэнö ылөдны?

— Быттё нинөм ог гөгөрво!— Ермолин бөр пуксис вольпась вылө да паськыда, комната тырнас, серөктис.— Тырмас! Тырмас ылөдлыны менө дай комсомолтө!

— Степан!..

— Ланьт, шлюха!.. Ставсө төда!

— Төдан кө и — сөр!— эз повззы Дуня. Пансис кө нин татшөм сёрни, өні повнысө нинөмысь.— Тшаковлысь кывзан? Сылы эскан?

— Мун, весась ме ордысь!— кватитис джек да шеныштчис Степан.— Мун өдйөджык! А то...

Шомысова век жö кутис асьсө. Сійö лөня, повтөг муніс паськөмыс дінө, босьтіс сійөс тувйысь, тэрмасьтөг мөдіс пасьтасыны. Степан пуксис пызан дінө, топөдіс юрсө кияснас, ланьтіс.

Шомысова локтіс сы дінө, чорыда шуис:

— Вот мый, Степан! Талун ме тэ вылө ог скөрмы. Лоас

на кад садь юрөн сёрнитны. Но веськыда висьтала: ставыс, мый тэныд висьталіс Пырөй, ставыс лөж. Ме төда, мый йылысь сійө тэныд висьталіс. Зэв бура төда.

Ермолин чөв оліс, весиг юрсө эз кыпөдлы бура дыр. А сэсса век жө видзөдліс гөтырыс вылө вазьом синъясөн, друг сыркмуни пельпомнас да шуис надзөник:

— Эк, Дуня! Төдан кө эськө, кутшөм меным сьөкыд. Эн пов, ме абу код. Неуна юышти. А эсийө Пырөйыс... дольө и дольө. Не веритны — ме эг вермы... А өні — мун!.. Ме өтнам олышта...

— Вод вольпась вылас, Степан!..

Шомысова ачыс шензис ас вылас: сы мында сылөн ас пытшкас өні вөлі вын, и верөсыслөн кывъясыс эз мөрччыны ньөти. Вөлі неуна забеднө, и — ставыс...

## 16

Вурдов пукаліс өтнасөн. Сійө, тыдалө, адзис Шомысовалөн чужөм вылысь мыйкө сэтшөмтор, пыр жө сувтіс воча, босьтіс кидыс, пуксьөдіс пызан дорө.

— Мый тэкөд, Дуня? — юалис сійө нинөм на гөгөрвөтг. Татшөмөн Шомысоваөс Дмитрий Ильич эз на адзыв.

Выныс вөлисти энөвтис Дуняөс. Сійө лэччысис пызан дорө, сыркъялөмөн бөрдзис.

— Дуня! Мый лои?

Но Шомысова эз дугды бөрдөмысь. Сэки Вурдов локтіс сы динө, малыштис юрөдыс да шуис небыда:

— Бөрдышт, бөрдышт, Дуня... Синвайд мукөд дырйиыс отсалө нывбабаясыдлы. Мужичөйлы кө эськө ме синвасьыд эг прөстит. А нывбабаясыдлы прөстита.

## НЕКЫМЫН ВО САЙЫН

Джыдж Максимөс Эжва йылын уна сиктын төдлісны паськыд гөрд тош сертиыс, коді сылөн пыр вөлі зырйөс моз тшөтшөдөма, да мусянь тэчөм мыгөрыс серти. Но медся ёна төдлісны ыджыд коромина керка-карта сертиыс, коді джуджыд өградаөн кытшалөмөн сулаліс-грамвидзис сикт шөрын вичкокөд орччөн, поп-керка дінын. Төдлісны и батыс серти, кодөс визувлунысла нимтылісны Джыджөн.

Висьтавлёны, быттьёкөнөсь Максимлён батысь, Джыдж Ёгор, овмөдчывлёма корём вылын. Мыйён вөлөм сөмын пуктыссяс турун да кыз няньсө лоё идралёма уна чаль коста сёрөмъясө, Джыдж Ёгор бэсьтас пач увсьыс гор-мөдчансө да ичөтджык пиыскөд, Максимыскөд, мөдөдчас Сыктыв вожё коран сумкаөн. И сідзи быд ар, төв шөрөдз, ветлөдлас сиктысь сиктө гормөдчан паскаөн, паськыд кузь мешөкъясө чукөртас нянь торпыригъяс, ыргөн грөшъяс. А сэк кості гортса овмөсөн бергөдлө ыджыдджык пиыс — Павел. Сикт пасытаын төдісны та йылысь, но регыд Джыдж петіс первой олысь, унаөн лоины сылы уджйө-заөсь, и көть нин ас дырйиыс эз казьтывны сійөс. Но лёк кывъясөн паськөдан сёрнитө тай нинөмөн он ланьтөд — сійө быд пельөссянь пычкыртө-петө.

Нимавліс татшөмтор: өти празник асывводзө Межа-дорса өти тьөтка ордө пырас ичөтик детинка. Лёк сыръя бөжа паськөма, рака поз кодь шапкаа, розьөсь-дөмасөсь гынкөма — сувтас порог дорө, улөдз копыртчылөмөн чөвтас пернапас, а сэсся сылыштас вөсньыдик гөлөсөн:

— Криста-ради, сотчысьяслы, мыйён верманныд...

Тьөткаыд вөлөм самөй кыскалө пачысь нянь, оз тэр-мась корысьыдлы милөстинатө сетны. Детинкаыд мый-кө дыра сулыштас дай шуас:

— Сетан кө — сет, меным некор дырсө виччысьны, ог эшты!

— Мый нө сідз он эшты, кытчө тэрмаян? — юалас тьөткаыд сылысь сералігыр.

— Бать эстөн сикт помас гудөк донъялө, мед эськө кутшөмсюрөос эз ньөб...

Тайө детинкаыс пө вөлөма Джыдж Максим, а гудөк ньөбысьыс — сылөн батысь. Сійө воыс Сыктылын вөлі няня, и Джыдж ая-пиа гортаныс вайисны эз этша сукар да сьом. А тулысбыд сэсся Джыдж Ёгор сійө сукар торъяс вылас вөчөдіс выль видзьяс, косяліс пашняяс.

Джыдж Максим важөн нин юксис ыджыдджык вокыс-көд, лоис ашөр көзяинөн. Батыслөн моз жө сылөн вөлі йөзлы вежавмөнтъя овмөс, челядь, а ыджыд пиыслы — Порфирийлы — Пырөйлы, кызди сійөс быдөн шулісны сиктын — вөлі нин кызь арөс, кор Джыдж Максимлы го-жөмбыд кежлө слугаавны мамыс ыстіс Öвдөтьөс.

Öвдөть сэк вөлі еджыд чужөма авъя ныв, муртса на тыртчис кызь арөсө. Но сійө төдө нин вөлі, мый лоё йөзад

слугааломьд. Эз нин первой гожйив сийо и Джыдж Максим ордын. Бөръя кык восо быд гожом на уджаліс на ордын. Мыйыс сомын эз сюрлы томиник нывкалы: мужикъ-яскөд орччон ытшкыны, Джыдж ставлон паськыд видзьяс вылысь верст сайодз юрводз тонькйодлыны-кыскавны, а удж бөрын гортө воом бөрын керка пытшкын пелькөдчыны.

Ставыс эськө тайо нинөм на. Но бөръя каднас Джыдж Максимлөн пиыс, Пырөйыс, кутіс пөгибө воштыны нылөс. Көн сомын стрөка сюрас, быдлаын топөдө, лөсьөдчө кутлыны, окавны. А өтчыд, видзьяс вылын узылігөн, нывкалы ковмис вонйысь пышйыны.

Пырөй велөдчис карын, помаліс нин мөд тшупөда школа, лөсьөдчис лоны служащөйөн. Асьсө сийө кутіс зэв вылын нырөн. Весиг сиктса зоньяс эз радейтны сийөс. Сомын Джыдж Павеллөн ыджыдджык пиыс — Никодим — сылөн вөлі друг, и найө кыкөн быд праздник дырйи тшапа ветлісны сикт кузя, том йөз чукөрын медся водзын. Никодимыслөн вөлі гудөк, и сийө ворсіс сомын Пырөй другыс тшөктөм серти.

Джыдж Максим ошйысьывліс сиктын:

— Менам пиыд велөдчис, майбыр. Важ ногөн кө — гимназия помаліс. Оні кутас служитны, ыджыд жалөваннө босьтны. А деньганад ме сідзи на бергөдча... А менам кулом бөрын ачыс босьтсяс. Культурной көзяинтө выль властыд оз обидит. Менө со бара нин выставка вылө корөны...

...Өтчыд тайө Никодимыс да Пырөйыс кыйөдөмаөсь Дуняөс муяс вылысь лэччигөн сю чумалияс бокын. Мый сәні вөлі — ачыс Дуня омөля төдө. Төдө сомын: регыд сэтчө лөсялісны йөз да мездісны, а код төдас эськө, мый вермис лоны. И сюрөма сәки кык друглы: та бөрын Пырөй да Никодим бура дыр эз петавлыны сиктө — бурдөдісны дойяссө, бырөдісны лөзьяссө — Овдөтлысь гыж туйяссө.

Сиктын өна сөрнитісны та йылысь, делөсө сетөма вөлі весиг судө, но Джыдж Максимлөн сюрисны бур другьяс районын, и ставсө вөлі кусөдөма.

Медым бырөдны йөзкост сөрнисө, Дуня муніс верөс сайө Питирак Вась сайө. Но и ськөд олөм эз артмы: Питирак Вась куим төлысь мысти гөтрасьөм бөрас нөйтөма кодөскө кувтөдзыс да судитісны. Та бөрын Дуня эз вермы терпитны энькаыслысь өмаалөмсө, муніс на ордысь.

Сийө арнас жө Дуня торьяліс мамыскөд. Мамыс нывсө

первой ёна видіс Джыдж ставёс нэм кежлө лөгөдөмысь, а сёсса и ачыс кутіс лёсьөдчыны мунны верёс сайё.

Орчча грездын вөлі куим посни челядя дөвеч. Сылөн бөръя кадөдзыс ца вөлі ичөтик лавка. Ачыс прамөя некөн эз уджавлы, төв и гожом вузасис шылльө-мылльөөн, сельполөн магазинын прилавок сайын сулаліс, а став уджсө гортас вөчис гөтырыс. Висьталөны, гөтырыс пө сылөн ёна уджалөмсьыс и кулөма. Вот тайё дөвечыс и коралөма Ду-нялысь мамсө.

Эз кывзысь нылыслысь, муніс верёс сайё, а регыдөн сёсса и ачыс збыльысь гартыштчис. Важъя сёкыд уджыс, висьөмъясыс, дөвеч ордад уна челядькөд лун и вой ноксёмыс дзикөдз косьтисны сійөс.

Дуня коліс өтносөн. Янөдөмөн, сералөмөн. Кутшөм вермис лоны олөм сэні, көні сэтшөм шога коліс томлуныс! Дуня чукөртіс көлуй кураc-каpассө, игналіс сісьмөм керка пөвсө да өти зэра асылө мөдөдчис сиктысь. Аскөдыс сійө нуис ыджыд лөглун сэтшөм йөз вылө, кодъяс пежалісны том нывлысь сөстөм сьөлөмсө. Водзын вөлі виччысян гаж, шуд, код вылө нывка век жө надейтчис. Сэқи өд заводітисны нин сиктясын паськавны сёрнияс колхозъяс йылысь, сиктса гөль йөз виччысисны гырысь вежсьөмъяс, и нывлөн мукөдлөн моз жө вөлі ыджыд надея мыйкө выль вылө, кодөс корсьны, думсьыс, сійө и муніс, бур йөзыс вылө надейтчөмөн...

— Вот и ставыс, мый ме верма висьтавны, Дмитрий Ильич,— шуис Шомысова, кор висьталіс ставсө да видзөдліс сюся кывзысь Вурдов вылө.— Мый ещө содтыны? Сыктывкарын первой олі домработницаын. Зэв бур семьяө веськалі: пөрысь учителяс, кыкнанныс коммунистьяс. Найө и веськөдісны менө бур туй вылас.

— Мда-а!..— нүжөдіс Дмитрий Ильич.— Сьөкыд олан туй вуджөмыд. Тэнад арлыдөн ставсө тайөс ас вывті нуны — ыджыд школа. Нө, а Джыдж Максимыс өні көні?

— Пырөй тай шуө колхозын пө завхозалө. Сиктным миян бокын, шоча коді и воывлө сэтчө. Сійөн и Джыдж Максимъясыд сэні дыр көзьяйничайтисны, а гашкө и өні на гудрасьоны...

— Да... Джыдж Максим... Төда ме сійөс неуна. Пеккөдліс жө өтчыд меным асьыс гыж туйсө. Но, нинөм: Джыдж Максимъяслы өні воө пом. Сійөн и сідзи дурмөны найө. А тайё Тшаковыс, тыдалө, бур быдтас сылөн.— Дмитрий Ильич думыштчис, выльысь сюся видзөдліс Шо-

мысова вылө.— Гөгөрвоана, мыйла сійө тэнө сьөдөдө. Миян кузя кучкыны көсйө, миян удж кузя. Сюся колө видзөдны сэтшөм йөз бөрсяйд. Найө крепыда на курч-часьны вермөны. А ми чөв олам. Унджык на таысь: татшөм Тшаковъясыс вина вылө ньөбөны кодсюрөос, пакөститны дасьөсь, а ми том йөзсө унаысь сетам на киө. Та йылысь колө думыштлыны, Шомысова ёрт. Тэныд и меным. Том йөз вөснаыс ми тэкөд кыв кутам. А миянөс со асьнымөс на курччалөны.

— Пасибө, Дмитрий Ильич!— сьөлөмсянныс шуис Шомысова.— А ме дзикөдз нин падмылі.

— Быдторйыс вермас мунны ми вывтi, не татшөм-торьяс на. Ёнджыкөн колө лоны миянлы, крепыдджыкөн, а главнөйыс — суюсьөн. Ылысь водзысь колө аддзыны. Гөгөрвоин?.. Колоннатө котыртөмөн ми тэкөд өти ыджыд удж вөчим. И эг омөльөс. Дөмин көть и чушьялө миян вылө, лишнөй ноксьөм пө, но талун кежлө кызвын вөрсө кыскө колонна. Ошка Ульныровөс — бура уджалө. Тадзи кө и водзө — кварталнөй план ми тыртам.

— Но, сьөдз ылын на!— нюммунис Дуня.

— Йөзтө ышөдны колө кужны. Зэв ыджыд вын, Дуня, кыптө мортлөн, көр сійө аддзө, мый сылы эскөны. А миян Павел Егорьевич пөдтө йөзлысь водзмөстчөмсө. Пыр полө: да мыйла тайөс, да мый тайө сетас?..

— Сійө сэтшөм!— гораа нин серөктис Шомысова. Вө-листи сьлөн сьөлөм вылын неуна шоналіс.

## 17

Вурдов ордысь Шомысова петіс кокняммөм сьөлөмөн. Рытыс улич вылын вөлі мича, шоньд. Гөгөр өзйисны югыд бияс. Челядь петөмаөсь улич вылө дадьясөн, ислалөны кыр горув. Тайө вөлі дзик выльтор: вөр лэдзысьяслөн оланіньясын челядь. Найө войдөр эз вөвлыны. Сэки өд вөр лэдзысьясыд семьяён вөрад эз кайлывны. Да и татшөм посёлокъясыс вөрьясад эз жө вөвны. Шомысова помнитө, кызди коркө өти төлын сійө Джыдж ставлы кыскасис. Олісны ляпкыдик чөмйын, көні и костө веськөдны некөн. Нельөн-витөн кераласны татшөм банькасө, вөчасны пачтор да овмөдчасны төвбыд кежлө. Дзескыд, пемыд, тшына. Войбыднад татшөм чөмъяд гын көмыд са сорыс косьмас да аскинас кок туйыд сьөд.

Вөрса посёлокъяс стрöитавны заводитисны неважөн на, кор вөръясö кутисны воавны машинаяс. Накöд жö вөрö воисны и семьяа уджалысьяс: трактористъяс, слесарьяс, кузнечьяс. Рабочöй класс, кызди шуö Дмитрий Ильич!

И көть дзескыд на посёлокын, оз на быдөнлы тырмы торъя кöмната, но öнi майбыр нин овнытö. Тайöс быдөн шуöны. Оз и казтывны важсö, көть эськö вель на неважөн овлисны тшына чомьясын. Дмитрий Ильич шуö: вöрад пö карьяс регыд мöдам стрöитавны, гырысь школаясөн, магазиньясөн. Но кор на ещö сийö лоас.

— Тётя Дуня! Лок миянкöд иславны!— кылис Шомысова мыш сайсьыс гөлöс.

Код тöдас, кедлөн тайö ичöтик детинкаыс. Гартчöма мамыс жакетö, юр вылас пунктöма батыслысь шапкасö да пемыднад он и тöд, көть эськö уна ордö нин гортас воывлис, унаöс ки вылас босьтывлис.

— Ислалöй, ислалöй!— вочавидзис детинкалы Дуня.— Меным некор.

Гортö пырны эз на вöв окота: сэнi Степан. Гашкö унмовсис нин, а гашкö и эз на.

Кодкö сэки мышсяньыс кватитис Шомысоваöс да кöдзыд кияснас тупкис синьясö.

— Зоя!— шуис Дуня да бергöдчис.

Сы водзын и збыльысь сулалис Зоя.

— Ме нин тэнö кыкысь чукöстi, а тэ он кыв,— тэрыба висьталис Зоя.— Кытчö мунан?

— Ыркöдчыштны петi. Тэ мый, абу удж вылын?

— Аски асыводз петам.

— Но, кызди уджалад? Дмитрий Ильич ошкö тiянöс. Медводзын пö Доменьлөн тракторыс.

— Ёнасö ошйысьны нинöмөн на. Вежонөн квайт рейс вöчим.

— А Домень кызди? Лöсялад?— мудеритöмөн нин юалис Дуня.

— Уджалам тай мыйкö. Сыкöд ёна он варовит.

— Йöй тэ, Зоя!— серöктис Шомысова.— Ме вот сылы ставсö висьтала!

— Мый висьталан?— повзис ныв.

— Ставсö. Ачыд меным коркöнад мый висьтавлiн. Вунöдiн нин?

— Лысьтан кö...

Улич кузя мунiгөн найö гöрд пельöс весьтысь кылисны кутшöмкö зык.

— Ветлам, мися!— ыджыд гөлөсөн горзис кылө Габө Павел да зілис кыскыны сойөдыс кутшөмкө төдтөм нывбабаөс.

— Мый тиян тани, Павел дядь?— локтис сы динө Шомысова.

— Пырис тай со ме ордө, вурун вөзийө. Шыдөс корө да сакар. Ме сылы шуа: абу, мися. А сийө шуө: лавошникыдлысь пө бөсьт. Сылөн пө эм,— тэрыба висьталіс Павел.— Сиктсянь нарошнө вузасыны да ньөбасыны воөма. Со сылөн вөлыс, барак сайын.

Мунісны барак сайө. Сэни збыльысь сулаліс ыджыд рөзвальө доддялөм съөд вөв. Рөзваль дінас сулаліс мөд нывбаба.

— Видлы Павел дядь, мый налөн доддяс,— тшөктис Дуня.

— Тиянлы кутшөм делө, мый миян доддын куйлө!— видчис нывбаба.— Ме эг гусяв, а ньөби.

— Кытысь?

— Лавошниклысь.

— Мый вылө?

— Вый сеті.

Павел дядь выльысь кватитис нывбабатө соскөдыс.

— Ветлам сы ордө.

— Некор мем тиянкөд шлөньявны. Гортө колө лэчыны.

— Но, но, мунам...

Лавкаын вөлі жар, яра ломтысис көрт пач. Пырөй самөй веситис кодлыкө чери. Шомысова локтис Пырөй динө.

— Тэ вузалін тайө тьоткаыслы сакарсө да шыдөсьяссө?

— Мыйөн ставсө помнитан,— юрсө лэптивтөг вочавидзис Тшаков.— Гашкө и вузалі.

— Ме тэнсьыд юала: вузалін эсийө тьоткаыслы шыдөс да сакар?— чорзьөдіс гөлөссө Дуня да индіс тьотка вылө.

Пырөй чөвтліс синьяссө тьотка вылө.

— Первой аддза!

— Кызди первой?— горөдіс нывбаба, коді, тыдалө, гөгөрвоис нин, мый ставыс тайө сідзи прөстө оз помась.— Кымынөдысь нин ме...

Но Тшаков панйис сийөс:

— О, Öгрө тьот тай вөлөма!— Сэссия бергөдчис Шомысовалань.— Но, шуам, вузалі. Ассым нормаөс сеті.

— Норматö-ö?

— Тэ, Шомысова ёрт, йöз вылас лöж слава эн лэп-ты,— Дунялы паныдөн сувтис Тшакöв. Тöдчö вöлі, кызди сійö гөрдөдис, паръясыс мөдिसны тiравны.— Кодкö лун на ревизия вöлі.

Йöз дырйи ёна зыкавны эз вöв лöсьыд. Шомысова локтис нывбаба динö, кутис сійöс киöдыс.

— Мунам! Зоя, тшöтш ветлам мекöд. Павел дядь, а тэ пет вöв дiнас да видзöд, мед оз мунны некытчö.

— Кытчö?— кутис пыксыны тьötка.— Ме вöсна тi кöть тани тышкасьöй, а меным некор.

— Мунам, мунам!— чорыда шуис Шомысова.— Видзöдлам, кутшöм нормаөн сійö вузасьö.

Сэки Пырöй мунис öдзöс динö, паськыда восьтис сійöс да лёкысь шуис Дунялы:

— Со тэныд туйыс! Комсомолнад камандуйт, а тани кöзьяиныс ОРС,— и индiс кинас öдзöс вылö.

Дуня да Зоя, лавошник видчöм вылö видзöдтөг, век жö петкөдiсны тьötкаöс улич вылö.

— Ок, пышйöма, трустыд!— горөдiс Габö Павел, мыйöн сöмын петис лавкаысь да видзöдлiс водзö. Вöв сулалан местаын некод эз вöв.

Куимөн тьötкатö кыскисны ОРС контораö.

Недыр мысти Пырöйöс корисны сэтчö жö...

## 18

Быд рыт, мыйöн сöмын пемыдыс паськөдчас база весьтö да баракъяс костын сулалысь пожöмлөн джуджыд туганыс вошö уна сюрс кодзувъясөн ворсөдчысь пемыд енэжö, посёлок заводитö дзирдавны уна биясөн. Сэки жö завсдитö уджавны радио.

Сёрнитö Сыктывкар. Тöдса нывбаба гөлөс сетö «Бөръя юөръяс»:

«Ленин гранат» колхозса скöтницаяс заводитисны велөдчыны зоотехнической кружокин. Микушева Дарья скöт видзöм кузя техминимум сдайтис отлично вылö».

«Палазьяса вөр пунктын вөр лэдзысь мастер Антон Карманов тавося сезонын вöчис нин витсё кубометр вөр. Тулысөдз Карманов кöсийсьö вöчны тысяча кубометрысь унджык».

«Часса тракторной базын тракторист Гужев...»

Радио друг ланьтис.

— Но и Петыр-Павел! Бара торкис!— видоны кывсыяс радист Мингалёв Павелос, кодос посёлокын быдён шуоны Петыр-Павелон, гашкө, сы вöсна, мый Мингалёв ачыс радейтö частö казътывны тайö кык нимсö.— Медся интересной инас...

Быдён сэтшöма нин велалисны радио динö, мый весиг узиганыс кывзöны. Газетыд татчöдз кор на воас, а радиоыд со висьталö сийö жö рытнас сы йылысь, мый кöнкö вöли рытгорувнас на.

Но öни репродукторыяс мыйкö кутисны лишной дыр чöv овны. Сидзкө, абу Мингалёв вöсна. Быдён тöдöны: Мингалёв вермас и вугыртны дежуритигад, но мыйон синсö восьтас, радиоыд пыр жö бөр ловзяс.

«Алло! Алло!»— заводитлис нин мыйкö кывны репродукторын, сэсся гоз-мöдысь дзуртыштöм бöрын ланьтис.

Но репродуктор быттьökö бөр ловзис. Кыз мужичöй гөлöс, кодын быдён тöдисны Вурдовлысь гөлöссö, надзöник мöдис висьтавны:

— Алло! Алло! Сёрнитö базаса радиоузел. Ставон пöжар вылö! Сотчö мөдöд номера гараж. Ставон пöжар вылö! Сьöрсыныд босьтöй ведраяс, зыръяс!..

Тайö рытнас Макар пукалис гортас, аслас смена вылö петтöдз кывзис радио. Нинөм йылысь сылы думайтны эз кöсйиссы. Кольөм рейс артмис бура: öтарö-мөдарö бергöдчис дас часон. Пöжалуй, и Домень на ташöм регыд кадон эз бергöдчив. Öни позяс и Доменьос чукöстны ордйисыны.

Пöжар йылысь радио пыр кывлөм бöрын Макар кватитис тувсыс югъялысь телогрейкасö да уськөдчис ывлаö. Сэни улич тырыс котралисны йöz. Вылын, керос йылын, сөстөм небесаö кайис сьод тшын. Ыпъялысь билон югөръясыс гөрдöдисны баракъяслысь стенъяссö. Гөгөр ува-ава кылисны йöz. Öти котöртис öтарö, мөд — мөдарö.

Макар котөрөн бөр пыралис комнатаас, суйис юрас шапкасö, вежис көмкөтсö, уськөдчис йöz бөрся, керос паныд. И сöмын котөртигас нин думыштитис: сотчан гаражас сулалö сылөн машинаыс, кодон вот-вот должен вöли петны рейсö.

Гаражлөн паськыд öдзöсöд би сорөн пуркийис-петис сьод тшын. Билон кузь кывъясыс нюлисны гаражлысь ортсы стенсö, вевтсö. Сьод тшын гартчөмөн кайис выв-

лань. Гараж пытшкын кылісны гөлөсьяс, кодкө лёкысь горзис. Кодъяскө заводитисны косявны гараж вевт.

— Машинасө качайтөй!— горзисны гараж вевсянь.

Но кызди и пыр овло медся колана кадас, пöжарнöй машина эз уджав. Тыдалö, кыткө кынмöма.

— Ведраясөн!

— Лымсö коялö!

Макар, йöз чукөр динö воёмөн тшöтш, видзöдліс гöгөр, уськөдчис гараж пытшкө.

Кодкө кылö горöдіс:

— Макар, кытчö?— но сійö быттьö эз кывлы. Гараж пытшкас нин сöмын думыштис: «Паськөмöй ыпнитас. Тыасьмöма нин маслөнас да карасиннас».

Макар уськөдчис аслас машина динö. Сэтчö эськө сійö веськаліс и куньса синмөн. Машина динас муткырасяс морт: ноксис радиатор динь. Тайö мортас Макар тöдіс Ермолинöс. Механик видзöдліс тракторист вылö:

— Отсав! Заведитнысö некыз ог вермы.

Макар кималаснас корсис пускөвöй ломиксö, но сійö некыз эз сюр. Скөраліс ас вылас: кымынысь шуліс местаö ставсö пуктыны, но век вунöдö. Вот сэсся и корсь öні. Видзöдліс гөгөр: көсйис адззыны, мый вöчö Ермолин. Механик матын эз тыдав. «Кытчö вошис?— думыштис тракторист.— Буди петны да отсөг корны?» Тшын сёйис синъяссö, юрыс бергөдчис. Кыськө локтис и Степан.

— Ломиксö менсьым эн аддзыв?— юаліс сылысь Макар.

Механик судзöдчыліс кабинаö, кыскис сесь ломиксö, нюзöдіс трактористлы.

«Öдйöджык! Öдйöджык!»— тэрмөдліс асьсö Макар. Ортсыын пыр на шыалісны йöз. Тыдалö, кузянад заводитис уджавны и пöжарнöй машина. Көдзид ва некымынысь нин резыштис трактористлы чужöмас.

Дырөн, тракторлөн двигатель заводитис уджавны. Ермолин, синъяссö кинас тупкөмөн, уськөдчис ортсö да горöдіс:

— Кежöй! Машина кутас петны!— а сэсся бөр пырис тшын пиас.

Макар пуксис аслас сиденье вылö, включитис скорость. Машина вöрзис места вевсьыс. И муртса трактор удитис петны гаражысь, пötөлөкыс сьлөн грыпкысис уси. Би столб качис вевт пырыс, гөрд сюръяөн поткөдіс ывласö. Йöз ыльнитисны бөрвыв.

— Макар! Лэччы машина вывсьыд! Сотчан!— гор-  
зіс кодкё трактористлы. Но Макар нинём эз кыв. Сійё  
пыр на эз вермы восьтыны синъяссё. Сылён маслөөн да  
карасинён тыасьём телогрейкаыс мыш вывтис өгыраліс  
нин. Сійё казяліс тайёс, лэдзис кисьыс рычагсё, пөрччис  
телогрейкасё да шыбитіс сійёс бокё.

Кор нин машина лои бура ылын сотчысь гаражсянь,  
Макар сувтёдіс сійёс.

— Мөłodеч, Макар!— сы дінё писькөдчис Вурдов да  
топыда кутліс кисё.— Спаситін машинасё.

Макар көсйис, буракё, нюммуны, но чужёмсё быт-  
тё ставнас ёсь пуртён чишнитісны, и сійё, катласигтыр,  
Дмитрий Ильичлы пельпомас мыджсьыны заводитлём  
бёрын, уси кок йывсьыс.

Вурдов кватитіс сійёс коскөдыс: эз лэдз лым вылөдз  
усьны.

— Котөртөдө медпунктё!— тшөктіс сійё матігөгөрсая-  
яслы. Макар дінё котөрөн локтіс Ванюша Попов, отса-  
ліс трактористлы сувтны кок йылө да коскөдыс кутёмөн  
нуөдіс медпунктё.

## 19

Буретш тайё кадас Домень да Зоя спокойнөя лэч-  
чисны трасса кузя улыс катищелань. Домень пукаліс  
аслас местаын мышыв лэччысьёмөн, сюся видзөдіс во-  
дзё. Зоя вөлі көнкё состав бөжын. Вөр кыскалан трасса  
кынмөма нин крепыда. Кольём көдзыд лунъяснас сійё  
төдчымөнъя топаліс, и состав лэччис рөвнөя. Тадзи кө,  
регыд воасны гортё. Гашкё, Макар оз на удит весиг пет-  
ны рейсё. Домень асывнас адззыліс, кызди Макар да Ле-  
вонь сувтөдісны тракторсё гаражё. Макар висьталіс: на-  
парникыс сылөн висьөдчө, луннас машина кутас су-  
лавны.

— Мун узь, Макар!— шуис трактористлы Левонь.—  
Эн төждысь: ставсё, мый колё, вөча. Рытнас локтан да  
сөмын пуксьы машина вылад, грымөд-кай.

Доменьлөн сідзи нин вөлі лөсьөдөма: сійё заправи-  
тас машинасё, заведитас, петас гаражысь да мунас нывъ-  
яс олан барак весьтё. Вөлисти сэки сы дінё петё Зоя.  
Нывка эськөн кыпөдліс сёрни сы йылысь, мый тадзитё  
абу лөсьыд, шуасьны кутасны, серавны, но Домень эз

сетчы: нинӧмла Зоялы гараж дінас кайлыны, сьтӧг ставсӧ ачыс вӧчас.

Тайӧ рейс налӧн, тыдалӧ, бара на мунас бура. Вылыс катищевын Турбылевлӧн сӧвтӧм додьяс вӧліны дасьӧсь. Домень здукӧн вӧчис сәні кутшӧмсюрӧ маневровӧй уджъяс, босьтіс тыра квайт додь, пыр жӧ мӧдӧдчис увлань.

— Бур туй тәныд!— шуис мастер да содтіс:— Висьтав сән, мед оз нюжмасьны додьяссӧ ректӧмӧн. Вӧр миян, аддзан, уна. Сетны кӧ кутад пӧрожнякссӧ тырмымӧн, кык пӧв унджык вермам сӧвтны. Он вунӧд?

— Ог, ог. Висьтала,— кӧсийисис Домень.

Тӧвся луныд век жӧ дженъыд. Эз на удитны Домень да Зоя ләччыны джын туйсӧ, кыдзи заводитіс пемдыны. Домень ӧзтіс фарасӧ. Вӧлі лӧсьыд кывны, кыдзи вына машина кывзысьӧ тәнад килысь. Оз, Домень оз веж нинӧм вылӧ тайӧ уджсӧ. Уджалас ещӧ во-мӧд, а сәсся мунас велӧдчыны, мед лоны инженерӧн. Машинаяс ӧні вӧрад кутасны лоны воысь-во унджык, инженеръяс ковмасны пыр унджык жӧ, и сылы, комсомолецлы, оз позь сулавны ӧти местаын. Газетъясын со гижӧны: кымын выль том инженеръяс уджалӧны быдлаын. А мыйӧн Домень мукӧдысь омӧльджык? Ветлас, велӧдчас и бӧр воас татчӧ. Водзӧ ӧд ещӧ уна сикас машинаяс вӧрад мӧдасны уджавны.

Думъясыс бергалісны и Зоя гӧгӧр. Пыр на казътывлӧ, кыдзи коркӧ окыштіс сійӧс Зоя. Дерт, тайӧ вӧлі шуткаӧн, но мыйла сы бӧрын ныв сәтшӧма вежсис? Мыйкӧ петкӧдчис нывлӧн синъясын сәтшӧмтор, коді повзьӧдліс и радйӧдіс Доменьӧс. Зоя кужис корсюрӧ сӧрнитны меліа. Но мукӧд дырйиис сійӧ зәв кӧдзыд, ылісянь на вой тӧлӧн ӧвтӧ сысянь, кӧть эн матыстчы.

Домень ӧнӧдз некӧдӧс на эз радейтлыв. Дерт, вӧліны и нывъяскӧд окасьӧмъяс, и колльӧдчӧмъяс. Но ставыс тайӧ сідз-тадз, ворсігмоз. Ӑні зон ачыс кыліс: Зоя дінӧ сылӧн чувствовыс ыджыдджык. Но кыдзи вӧчны, мед ныв гӧгӧрвоас тайӧс, аддзас, мый сійӧ оз ворс, оз шутит? Медым неуна кӧть пӧдтыштны тайӧ сьӧлӧмкылӧмсӧ, Домень ещӧ ӧнджыка сетіс вынсӧ уджлы: сәки мукӧдторъяс вылас кадыс кольӧ этшаджык.

«Аски миян шойччан лун,— думайтіс ӧні Домень.— Корся стрӧка да заводитла прамӧйджыка сӧрнитны Зоякӧд. А оз кӧ нинӧм артмы — Шомысова дінӧ шыася. Сійӧ

коркӧ сералӧ нин вӧлі: «Нылыслӧн сьӧлӧмыс косьмӧ, а тэ нинӧм он гӧгӧрво». Но ӧд, Шомысоваыд вермис и серавны...

Кутісны матыстчыны посёлок весьтӧ. Ещӧ час-мӧд, и найӧ лоасны гортын. Ӑти кыр паныд кайӧм бӧрын Домень неуна сувтыштліс, горӧдіс Зоялы:

— Мый сэн кынман? Лок татчӧ!

Зояӧс мӧдысь корӧм эз ков, тэрыба котӧртіс, кайис Домень дінӧ, пуксис орччӧн, топӧдчис. Ныв и збыльысь вӧлі турдӧма.

— Но, мый сэні? Ставыс лючки?— юалис Домень.

Зоя ещӧ топыда топӧдчис. Довкнитіс юнас: бур пӧ, бур.

Ок, Домень эськӧ пыр таdzi пукаліс орччӧн Зоякӧд, сэсся босьтіс эськӧ мездорас, пыртіс керкаӧдзыс, пуксьӧдіс доналӧм пач дінӧ, и кыкнанныс эськӧ мӧдісны видзӧдны би вылӧ да чӧв овны. Мыйла сэки кывъясыс, кор и сідзи ставыс гӧгӧрвоана!

Веськыдвылӧ коли посёлок весьтын пӧртмасьысь кыа. Домень видзӧдліс сылань. Кыаыс мыйкӧ талун вӧлі тешкодь: быттьӧкӧ уна дас трактор ӧзтӧмаӧсь фараяс да веськӧдӧмаӧсь вывлань, посёлок весьтӧ. Домень гӧгӧрвотӧма видзӧдліс ныв вылӧ. Зоя чӧвтліс жӧ синсӧ сылань. Сьӧд вуджӧрӧн сулалысь вӧр весьтын кыаыс талун и збыльысь вӧлі торъя югыд, кутшӧмӧн сійӧс некор на эз адзывлы. Но ныв, тыдалӧ, вӧлі сэтшӧма кынмӧма, мый негораа серӧктыштіс, суйис нырсӧ пась пытшкас.

Дзик нин катице дорӧ воигӧн кутісны кывны налы паныд локтысь вӧлаяс. Найӧ кайисны трассакӧд орччӧн мунысь вӧла туй кузя. Машиналӧн фара биыс ылісянь югдӧдіс найӧс. Вӧлаяс вӧліны нель кымын доддя. Медводдза доддяс катӧдісны ылӧдз чурвидзан сойяса кутшӧмкӧ машина, бӧръяясас вӧліны йӧз.

Домень эз вермы терпитны: сувтӧдіс машинасӧ, лӧньӧдіс мотор шысӧ, юалис:

— Кытчӧ гӧнитад? Мый катӧдад?

— ...машина!— муртса бӧръя кывъясыс воисны трактористӧдз.

— Кутшӧм машина?— эз гӧгӧрво Домень.

— Пӧжарной!..

Вӧлаяс гӧнитісны водзӧ.

— Пӧжарной машинаясӧн сиктысь кайисны,— Зоялань бергӧдчис Домень.— Лымйыс али мый ӧзйӧма базаас?

Сэки найö кыкнанныс вылысь видзöдлісны енэжын ыпъялысь кыа вылö. Öнi нин позис казьявны: база весьтын вывлань кайис сьöд тшын.

— Кывлін, Зоя?

— Мый?

— Базаын пöжар! Аддзан сьöд тшынсö? Дзик бара мастерскöйным сотчö.

И сэки лоис виччысьтöмтор: то ли Домень друг босьтис ыджыд скорость вылын, то ли нетшыштис крута составсö, но кыкнанныс кылісны, кызди бөрвылын мыйкö гузьмуні. Состав эз вөрззы места вывсьыс.

— Ноко, видзöдлы,— тшöктис Зоялы тракторист.

Ныв лэччис машина вылысь, саялі водза додьяс сайö. Здук мысти Домень кыліс, кызди Зоя горöдіс:

— ...у-увт!..

— Мый лои?— машина вывсьыс чеччыштис Ульныров. И пыр жö аддзис: коймöд доддыс киссьöма. Моторыс машиналөн лөнис.

«Авария!»— визьнитис юрас трактористлөн.

## 20

Пöжар кусі асьядорыс. Сиктсаянь воысь машинаяс отсöгөн пöжарлы пасьяканы эз лэдзны, көть эськö орчча гаражлөн да мастерскöйлөн вевтыс кытсюрö заводитліс нин тшынавны. Гараж местаö колины тшыналан кер помьяс, сьöдöдöм ыджыд гуран. Сэтысь кодзыд сынöдö кыпöдчис еджыд ру.

Мыйён сöмын пöжар кусі, и опасность лои вештöма, Вурдов да Дёмин мунісны контораö.

Став сертиыс тыдаліс: Дёмин шöйöвошöма. Толькö на сылы висьталісны — Ульныров вöчöма авария.

Дмитрий Ильич ветлөдліс джодж кузя öтарö-мöдарö, надзöникөн лэдзалис кывьяс:

— Биыс пытшсянныс. Тыдалö, кодкö трактористьяс пиысь асьныс бинас кыздсюрö вöдитчисны...

— Нинöм öг тöд... Дерт, ачыс биыс эз ло.— Павел Егорьевич то кутчысьліс кияснас юрас, то видзöдлывліс Вурдов вылö. Сылы ставыс на вöлі гөгөрвотöм: кысаян, кызди лои тайö пöжарыс?

Пырис Ермолин. Сылөн синьясыс вöліны мудзöсь, чужöмыс сьöд.

— Но, механик ёрт!— сы вылө уськөдчис Дёмин.— Вай висътав: кызди мян ставыс лои?

Механик чөв оліс.

— Ме тэнсыд юала!— гөлөссө кыпөдіс Дёмин.— Коді медбөръяыс вөлі гаражас?

Позис адзыны: Ермолин муртса сулаліс көк йылас. Сылөн сырмис став тушаыс. Степан пөрччис шапкасө, мөдіс чабрөдлыны киас. Синъясыс мудзөсь. Паськөмыс висъталіс: сійө пыр на тышкасьөма бикөд.

— Ог төд,— бура дыр чөв олөм бөрын шуис механик.— Талун мастерскөйын дежурнөй слесарнас вөлі Пэпвасев...

— Кутшөм Попвасев?

— Левонь... Леонтий Иванович Попвасев,— веськөдчис Ермолин.

Вурдов лөсьөдчис нин петны, воськовтіс өдзөслань, но сэки воссис өдзөс, пырис Домень да, өдзөссө пөдлавтөг, сувтіс Вурдовлы паныд.

— Мый висъталан, Ульныров ёрт?— тракторист вылө сюся видзөдліс Вурдов.

— Ме... менам авария...— заводитліс Домень, но видзөдліс Ермолин вылө да ланьтіс.

— Төдам,— скөраліс Дёмин.— Авариятө, шуам, позьө веськөдны. А вот гаражнымөс сотім, дай мастерскөй муртса эз сотчы. Шуоны: тэ пө медбөръяөн гаражас вөлөмыд?

— Асывнас ме петкөді сесь тракторөс,— эз соссы тракторист.— Но биөн ме эг вөдитчы. Нинөмла вөлі биыс.

— Сідз...— нюзөдіс Павел Егорьевич.— Дерт, өні некод абу мыжа; ни механик, ни ті, трактористъяс... Мыжасыс, тыдалө, ме...— и видзөдліс Ермолин вылө.

— Павел Егорьевич!— шыасис Дмитрий Ильич.— Нинөм тані весь больгыны да няргыны. Дерт, ачыс эз оэйы. Көлө төдмавны. Чукөртлам луннас собрание кодьөс мастерскөйын, сёрнитам. А өні көть неуна шойччыштны колө...

Директор ордыс Ермолин да Ульныров петісны өтлаын. Сёрнитны нинөмтор йылыс эз вөв окота.

— Пырала тіянө, видзөдла Макарөс,— шуис механик, кор воисны Доменьяс олан барак весьтө.— Муртса эз сотчы тэнад другыд... кывлін?

Макар куйліс крөвать вылын. Став чужөмыс сылөн

вөлі бинтуйтөма. Крөвать дінын пукаліс Шомысова. Сійө видзөдліс пырысьяс вылө, лөсьөдыштис куйлысь вылысь эшкынсө, сувтіс. Макар заводитліс пуксьыны, но Дуня эз лэдз, бөр водтөдіс, шуис стрөга:

— Куйлы. Тайө — Домень да Степан...

— Ерунда ставыс!— шуис Макар да мырдысьөн моз чеччис.— Пельшөр көрталіс, вөрны эз тшөкты. Ичөтика зөлитыштө сөмын.

— Куйлы, куйлы!— мөд пөв чорыда шуис Дуня да кинас мырдысьөн личкис трактористөс вольпась вылө.

— Кыдзи рейсыд, Домень?— юаліс век жө Макар.

— Лёка. Муртса на воим...— но нинөм эз висьтав авария йылысь.

Степан да Дуня мыйкө дыра мысти петісны том йөз оланінысь.

— Радлан?— серөктөмөн моз шуис Ермолин, кор найө петісны улича вылө.

— Мый вылө?.. Не радлыны, а бөрдны колө. Убыткаыс мыйта!

— Тайө убыткаыс тэнад зептө оз инмы!

— Зептыд мый! Ми кузя ставыс тайө кучкө... миян ним кузя.

— Нимъясныд тіянлы и дона!..

— Степан!— Дуня сувтіс, видзөдліс верөсыс вылө.— Кыдзи тэ сёрнитан? Мый ме — лёкөс көсья тэныд?

— Ме ог на төд, мый тэ көсьян... Но тэнад воөм бөрын мыйлакө менам... ставыс мөдар путкыльөн мөдіс.— Степан волнуйтчис, и сійө лои жаль Дунялы. Босьтіс киөдыс верөссө, видзөдліс сылы синмас, небыда шуис:

— Мун шойччышт, Степан. Видзөдлы ас вылад: нырыд сөмын мөдіс чужөм вылад кольны. Өтнадөн ставсө он бергөд. А тэ өтнадөн көсьян. Ставлы өтвылысь колө, сэки и төлк лоө...

Ермолинлөн, тыдалө, нормыштіс сьөлөмыс тайө мелі кывъяссьыс. Сійө мөд ногөнджык нин видзөдліс гөтырыс вылө, веськөдчис гортланьыс.

Лым юж вылын гөгөрын төдчисны сьөд кок туйяс. Кыр йывсянь пыр на өвтіс тшын дук. Посёлокын некод некөн эз тыдав: тыдалө, быдөн на шойччисны войся кусөдчөм бөрад. «Чөртыс төдас, кыдзи ставыс лоис,— ду-

майтис Ермолин гортас пыригөн.— Кысь öнi кок туялан, кор ставыс нин эштöма».

Степанлы жаль лои и гöтырыс. Збыльысь öд: сийö бöрья луньяссö пыр сöмын дöзмöдiс Дуняöс. И чöртыс тöдас, код сэтшöм Тшаковыс. Мыйкö тай кань кодь мелi, сiдзи и быттьö выйöн мавтыштны кöсийö.

21

Быд мортлөн, тыдалö, аслас олöмын овывлвö сэтшöм тшупöд, кор сийö асьсö заводитö аддзыны выль ногөн. Сэки кутас кажитчыны, мый сыöдз овсылöма челядь вежөрөн на, сiдз-тадз, олөм вылас кокныдыка видзöдöмөн.

Доменьлөн олан туйсö вуджан татшöм тшупöднас лоины бöрья луньясса лоөмторьясыс. Друг сылы аслыс кутiс кажитчыны — öнöдз овсылöма челядь вежөрөн. Нинöм йылысь торья эз тöждысылы, ыджыда эз думыштыль. Олiс да олiс — кадсö коллялiс. Медтыкö аслас уджыс вöли бур, медтыкö ачыс йöз водзын нинöмөн лөкөн эз пет. Öнi Домень кызкö друг гөгөрвоис: сийö абу нин ичөтик челядь, абу куш ас вöснаыс тöждысысь, а уна мукöд ас коддьöмьяскöд öтув олысь, öти ыджыд удж вöчысь. Сийö вөлөм тшöтш кыв кутö ставсысь, мый керсьöвöчсьö сы гөгöрын. Быдөнкöд сийö вөлөм йитчöма öти топыд гөрöдö.

Вöлисти сылы лоины гөгөрвоанаöсь батыслөн кывьясыс, кодьясöс сийö шуис сылы воддза воас, кор Домень курсьяс помалөм бöрын да ыли Украинаö экскурсияөн ветлөм бöрын базаö кайтöдз кежалiс гортас. Гортысь мунан лун асывнас батысь пуксьöдiс Доменьöс аслыс паныд да висьталiс сэтшöмторьяс, кодьяс йылысь ачыс эз на думыштчывылы, кöть эськö олiс нин кызь арöсöдз. Батысь висьтавлiс сылы:

— Кывзы, муса пиук, да ньöтчыд эн вунöд сийöс, мый ме öнi висьтала. Тайöс öд некутшöм школаясын оз висьтавны. Гашкö, тайö лоö менам медбöрья висьталөм тэныд, медбöрья велöдöм. Ми — пöрысьсöсь нин, а тi томöсь, муртса сувтад ашшөр туй вылö. Ми олөмсысь лöсьöдчам муны, а тi кыкнан кокнаныд сувтанныд сылөн паськыд туй вылö. Важөн миянöс велöдлiсны: ставыс енсянь, быдөн олам мöдарьягыдын помасьлывтöм бур олөм вöс-

на. Өні тадзи оз велөдны. Өні тшөктөны таладор югыдас кужөмөн да вежөрөн овны. И тайө — збыль. Ме коркө том жө вөвлі. Менам коркө вөвлі жө збой сьөлөм, ыджыд көсийөм. И тэ төд, мый менам артмис, мед не тальяны менсым туйсө.

Доменьлөн батыс лантыштліс, видзөдліс пиыс вылө, сьөкыда ышловзис.

— Батылөн ме өтка пиөн жө вөлі, кыззи тэ төдан,— водзө нуөдіс батыс.— Но сэки эз вөвны өнія кодь велөдысыс. А батыс миян этша аддзылісны бурсө. Өдвакө весиг кывлісны сы йылысь. Коді төдас, кыззи да мыйла өні йөзыс вежисны. Тыдалө, сы вөсна, мый унатор аддзылісны, унатор видзөдлісны. Эз өд прөстө кык война вылын вөвны ми вок коддьөмыс. Шуд! Мыйсө ми эг думайтлө сы йылысь! Мыйсө эг вөчлө, медым сійөс корсыны. Сөмын тай ылын сійө вөлөма, и ньөтик абу сәні, кытысь ми корсим пемыд пөнарөн. Ми вежавлім Лука Опоньлөн олөм вылө, көсийөм овны сы моз жө. Вежавлім сійө керка-коромина вылө, гырысь томаньяса жытникьяс вылө, мельнича вылө. Нәм-чөж аслам жытникө ме вөчи ёнысь-ён өдзөс, но нянь йөртөдьяс некор эз тырлыны. Унаысь менам нянь йөртөдьясын шырьяс кувлісны: нинөм налы, тыдалө, сәні сөйнысө вөлі. Менам картаысь гырысь мөсьяс да паськыд задьяса өшьяс эз жө петавлыны. И ме шуа: некор эн вежав сэтшөмтор вылө, эн вежав. Ов аслад сьөлөмөн, кывзысь бур йөзыслысь. Лөк йөзыд өд этшаджыкыс, а унджыкыс век жө бур. Ло веськыдөн аслад олөмын, ньөтчыд эн зіль гудрөдлыны, мед оз ковмы повны видзөдны веськыда мукөдьяслы синмас. Мед ас вөснаыд оз ло яндзим. Мун сэтчө, кытчө сьөлөмыд кыскө, кытчө өні велөдөны. Өтитор жалита: пөрысь нин ме. Ок, эськө вылысь заводитны олөмсө, эськөн бөр бергөдны көть кызь вит во!..

Батыс быттьө ставсө тайөс Доменьлы дзик на өні висьтавліс, ставыс лои син водзас. Кажитчө, весиг гөлөссө сылысь кыліс, и пөрысь мудз синьясыс видзөдісны пиыс вылө. Видзөдісны эз лөкысь, а муртса-муртса дивитана. Ылын вөлі өні тасянь Доменьлөн батыс, эз вермы аддзыны да төдны писө. Оз аддзы сійөс и вокыс, Өлексейыс, коді муніс Сыктывкарө рабфакө велөдчыны. Эськөн, сійө кө вөлі, то унатор на кужис висьтавыны ичөтджык вокыслы: сэтшөм өд сюсь быдтор гөгөрвоны, унатор аддзыны.

Домень ичотысянь көсйис лоны ыджыдджык вокыс кодь, сійө көсйыліс ачыс весавны аслыс олан туй ордымсө, лоны Дмитрий Ильич кодь вежөраөн, ыджыд сьөлөма мортөн. Эз вөв лөсыд Зоя водзын: сэтшөм обязательствояс босьтисны, көсйисисны уджавны бура, и со колоннаын сылөн авария лои медводз.

Доменьлөн сьөлөмыс висис и сы вөсна, мый тайө пөжарсыс мыйкө мында мыж эм и сылөн. Зіліс казътывны ставсө, мый вөчис сійө тракторсө гаражыс петкөдігөн. Быттьөкө, биясөн эз вөдитчы. Пөжарыс өд лои рытнас нин, кадыс трактор босьтөмянь коли ыджыд. Сідзкө и сёрниыс сы йылыс оз вермы лоны. Да, сэки Макар да Левонь сувтөдісны трактор гаражө, и Попвасев көсйисис Макарлы видзөдлыны тракторсө. Кажитчө, Домень эз и игнав гаражсө, колис ключсө Левоньлы. Помнитө весиг, кызди сійө колльөдіс гараж өдзөс сайөдз да горөдіс бөрвывсянныс:

— Бура ветлыны тэныд!..

И вот, татшөмтор... Қоді тайөс вермис виччысьны?

Пөжар лои ыджыд событиөн базаын. Гашкө, та вөсна и Доменьлөн авария йылыс сёрнияс вөліны этша. Да и ыджыд-ө авария! Ачыс жө веськөдіс ставсө, но өти рейс век жө ори. Зато Макар өні лои быдөнлөн сёрниын: абу повзьөма биө пырны, петкөдны сесь машина. Дзик эськө вермис сотчыны. Механикыс пө сэн жө вөлөма, но нинөм абу вермөма вөчны.

И ещө өти вьльтор кывсис базаын: пышйөма лавошник Тшаков. Сдайтөма пө ревизия бөрын ключьяссө ОРС-ө да ачыс мунөма не то гортас, не то лэчөма районө. Та йылыс налы висьталісны мастерскөйын собрание вылын.

Собрание вылыс мунігөн Домень лоис орччөн Левонькөд.

— Но, мый? Пывсьөдыштисны ми вокөс?— жерьялан вомөн серөктіс сійө да гажа синъясөн видзөдліс Домень вылө.

— Тэныд нимкодь?— крута орөдіс сійөс Домень.

— Мыйла нимкодь?— падмис Попвасев.— Бөрдны ог жө кут дай.

— Эк, тэ!— нюжөдіс Домень да көсйис мыйкө ещө шуны, но кутчысис.

— Мый эн помав? Шу!— серöктис Левонь.

— Шуи эськө да...

— Повзин?

— Эг. Повнысö дзик нинöмла. Сийö öд тэнад другъ-ясыд со полöны!

— Кодъяс сийö?— гөгөрвотöм улö лэдзчысис Левонь.

— Тшаков другыд тай со пышйöма...

— Пышъян öд, быд няйтсö кö мөдасны лэптыны тэ вылö. Ти со гараж сотид да нинöм, а сийöс мыжтöгыс мыжавны кутисны. Эн пов, правдатö сийö корсяс. Ылөдз оз на ков ветлыны. Районöдз сöмын. Сэни сылөн другъясыс уна.

Домень первойсö пель пырыс моз лэдзис воддза кывъ-яссö гараж сотöм йывсьыд, а сэсся вежөртіс да юалис:

— Мый? Мый тэ шуин? Ми гараж сотім?

— Дерт, эн тэ... Но кодкө öд мыжа жö... Ермолин, Дёмин...

— Да тэ жö ачyd сийö луннас сэни лунтыр уджалін!

— Мый нö, чайтан ме öзті?— друг бергөдчис Левонь.

— Гашкө и эн тэ, но биыс ачыс эз ло.

— Да тэ веськыда шу: чайтан, ме öзті? Мыйла та йылысь собрание вылын эн лысьт висътавны?— югнитисны Левоньлөн скөр синъясыс.

— А ме вот думайта: мыйла Тшаковыс сэтшöм öдйö пышйис.

— Сийö пöжарөдзыс на мунис. И эз пышйы. Оз позь сідзи мортöс весь травитны.

— Честнöя кö уджаліс, некод эськө нинöм эз шу.

— Тайöс колö на докажитны. Ревизияыс нинöм абу аддзöма.

— Но, Тшаковыд абу сэтшöм йöй, мед помъяссö эз куж дзебны... Нинöм, ставсö тöдмаласны. И кызди Пырöйыд маклачитіс, кызди пöжарыд лои. Локтöны нин пö районысь следовательяс.

— Но, но! Медъя и тöдмаласны. Наперво тай Ермолинлы сюрыштас-а. Зэв нин сылөн том гöтырыс... начальникавны тані заводитіс. А коді сийö ачыс?

— Но тэкөд!— шеныштіс кинас Домень.— Төдчö, мый Тшаковкөд другасин: сы кывъясөн жö сёрнитан...

— Некод кывъясөн ме ог сёрнит,— скөрмис Попвасев.— Менам и аслам кывйöй на бертласьö, абу лыысь.

— Тöда: кыв вылад тэ востер...

«Мыйкө зэв нин дөрйö Тшаковсö,— öтнас кольöм бö-

рын думыштис Домень.— А мый сәні и шензянаыс: первой другъяс вөліны. Кымынысь сійөс Тшаков другыс юктөд-ліс».

Паша, Левоньлөн гөтырыс, бөръя кадас верөсыслысь кутіс казавлыны уна гөгөрвотөмторъяс.

Отлаасисны найө тані нин, базаын. Неыджыд тушаа, косөдіник, гырысь съөд синъяса, Левонь том дырйиыс вөлі зэв шань морт. Гөтрасьөм бөрас на сійө пыр муніс бур уджалысьяс лыдын, көть нинөмөн ёна эз торъяв мукөд слесарьясысь. Вежсис сійө кызкө друг, Тшаковкөд другасыны заводитөм бөрын. Левонь частөджык да частөджык кутіс воливлыны гажа юрөн, но деньгасө гортас вайліс ставнас. Сэсся деньгаыс гортас воны кутіс пыр этшаджык.

— Уджйөзъяс мынталі,— правдайтчис Левонь яндысьөмөн моз гөтырыс водзын. Дырөн и тайө яндысьөмыс быри.

— Мый коліс, сійөс и вайи,— горөдлывліс гөтырыс вылө.— Ачым најөвиті, ачым и видза, кытчө меным колө.

Кор на комсоргнас вөлі Ермолин, Паша некымынысь ветліс механик дінө норасыны верөсыс вылө.

— Сёрнитла, сёрнитла ськөд,— пыр көсйысьліс Ермолин, но нинөм эз вөчлы, тыдалө.

Паша кутіс казавны: мукөд дырйиыс Тшаковыс и денегатөгыс сетө верөсыслы винасө. Эз нин кут лоны рыт, кор эськө сійө гортас садьөн воліс. Паша бурөн и лөкөн заводитліс сёрнитны мужикыскөд, но нинөм эз вермы вөчны. «Дзыкөдз, тыдалө, тшыксис, лоө торйөдчыны»,— шуис өтчыд Паша. Лэччис сиктө, мамыс дінө. Но кор чужис кага, Левонь ачыс локтіс сы ордө, ёна корис бөр кайны базаө. Паша кывзысис.

Збылысь, верөсыс мыйкө дыра кутчысис. Но регыд ставыс бөр заводитчис важ моз. Нинөм бурыс эз ло и Дуня Шомысовалы норасьөм бөрын. Левонь сөмын видіс Пашаөс.

Өтчыд Тшаков локтіс на ордө, кутіс видны Шомысваөс, серавны Ермолин вылын. Пашалы тайө ёна эз во сьөлөм вылас да шуис Пырөйлы:

— Мый тэныд Шомысоваыс лёксö вöчис?

— Эн суй быдлаö ныртö!— гöтырыс вылö горöдiс Левонь.— Некутшöм делö тэныд миянöдз абу. Тöд ассыд местатö!— индiс кинас кага вылас.

Сийö рытас Паша бара на аддзылис öтлаысь лавошникöс да верöссö. Найö мыйлакö лэччылисны мастерскöй горулö, вошлины пывсян сайö.

«Мый сэн пемыдас кыйялöны?»— думыштис Паша. Кöсйис сёрнитны верöсыскöд, но Левонь эз и волы гортас. Бөрвылас нин кывсис: лавошник сийöс войбыд юкталöма. Но прöстö öд мортыд оз юктав,— коркö ковмас и мынтысьны!

Пöжар дырйи Паша дыр корсис Левоньсö.

— Код тöдас, кöни сийö шöйтö!— шуис Ермолин Пашалы, кор юалис верöсыс йылысь.— Менам син улö эз веськавлы.

Левонь локтис гортас пöжар кусан дорыс нин. Паськöм сертиыс оз позь весиг вöли шуны, мый сийö вöли пöжар вылын.

— Кöни тэ вöлин?— юалис Паша.

— Кöни вöли, öни сэни абу,— коса вочавидзис Левонь.— Сёйыштны мыйкö эм? А то бара удж вылö мунны.

Сы серти, кызди верöсыс кутiс асьсö бөрья луньясас, Паша думайтис сы йылысь мыйкö лёктор, кöть и эз лысьт шуны та йылысь ни аслыс, ни верöсыслы. Но век жö сэсса смелмöдчис да шуис:

— Бурö оз вайöд тэнö лавошникыдкöд другасьöмыд. Вот аддзылан!

— Но, но! Том на зэв велöдны менö!— кызди и пыр, горöдiс сы вылö Левонь.— Корсь сёйны, сийöс тöд.

Левонь мунöм бöрын Паша босьтис идравны тувйысь верöсыслысь костюм гачсö. Пашалөн некор эз вöv мода: видлавны сылысь зепьяссö. Но öни мыйлакö кийс ачыс пырис гач зептас. Ки улас сюри куснялöм бумага.

Паша паськöдiс сийöс да лыддис. Сэни вöли гижöма:

«Левонь! Ме талун муна. Мый тшöктыли — быть вöч.

Уджйöзыд мед кольö тэ сайын. Коркö артасям. Ставыс тэ сайын — 300 шайт. Эн вунöд».

Паша эз тöд гижысьыслысь кисö, но сийöс повзёдiс тайö «300 шайтыс». Дерт, көнкö, лавошник гижö. Сы мында нин уджйöза Левонь, сiдзкö? Мыйöн да кор кутас мынтысьны? Ставсö, көнкö, юис.

Сэсса вöлисти думыштчис бурджыка. Мый тшöктö ла-

вошникыс вöчны мужикыслы? Верöсыс вöсна полöм кыптис Паша сьөлöмын. Ачыс оз на вермы шуны, мыйысь петис тайö полöмыс, но сьөлöмсö мөдис йирны. Кодкөд сёрнитлыны? Паша пасьтасис нин, мед мунны Вурдов либö Шомысова динö, но бөр пөрччысис.

Аддзём гижөдторсö Паша нарошнö пуктис пызан вылö, мед Левонь аддзас локтёмөн тшөтш.

Сидзи и лои.

— Тайö кытысь?— юалис Левонь, мыйөн сöмын пуксис пызан сайö да аддзис гижөдсö. Паша казялис, кызди повзис Левонь.

— Джоджысь тай лэпти,— веськодя вочавидзис Паша. Левонь кватитис гижөдсö, чабралис тэрыба, суйис зептас, и вöлисти нин юалис:

— Лыддин?

— Лыдди. Кор лавошникыслы сы мында уджйөзсö вöчин? Гортö тай мыйкө нинём эн вайлы. Кызди да кор мынтысьнысö кутан?

— Абу тэнад делö. Мынтыся,— буркнитис Левонь да заводитис тэрыба панясьны.

Паша пуксис сылы воча.

— А гашкө мынтысин нин?— юалис сийö.

— Кызди мынтыси? Мыйөн?— панясьömсьыс весиг дугдис да юрсö кыпөдис Левонь.— Мый тэ сöран?

Но Паша эз повзы, веськыда видзөдис верöсыс вылö. Ас пытшсьыс öнi сийö друг кылис сэтшөм вын, мый повзөдны сийöс некод эз вермы.

— Ог сөр, Левонь!— чöрыда шуйс Паша верöсыс вылö важ моз веськыда видзөдиг.— И тэ ачыл тöдан тайöс. И ме тöда, мыйөн тэ мынтысин. Ок, донтөм тай вөлөм сулалан! Куимсё шайт!

Левонь шыбитис паньсö джоджö, сувтис.

— Мун да висьтав!— лёкысь горөдис сийö.— Мун, сөр! Лөсьөдлы мужикыд вылö. Эк, тэ! Ачыл ещö шуан: радейта!

— Сидзкө, тайö збыль?— синъяссö паськөдис Паша.

— Мый — збыль? Мый?

Зык вылас садьмис и кагаыс. Паша мунис сы динö, босьтис морöс бердас.

— Тэ та йылысь думыштлин? Пи йывсьыд?— кага мездорөн нин шуалис Паша.— Сидзкө, збыль?

Тыдалö, Левонь думыштитис, мый гөтырыс гашкө и нинём на стöчасö оз тöд да лөньыштитис, зилис босьтны асьсö

киас. Сійö локтіс гөтырыс дінö, кутіс сывйöдыс, пуксьöдіс пызандорса джек вылö.

— Тэ и веритін?— меліа нин шуаліс сійö Пашалы пельпомöдыс малаліг. Но Паша кыліс, кызди верöсыслөн тіралісны киясыс.— Эн пов. Нинöмөн ме эг мынтысь. Код төдас, кытысь та мында уджйöзыс лои. Тыдалö, ичötиканад чукöрмис. Мынтыся, Паша. Бурджыка кута уджавны, и мынтыся. Ме жö, Пашенька, комсомолец, кызди ме верма лёктор вöчны? Мый нö, он верит меным?

Но Паша эз нин эскы. Сійö аддзис, кызди синъяссö бокö вешталіс верöсыс, кызди сылөн тіралісны паръясыс.

Паша вештіс верöсыслысь кисö пельпом вывсьыс, сувтіс.

— Тырмас! Ог көсйы сэсся ме мучитчыны тэ дінын. Талун жö муна!

— Кытчö?

— Мам ордö. Эз нин ков төндзинад локны. Йöй ме, кывзыси...

— Ачыл төдан, ме ог кут,— жаль петкөдлыны зільöмөн вочавидзис Левонь да бөр пуксис пызан сайö.— Вай ещö, мый тэнад сэн эм...

«Мед ветлас тайö лун-войсö,— думыштіс Левонь аслыс.— Мыйкö ещö думыштас да збыльысь кодлыкö висьталас. Дыр оз ов мамыс ордын, ачым бөр вая». Левонь эз на төд, кызди гөгөрвоис да мый төдö гөтырыс, та вöсна решитіс лэны меліджыкөн. «Сэні тыдавын кутас!»

— Нö, но, эн бөрд! Нинöм на некодлы лёксö ме эг вöч!

Но Паша верöсыслөн синъяс сертиыс аддзис: сійö ылöдлö...

## 23

Базаö воис Карелияса вөр лэдзысьяслөн делегация. Гөстьяс вöліны куимөн — ыджыд сьöd пася нывбаба, Карельскöй республикаса правительствоса член, делегацияөн веськөдлысь; латшкөсіник тушаа том зон, тракторист; коймöдыс — дженьыдик виж пасьпинжака, сера галифе гача, кучик көмкота косөдіник мэрт. Тайö финн, уджаліс Карелияса вөръясын жö, эз сёрнит рочнас.

— Хува, хув!— пыр öтмоза шуаліс сійö баракъясö пыралөм бöрын, мастерскöйын, кер тыра тракторнöй додьяс видлаліг.

— Мый сійö висьталö?— юасисны нывбабалысь.

— Зэв пö бур,— висьталіс сійö.— Тіян пö вөръясыд бурöсь, оланінгяс гырысьöсь. Ошкö.

Дмитрий Ильич Вурдовлы тайö гөстьясыс лоины неуна виччысьтöмöсь. И, пöжалуй, не сэтшöма виччысьтöмöсь, кызди не ас кадö воисны — неуна водзджык на. Көть база уджын и лои кутшöмкö перелом, но век жö тракторгяс уджалісны ылöдз на эз тырвыйö. Коліс ещö выныштчывны, зэлöдчывны, кыпöдны том йöзлысь водзмöстчöмсö, а сэсся нин вöлисти петкөдлыны ассыныс уджнысö гөстьяслы. Но нинöм он вöч: воисны кө нин, то бөр он ысты. Мөдарö, и гөстьяслысь воёмсö колö бергөдны сы вылö, медым бырöдны тырмытöмторгяссö уджын, найö пример да кывгяс вылын кыпöдны том йöзöс лунысь-лун бурмөдны уджнысö.

Нинöм соссыны: бөръя событияс торкисны Вурдовлысь плангяссö. Но, кызди шулывлöны, бурыс лөктөгис, тыдалö, оз овлывлы. Став сертияс тöдчис: тайö пöжарыс ачыс эз ло, вöчис сійöс кодлөнкө ки.

Зэв лои виччысьтöм Тшаковлөн базаысь тэрмасьöмөн мунöмыс. ОРС-ын Вурдовлы висьталісны: кутшöмсюрö «грекгяс» лавошник сайын тыдовтчисны. Но нинöм на абу адзöма сэтшöмсö, мед эськө сійöс мыжавны. Тшаков пö ачыс шыбитіс ключьяссö ревизия бöрын, эз кырымав актсö, муніс районö. И со — магазин коймөд лун пöдса. Уджалысьяслы нянь вузалöны веськыда пекарнясыс, столөвöйлы прöдуктаяссö лэдзöны складысь. Но öд тазди дыр кыссыны эз вермы. Гөстьяслы сідз нин лои висьтавны, мый магазин пöдса, лавошникыс висьö. Дмитрий Ильичлы ковмис звөнитлыны районö, корны сэсь прокуратураса уджалысьясöс, мед корсыны пöжарлысь помкасö, öдйөджык решитны магазин кузя делöсö.

Дмитрий Ильичлөн нинöм эз артмы и Дөминкөд. Инженернас — инженер, а машинаысысь полö. Та йылысь Павел Егорьевичкөд сылөн вöлі ыджыд сёрни. «Ок, кутшöма миянлы колöны том инженергяс!»— думайтис Вурдов. Гижис та йылысь трестö. Сэсянь вочавидзисны: инженергяс вылö надейтчыны нинöмла, найö öні быдлаын оз тырмыны. «А кысь ми найöс тані босьтам?— думсыс видіс трестса уджалысьясöс Вурдов.— Мыйла унджык том йöзöс велөднысö оз ыстыны? Мед корасны миянлысь йöзсö. Ми эськө сетім. Позис, шуам, рабфакö мөдөдны Ульныровöс, а сэсся эськө и институтö муніс. Видзөдан

да, вит-квайт во мысти инженерён воас. Вит-квайт во мысти? А сэтчөдз? Инженерыс өд налы талун колө».

Гөстяс вөчисны обход: волісны баракъясө, столөвөйө, мастерскөйө. Пөжар йылысь нинөм нин эз висьтав: ставсө вевтис усысьс лым. Мастерскөйын гөстяс нимкодясисны выль универсальнөй станокөн, кодлөн бокас вөлі гижөма «ДИП». Финныд аддзис тайөс, нюммунис да шуис:

— «ДИП». Догнать и перегнать!— и ачыс гажаа серөктис да певсө веськыд кисьыс лэптис вывлань. Тыдалө, сийө эз виччысь аддзыны тась татшөм станок.

Сэссия вөв додьясын чукөрөн кайисны вылыс катищеөдз. Гөстяслы сьөлөм выланьс воис погрузочнөй площадка.

— Бур, бур,— ошкис Турбылевөс воысь нывбабаыс.— А сөвтчан-ректысян уджъяс йывсьыд век на жө омөля думышлөмныд. Миян мыйсюрө механизируйтөма нин... Миян и тракторнөй додьясыд ставыс нин выль ногаөсь, кокниджыкөсь дай бурджыкөсь...

Мастер пыртис найөс пөрөдчысьяс динө. Гырысь пожөмъяс вылө чатрасиг финныд кутис мыйкө аслас кыв вылын висьтавны нывбабаыслы.

— Код төдас сийөс: видө али сералө ми вылын!— шуис кодкө уджалысьяс пөвстысь.

— Оз серав, оз,— бергөдчис сылань нывбабаыс.— Ермиля ёрт шуө: бур пө зөв вөрыс. Татшөм вөрад пө любө и уджавнысө. Ермиля ёрт көсийө төдны, кымын фестметрөн лун пөрөдөны йөзыс.

— Фестметрөн?— эз гөгөрво Турбылев.

— Но, либө кубометрөн. Миян фестметрөн лыддьоны — плотнөй кубометрөн,— висьталіс нывбабаыс.

— Коді кыдзи. Коді сизим кубометр, коді и дасөдз,— висьталіс Турбылев.

Гөстяс локтисны Игнатов динө. Сийө уджаліс кокниа. Лучкөвөй пила сідзи и ворсіс сы кыин. Финныд бара мыйкө шуис нывбабаыдлы.

— Көсийө видлыны пөрөдны өти пу,— висьталіс нывбабаыд.

Игнатов чургөдіс лучоксө. Финныд видзөдліс гөгөрбок, видліс чунынас пилалысь пиньяссө, довкнитис юрнас: бур пө. Сэссия пөрччис вивсьыс пасьпинжаксө, матыстчис неылын сулалысь мичаник пожөм динө. Таляліс гөгөр лымсө, копыртчис. Колис өти здук, и кузь пожөм грыпкысис кын му вылө.

— Ермаля ёрт висьталё,— вуджодіс финнысь висьталёмсё нывбабаыс,— тайё вёрад пё позьё кызь кубометрөдз пөрөдны. Сөмын мед мөд морт увъяссё кералё. Миян важөн нин сідзи уджалёны. Увйысьёны унджыксё нывбабаяс. Ермаля ёрт со висьталё: найё гётырыскөд уджалёны. Ачыс сійё төлын и гожөмын вёрын уджалё. Төвнас пөрөдчө, а гожөмнас юяс кузя вөр кылөдө...

Делянкаысь петигөн финныд локтіс трактор дінө. Макар самөй вөлі видлалё ассыс машинасё. Моторыс, тыдалё, кыткө торксьёма. Ермаля локтіс тракторист дінө, босьтис Макар кыыс ключ, бергөдіс кыклаысь гайкаяс — вентилятор мөдіс жургыны өтмоза.

— Пойдөт!— рочөн шуис сэсся Макары да клопнитіс сійөс пельпомөдыс.

— Со мыйта и колө! А тэ ноксин час джын да эн вермы лөсьөдны!— серөктіс Турбылев.— Аддзылін?

— Миян Ермаля ёрт машинаястө радейтө,— висьталіс нывбабаыс.— Сійё миян коммунист. Финляндияысь воём рабочөйяс пөвстын ыджыд удж нуөдө. Öні вот шуө: коми вөр лэдзысьясыд пө бур уджалысьяс вөлөмаөсь. Накөд пө миянлы оз ло кокни ордйысьны.

— И миянлы оз кокни ло,— вочавидзис Вурдов.— Ми төдам: карелияса вөр лэдзысьясыд — бур мастеръяс.

## 24

Төвся асывводз. Сэзь, бушкала. Трасса кузя надзөник мунө сьөкыд трактор, ас бөрсяыс кыскө чукийөн тыр квайт додь. Кын муыс и матигөгөрсә вөрыс сыркакылө трактор шысьыс. Со моторыс здук кежлө быттьө лөньыштлис, шойчыштіс неуна, сэсся ыджыд өдөбөн босьтчис выль вынөн шыавны.

Трактор вылын кыкөнөсь: Домень да Зоя. Талун налөн кызьөд рейс. Ставыс кө лоө лючки-бур, то воасны кык сюрс кубометрөдз. Тайё абу нин этша. Домень эскө аслас машиналы, төдө: сійё оз подведит. Водзын кымын на татшөм рейсыс кузь төвбыднад, кытчөдз тувсовъя шонді туйсө оз тшыкөд. А сәні — отпуск, шойччөг. Домень сёрнитчис нин Зоякөд: гожөмнас, отпуск дырйи, Сыктывкарөдз ветлыны өтлаын. Думныс налөн — волыны Москваөдз, видзөдлыны Ленинлысь мавзолей. Но кыз на ещө артмас?

Доменьлөн съёлём вылас долыд. Ставыс, мый йирис съёлёмсө, коли бөрө. Дерт, эз и вермы лоны сёрни сылөн кутшөмкө мыж йылысь: да, гаражын сийө вөлі бөръя мортөн. Игналіс-ө — оз помнит. Кажитчө, ключсө колис Левоньлы. Да, аварияысь мыжа. Тыдалө, крутджыка босьтчис. Тадзи сийө и висьталіс собрание вылын. Тшакковкөд сийө унаысь сёрнитліс. Отчюд Тшаковыс вөзйис сылы костюм, но Домень откажитчис. Да, Домень төдіс: лавошник юктөдө быд лун комсомолец Попвасевөс. Но та йылысь некодлы эз висьтавлы, ни аскөдыс Левоньыскөд эз сёрнитлы. Мыйла, мися, сёрнитны сэгшөмторъяс йылысь гөтыра морткөд? Ачыс должен гөгөрвоны. Абу ичөт вежөра том морт, а семья, челядя бать.

— Аддзад, кызди ставыс өтилаө гартчө? — собрание вылын юалис пукалысьяслысь Дмитрий Ильич. — Быдтор төдам, но кивыль ог керөй сы могысь, мед велөдны да өлөдны ёрттө, коді кежөма веськыд туй вывсьыс. А Тшакков коддьөмъясыд ассьыныс пеж уджсө вөчөны. Первой гөститөдіс мортсө, а сэсся сюйис киас би, ыстіс пөжар вөчны, народнөй овмөс сотны, миянлысь уджнымөс торкны. Тадзи комсомолец Попвасев миян син водзын веськаліс враглөн киө. Таын миян мыжным. Ставнымлөн. И Доменьлөн тшөтш. А Степан Ермолин? Сідз жө другасьө Тшакковкөд, корсюрө и юыштлывлө отлаын, эскө сылөн быд кивлы, зато оз эскы гөтырыслы — комсомолкалы. Тайө Тшаковыс миян син водзын гусявлө да таргайтө төваръяс, а ми огө аддзө. Аддзад, кызди став делөыс миянлы паныд бергөдчис? А мый вөсна? Миян синтөмлун вөсна, миян төждысьтөмлун вөсна. Бур уджыд, другъяс, этша на. Колө лоны быд боксянь советскөй мортөн. Ми бертлам важыслысь колясьяссө, нетшкам кок увсьыныс кодсюрөлысь зумыд подуvsө, и нинөм абу дивөыс, кор тайө кодсюрөыс щөтясьөны, курччасьөны. Найө өд прөста оз көсийны сетчыны. Да и некор важыс выльыдлы прөстө оз сетчы.

Веськыд трасса кузя ылісянь на тыдовтчис паныд локтысь трактор. Тайө Макар кайө первой рейсө бурдөм бөрас. Молодеч Макар! Сетіс шыөдчөм комсомолө пырөм йылысь, корис босьтны комсомольскөй колоннаө. Сідзкө, сэні өні нель машина нин: базаса тракторъяслөн джынйыс. Ок, и уджавны кутасны өні!

Макар ылісянь на шенасьө кинас да кежө туй бокө вөчөм кытшовтасө.

— Бур туй тiянлы!— горзö сийö, кинас шенасиг. Домень кöть и оз велав кывъяссö, но тöдö: Макар шуис сылы буретш тайö кывъяссö. Мый нö мöдтор вермас шуны аслад другыд, кодкöд öтлаын да öтвылысь уджалан?

Макар горзö водзö:

— Тэрмасöй! Сэни Тшаков Порфирийöс батыскöд милициян районöдз лэччöдöны!

Но Домень эз велав и тайö кывъяссö. Сийö юалис Зоялысь:

— Мый ещö висьталiс Макарыс?

— Эг велав прамöясö. Мыйкö тай Тшаковöс казътылис.

— Тшаковöс? Кутöмаöсь, сiдзкö...

Трактор муно водзö. Домень бергöдö чужöмсö кодзыд тöвлы паныд, чышкыштö сийöс кепысь мышнас, серöктö гораа да шуö:

— Зоя! Мыйла меным сэтшöм долыд?

Ныв бергöдчö зонлань чужöмөн, тшöтш сералö. Ставыс жö сэтшöм гөгөрвоана!..

А посёлокын сэк костi и збылысь нималис выльтор: лавошникöс да сылысь батьсö, Джыдж Максимöс, милиционер лэччöдöма районö. Воöма тшöтш и следователь, арестуйтöма Леонтий Попвасевöс. Левоньыс пö ачыс ставсö висьталöма, кыззи гаражсö öзтöма.

Шомысова буретш вöли муно посёлок кузя, кор ОРС контора дiнтi нуисны Пырöйöс. Тшаков лöгысь видзöдлис Дуня вылö син бугыльнас да бергöдчис мöдарö.

— Сюрис мый корсин?— серöктiс Шомысова.— Ме сiдзи и тöдi: тэнад ставыс тадзи помасяс.

— Радлан?— векиштлис вомсö Тшаков.

Кöть сийö и зилис кутны асьсö збодера, но тайö сылөн эз артмы. Чужöмыс Пырöйлөн косьмöма, синьясас вошöма наянлуныс. Да и ачыс кызкö йöжгыльтчöма. «Казялин, мый сюрин!»— думыштiс Дуня. Эз, сийö эз радлы. Радлынысö татшöм морт усьöм вылын вöли нинöмла. Эз нин сийö этша лөксö вöчлы сылы дай мукöдлы. Öни Шомысова жалитiс нин эз Пырöйöс либö Левоньöс. Мый корсисны— сийö и сюрис. А жалитiс Пашаöс. Норасьлис öд сийö верöсыс вылö. Дуня ачыс сёрнитлис Попвасевкöд. Но ставыс сёрниөн и коли: Дуня эз вермы аддзыны колана мераяс кутны кисö Левоньылысь. И со— налөн семья торкис. Левоньöс, тöдöмысь, судитасны,

кызди Тшаковлы отсасъисъос. И таын Дуня асьсё тшотш лыддис ёна мыжаён.

— Ог радлы, Тшаков,— вочавидзис Шомысова.— Радлынысё нинём вылө: ми асьным мыжаёсь, та дыра эг вермө тэнö гөгөрвоны...

Тшаков асьсё збоя кёсийс кутны и водзö, но кор вайө-дисны тшотш Попвасевöс, öшөдис юрсö.

— Тырмас, Порфирий Тшаков!— стрöга шуис следо-ватель.— Делöйс ставыс тыдалана.

— Эг, ме эг тшöкты Левоньлы öзтыны гаражсö,— долис ассыс Пырöй.

— Кызд эн тшöкты?— усъкөдчис сы вылө Попва-сев.— Уджйöзтö пö вештыны колö. Эн шулы тайöс?

— Тайöс шулі.

— Эн шулы, мый тшынйыв колö лэптыны ставсö?

— Эг. Тайöс тэ лöсьöдлан!

— Эк, тэ!— Попвасев ырыштчис кулакнас Тшаков динö, но милиционер кутис сийöс.— Ме верма на и ун-джык висътавны: тайö Пырöйлөн батыс коркö Доменьлы балябöжас кучкис. Со, тайö!— индис Попвасев сэни жö сулалысь Джыдж Максим вылө.— Тшаков меным ачыс ошйысис. А батыс талөн войкостмысьт воylvліс пиыс ордö, төваръяссö мешöкъясөн новліс. А полка вылад сы-лөн пыр нинём абу. Меным ещö костюм на вельöс кёс-йысис сетны. Судзöда пö...

Тшаков пуксис пызан дорö, мыйкö дыра кежлö öшөдліс юрсö, но пыр жö бөр сувтис, веськөдчис. Синъясыс сылөн югнитисны.

— Лöсьöдлöй ме вылө... виöй!.. — скöрысь кутис шуавны гораа.— Менам батылысь став овмöссö, став эм-бурсö пыркөдисны, а öни сэсся ме вылө воисны... Öни тi ыджыдъясыс, тi и правöсь...

Кор Домень рейс бöрын воис посёлокö, Тшаковöс эз нин су: нуöмаöсь водзö.

— Кöни сийöс?— юалис Ульныров Шомысовалысь, кор адзис сийöс клуб дорысь.— Ме кöсья ськөд сёрнитны.

— Нинёмла!— вочавидзис Дуня.— Ськөд мукөдъяс нин сёрнитны мөдасны. Эн вунöд: талун комсомольскöй собрание...

Базаын олöмыс мунис водзö, кöть сэни и эз лоны кыкөн: Пырöй Тшаков да Леонтий Попвасев...

Тайо кадас медся сьокыд, гашкө, вөлі Степан Ермолинлы. Кыдзкө ставыс артмис сідзи, мый сылы медся ёна инмис. Степан сьокыда переживайтис Дунякөд торъя-лөмсө, пөжарсө. Веськыда кө шуны, Шомысова вылө сылөн ыджыд лөглун эз вөв. Мый көть эз висьтавлы Тшаков, Ермолин ёна сылы эз эскы. Ачыс Тшаковыс эз вөв сэтшөм мортөн, кодлы позис эскыны. Тайос Ермолин казяліс важөнкодь нин. Гашкө эськө уджыс кө базаын муніс бурджыка, механик эз и пыдди пукты нинөм, но өні ставыс өтлаасис өтчүкөрө, и сьөлөм вылас вөлі зэв сьокыд. Виччысис, мый гөтырыс отсалас сылы, а кутшөм вермис лоны сысянь отсөг? Степан адзыліс: Дуня көсийс отсавны сылы. Но мый сійө вермис вөчны?

Ыджыд отсөг Ермолин эз аддзыв и Деминсянь. Директор көть и быд лун воывліс мастерскөйө, но ыджыд төлкыс сылөн волөмысь эз жө вөв. Ермолин жалитис нин, мый сөгласитчис воны татчө. Төдіс өд бура... лоө сьокыд, и век жө локтис. Ыштис сы вылө, мый ачыс лоө көзяин.

Төвся лунъясыд дженьыдось: он на удит видзөдлыны, кыдзи бөр нин заводитө пемдыны. Көть бөръя лунъясас унджык тракторыс вөліны нин трасса вылынөсь, но мастерскөйын уджъяс эз чинны. То өти тракторлөн кыткө жугалас, то мөдлөн. Сэсся, выль додъяс ещө колө вөчны. Мыйта өд сәні уджыс!

Сьөлөм вылас Степанлөн эз вөв лөсьыд и сыысь, мый Леонтий Попвасевкөд лои сэтшөм мисьтөмтор. Таысь нин Ермолин асьсө лыддис ёна мыжаөн. Сійө эз вунөд, кыдзи коркө сы дінө шыасьліс Паша — Левоньлөн гөтырыс. Механик унаысь адзыліс: Попвасев воывліс удж вылө гажа юрөн. Но зілис не петкөдлыны, мый казявліс. Өні сылы Тшаковлөн унатор лои гөгөрвоана. Степан адзыліс сідз жө, кыдзи омөльтчис бөръя кадас Дуня. Чужөмыс векняммис, нырыс нюжаліс. Весиг синъясыс кыдзкө друг пытшкө вөйины. Өні нин сійө жалитис, мый унаысь сэтшөм лөкысь орддывліс гөтырсө, кор сійө вөлі сөрниө кутас пырөдчыны. Ок, мый эськө өні сійө ачыс эз сет, мед бөр воис налөн став важыс, мый вөлі кольөм гөжөм Сыктывкарын. Коліс кыдзкө бөр матыстчыны Дуня дінө, но кыдзи — эз төд. Поліс, мый Дуня ачыс ордас сійөс. Кодкөд сөветуйтчан та йылысь?

Отчыд Ермолинөс ас дінас корис Павел Егорьевич. «Мый нин сылы ещө мясянь колө? — скөраліс Ермолин директор вылө. — Кыкнанным мыжаөсь».

Дёмин ордын пукаліс и Вурдов. Тыдало, на костын муртса на вёлома ыджыд сёрни: пукалісны ота-мод дінсьыс ылыстчөмөн, гөрдөдөмаось. Директор лёкысь вешталіс пызан вылын куйлысь шөтілысь мольяссө. Ермолин пырис, и некоднанныс сы выло весиг эз видзөдлыны.

Механик сувтіс порог дорө, кутіс виччысьны.

— Мый өдзөс дорө сувтін?— шыасис сы дінө директор.— Лок матөджык.

Ермолин матыстчис, пуксис пызан дінө, видзөдліс пукалысьяс выло.

— Но вот, Степан Матвеевич...— кытчөкө бокө видзөдөмөн надзөник шуис Дёмин.— Тыдало, мяян тэкөд уджавсис... Менө вештөны удж вылысь. Тэнө сідз жө... Телефонограмма воис трестсянь. Локтөны пө вель директор и вель механик...

— Мый нө...— Ермолинлөн горш дінас кыпавліс кутшөмкө комөк, сійө мыйкө көсйис на шуны, но видзөдліс Дмитрий Ильич выло да ланьтіс: нинөмла вөлі сёрнитысө, ставыс гөгөрвоана.

— Да тэ эн шогсы!— бурөдіс сійөс Вурдов.— Ставным ми мыжаось. И ме тшөтш. Рөгыд ковмас партийной конференция выло районө лэччыны. Сэні и менсьым юаласны. Пуксян трактор выло да сідзи модан уджавны!..

Ермолин сувтіс.

— Кодлы делөсө сдайтны? Талун?

— Виччысьлы. Уджав на лун-мөдсө. Мортыс воас...

Ермолин директор ордысь петіс юрсө өшөдөмөн. Вот и ставыс! Эз на удит прамөя уджавны, а вештөны нин.

Степан надзөник муніс посёлок кузя. Тэрмасьнысө сылы некытчө. Коді өні сійөс виччысьө? Быдөн көнкө сы выло чуьнас индөны да сералөны. Но, нинөм: Степан Ермолин ещө петкөдлас на, мый сійө кужө да вермө уджавны. Сійө петкөдлас на, кызди кужөны уджавны армейской танкистъяс!

Ермолин сэтшөма вөйтчис аслас думьясө, мый эз аддзы гөгөрсьыс нинөм. Друг сэсся видзөдліс да аддзис: сыкөд орччөн осьлалө и Дуня. Код төдас, кор локтөма да орччөн сувтөма. Степан көсйис шуны мыйкө лёкөс да мисьтөмөс, но друг казяліс, кызди Дунялөн чужөм вылас петіс синва вөйт.

— Но, вот, Дуня...— ыджыда ышловзьөмөн висьталіс Степан.— Менам сэсся и уджавсис...

— Эн сөр, Степан!..—Шомысова босьтис Ермолин-лысь кисö.—Мыйла ставыс? Тэ нö мый—трактор вылас пукалöмсö вунöдін?.. Меным со абу жö кокниджык, а терпита... Олöмыс мянöс велöдö, Степан. И зэв лоö лёк, ми кö нинöмö ог велалö... Эн шогсы: мян ставыс на водзын... Райкоммолсянь телеграмма воис: Ванюша Поповöс мөдөдöны велөдчыны. Комсомольскöй путёвкаöн. Леснöй рабфакö. Гөгөрвоан? А тэ пөвзёмыд!..

«Муса Дуня! Кыдзи тэ кужан ас кадö да местаö кыв-тö шуны!»—думайтис Ермолин да топөдчыштис гөтырыс динö. Тайö збыль: нинöмла повны, кор орччөн тэкөд сэтшөм бур другьяс.

## ВОҚЛЫ ПИСЬМÖ

«Видза олан, Олексей!

Тэ юалан: мый мян вöли? Кыдзи ставыс тайö артмис?

Ме и ачым унатор бөръя кадөдзыс эг гөгөрво. Первойсö чайтлі: ме нинöмөн абу мыжа. Öнi жö, кор унатор йылысь нин думайтлі, дай вöли суд Тшаков вылын, ачымöс ме лыддя мыжаөн. Дерт, менам мыжыс, гашкö, и абу веськыд, но век жö мыжа.

Помнитан: гожöмнас, каникул вылад волігөн, тэ меным шулін:

— Ньötчыд эн лэпты ныртö, Домень. Тэ унатор на он төд, унатор эн адзыв, унатор он гөгөрво.

Кутшөм тайö вöлөма збыль.

Гашкö, ми и ог нин сэтшөм лёка уджалö. Но уджыд ещö этша на, вöлөм Дмитрий Ильич мянлысь восьтис синнымöс. Дзик бать кэдь сійö. Быдторйö велөдö, быдтор индалö. Кыдзкö сійö кужö сьөлөмад пырны, вөрзьöдны сэсь сэтшөминьяс, мый бөрвылас паметяд дыр кольöны.

Ме ог нин кут гижны Тшаков йылысь, Джыдж Максим йылысь. Суд вылын налөн став пеж уджыс эрдö петис. А то öд унаөн озкодь вöли эскыны.

Заводитім велөдчыны политшколаын, техкружокын. Ми öд кызкö найöс пыдди эг пуктылö. Мян колонна-лөн став показателяс бурöсь. Ставнымлы сетисны премияс. Колонналы сетисны премия—гудök. Ми сійöс пöдаритім клубы. Ок, и уджавны водзö мöдам! Ещö

бурджыка. Он верит? Со менам ки и кыв: рабфактö помалöм бöрын ачыд аддзан.

Тыдалö, Зоякöд миян делöыс свадьбаöдз воас. Ныв сийö зэв шань. Лунысь-лун сьёлöм вылö ёнджыка воö. Қора свадьба вылö!

Зэв ёна окотита велöдчыны. Қыкнанным Зоякöд. Тэ нин мунан институтö, а ме локта тэ местаö.

Пöлинö: Макарöс примитим комсомолö. Ермолинöс механикысь вештисны. Уджалö трактористөн. Ещö выльтор: воис базаö выль директор. Том инженер, муртса помалöма Архангельскöй лесотехнической институт. Қоркö тэнö инженерөн жö мöдам виччысьны. А гашкö и меным удайтчас велöдчыны. Дмитрий Ильич шуö: колö пö велöдчыны. Инженерьясыд пö воысь во унджык ковмасны.


Неважөн воліс бать. Гожöмнас пö колхозаныс трактор жö мөдас уджавны. Қорö гортö. Қызди тэ думайтан?

Топыда кутла китö. Гиж. Виччыся.

Видза коля тэнад вок.

1935—59 вв.

Д. Ульныров“.



*Иван Васильевич Избюров*  
В ВЕРХОВЬЯХ ВЫЧЕГДЫ  
П о в е с т ь  
на коми языке

Оформление Ю. Борисова

Редактор *С. Морозов* Техн. редактор *И. Цивунин*

Сдано в набор 30/X-59 г. Подп. к печати 16/XII-59 г.

Формат  $84 \times 108 \frac{1}{32} = 1,5$  бум. л. 4,92 печ. л.

(уч-изд. л. 5,1) Тираж 2000. Заказ № 3\*53. Ц01863

Цена 3 руб. Коми книжное издательство.

Дом печати.

---

г. Сыктывкар, Республиканская типография  
Полиграфиздата Министерства культуры Коми АССР



0-10K

СИБИРЬ  
Цена 30 к.

КОМИ КНИЖНОЙ ИЗДАТЕЛЬСТВО 1959